

आरंभसच्चमणप्योगपरिणया जाव असमारंभसच्चमणप्योगपरिणता ? गोयमा ! आरंभसच्चमणप्योगपरिणया वा जाव असमारंभसच्चमणप्योगपरिणया वा । अहवेगे आरंभसच्चमणप्योगपरिणते, एगे अणारंभसच्चमणप्योगपरिणते । एवं एएणं गमएणं दुयसंजोएणं नेयब्बं । सब्बे संयोगा जत्थ जत्तिया उद्देंति ते भाणियब्बा जाव सब्बद्विसिद्धग त्ति । ८४. जदि मीसापरिणता किं मणमीसापरिणता ? एवं मीसापरिणया वि । ८५. जदि वीससापरिणया किं वण्णपरिणया, गंधपरिणता० ? । एवं वीससापरिणया वि जाव अहवेगे चउरंसंठाणपरिणते, एगे आययसंठाणपरिणए वा । [सु. ८६-८८. विविहभेय-पभेयविभागपुब्बयंतिणहं दब्बाणं पयोग-मीस-वीससापरिणतत्तपर्खवणा] ८६. तिणि भंते ! दब्बा किं पयोगपरिणता ? मीसापरिणता ? वीससापरिणता ? गोयमा ! पयोगपरिणया वा, मीसापरिणया वा, वीससापरिणया वा १ । अहवेगे पयोगपरिणए, दो मीसापरिणता १ । अहवेगे पयोगपरिणए, दो वीससापरिणता २ । अहवा दो पयोगपरिणया, एगे मीसापरिणए ३ । अहवा दो पयोगपरिणता, एगे वीससापरिणते ४ । अहवेगे मीसापरिणए, दो वीससापरिणता ५ । अहवा दो मीससापरिणता, एगे वीससापरिणते ६ । अहवेगे पयोगपरिणते, एगे मीसापरिणते, एगे वीससापरिणते ७ । ८७. जदि पयोगपरिणता किं मणप्पयोगपरिणया ? वइप्पयोगपरिणता ? कायप्पयोगपरिणता ? गोयमा ! मणप्पयोगपरिणया वा० एवं एक्कगसंयोगो, दुयसंयोगो तियसंयोगो य भाणियब्बो । ८८. जदि मणप्पयोगपरिणता किं सच्चमणप्पयोगपरिणया ४ । गोयमा ! सच्चमणप्पयोगपरिणया वा जाव असच्चामोसमणप्पयोगपरिणया वा ४ । अहवेगे सच्चमणप्पयोगपरिणए, दो मोसमणप्पयोगपरिणया एवं दुयसंयोगो, तियसंयोगो भाणियब्बो । एथं वि तहेव जाव अहवा एगे तंसंठाणपरिणए वा एगे चउरंसंठाणपरिणए वा एगे आययसंठाणपरिणए वा । [सु. ८९-९०. विविहभेय-पभेयविभागपुब्बयं चतुप्पभितिअनंतदब्बाणं पयोग-मीस-वीससापरिणतत्तपर्खवणा] ८९. चत्तारि भंते ! दब्बा किं पओगपरिणया ३ ? गोयमा ! पयोगपरिणया वा, मीसापरिणया वा, वीससापरिणया वा । अहवेगे पओगपरिणए, तिणि मीसापरिणया १ । अहवा एगे पओगपरिणए, तिणि वीससापरिणया २ । अहवा दो पयोगपरिणया, दो मीसापरिणया ३ । अहवा दो पयोगपरिणया, दो वीससापरिणया ४ । अहवा तिणि पओगपरिणया, एगे मीससापरिणए ५ । अहवा तिणि पओगपरिणया, एगे वीससापरिणए ६ । अहवा एगे मीससापरिणए, तिणि वीससापरिणया ७ । अहवा दो मीसापरिणया, दो वीससापरिणया ८ । अहवा तिणि मीसापरिणया, एगे वीससापरिणए ९ । अहवेगे पओगपरिणए एगे मीसापरिणए, दो वीससापरिणया १; अहवेगे पयोगपरिणए,, दो मीसापरिणया, एगे वीससापरिणए २; अहवा दो पयोगपरिणया, एगे मीसापरिणए, एगे वीससापरिणए ३ । ९०. जदि पयोगपरिणया किं मणप्पयोगपरिणया ३ ? एवं एएणं कमेणं पंच छ सत्त जाव दस संखेजा असंखेजा अणंता य दब्बा भाणियब्बा । दुयासंजोएणं, तियासंजोगेणं जाव दससंजोएणं बारससंजोएणं उवजुंजिऊणं जत्थ जत्तिया संजोगा उद्देंति ते सब्बे भाणियब्बा । एए पुण जहा नवमसए पवेसणए भणीहामि तहा उवजुंजिऊण भाणियब्बा जाव असंखेजा । अणंता एवं चेव, नवरं एकं पदं अब्भहियं जाव अहवा अणंता परिमंडलसंठाणपरिणया जाव अणंता आययसंठाणपरिणया । [सु. ९१. पयोग-मीस-वीससापरिणताणं पोगलाणमप्पाबहुयं] ९१. एसि णं भंते ! पोगलाणं पयोगपरिणयाणं मीसापरिणयाणं वीससापरिणयाण य कतरे कतरेहिंतो जाव विसेसाहिया वा ? गोयमा ! सब्बत्थोवा पोगला पयोगपरिणया, मीसापरिणया अणंतगुणा, वीससापरिणया अणंतगुणा । सेवं भंते ! सेवं भंते ! ति० |★★★ अद्वमसयस्स पढमो उद्दसो समतो ॥८.१॥ ★★★ वीओ उद्देसो ‘आसीविसे’★★★ [सु. १. आसीविसाणं भेयदुयपर्खवणा] १. कतिविहा णं भंते ! आसीविसा पण्णता, गोयमा ! दुविहा आसीविसा पन्नता, तं जहा—जातिआसीविसा य, कम्मआसीविसा य । [सु. २. जातिआसीविसाणं चउभेयपर्खवणा] २. जातिआसीविसा णं भंते ! कतिविहा पण्णता ? गोयमा ! चउविहा पण्णता, तं जहा— विच्छुयजातिआसीविसे, मंडुक्कजातिआसीविसे, उरगजातिआसीविसे, मणुस्सजातिआसीविसे । [सु. ३-६. विच्छुयआईणं चउणं जातिआसीविसाणं विसयपर्खवणा] ३. विच्छुयजातिआसीविसस्स णं भंते ! केवतिए विसए पण्णते ? गोयमा ! पभू णं विच्छुयजातिआसीविसे अद्वभरहप्पमाणमेतं

बोंदिं विसेण विसपरिगयं विसद्वमाणिं पकरेत्तए । विसए से विसद्वयाए, नो चेव णं संपत्तीए करेंसु वा, करेंति वा, करिस्संति वा १ । ४. मंडुक्कजातिआसीविसपुच्छा । गोयमा ! पभू णं मंडुक्कजातिआसीविसे भरहप्पमाणमेत्त बोंदिं विसेण विसपरिगयं । सेसं तं चेव, नो चेव जाव करेस्संति वा २ । ५. एवं उरगजातिआसीविसस्स वि, नवरं जंबुद्वीपप्पमाणमेत्त बोंदिं विसेण विसपरिगयं० । सेसं तं चेव, नो चेव जाव करेस्संति वा ३ । ६. मणुस्सजातिआसीविसस्स वि एवं चेव, नवरं समयखेत्प्पमाणमेत्त बोंदिं विसेण विसपरिगयं० । सेसं तं चेव जाव करेस्संति वा ४ । [सु. ७-१९. तिरिक्खजोणिय-मणुस्स-देवाणं तिष्ठं कम्मआसीविसाणं वित्थरओ पर्खवणा] ७. जदि कम्मआसीविसे किं नेरइयकम्मआसीविसे, तिरिक्खजोणियकम्मआसीविसे, मणुस्सकम्मआसीविसे, देवकम्मासीविसे ? गोयमा ! नो नेरइयकम्मासीविसे, तिरिक्खजोणियकम्मासीविसे वि, मणुस्सकम्मासीविसे वि, देवकम्मासीविसे वि । ८. जदि तिरिक्खजोणियकम्मासीविसे किं एगिंदियतिरिक्खजोणियकम्मासीविसे ? जाव पंचिंदियतिरिक्खजोणियकम्मासीविसे ? गोयमा ! नो एगिंदियतिरिक्खजोणियकम्मासीविसे जाव नो चतुरिंदियतिरिक्खजोणियकम्मासीविसे, पंचिंदियतिरिक्खजोणियकम्मासीविसे । ९. जदि पंचिंदियतिरिक्खजोणियकम्मासीविसे किं सम्मुच्छिमपंचिंदियतिरिक्खजोणियकम्मासीविसे ? गब्भवकं तियपंचिंदियतिरिक्खजोणियकम्मासीविसे ? एवं जहा वेउव्वियसरीरस्स भेदो जाव

पज्जत्तासंखेज्वासाउयगब्भवकंतियपंचिंदियतिरिक्खजोणियकम्मासीविसे, नो अपज्जत्तासंखेज्वासाउय जाव कम्मासीविसे । १०. जदि मणुस्सकम्मासीविसे किं सम्मुच्छिमणुस्सकम्मासीविसे ? गब्भवकंतियमणुस्सकम्मासीविसे ? गोयमा ! णो सम्मुच्छिममणुस्सकम्मासीविसे, गब्भवकंतियमणुस्सकम्मासीविसे, एवं जहा वेउव्वियसरीं जाव पज्जत्तासंखेज्वासाउयकम्मभूमगगब्भवकंतियमणूस्सकम्मासीविसे, नो अपज्जत्ता जाव कम्मासीविसे । ११. जदि देवकम्मासीविसे किं भवणवासीदेवकम्मासीविसे जाव वेमाणियदेवकम्मासीविसे ? गोयमा ! भवणवासिदेवकम्मासीविसे, वाणमंतरदेव०, जोतिसिय०, वेमाणियदेवकम्मासीविसे वि । १२. जइ भवणवासिदेवकम्मासीविसे किं असुरकु मारभवणवासिदेवकम्मासीविसे जाव थणियकु मार जाव कम्मासीविसे ? गोयमा ! असुरकु मारभवणवासिदेवकम्मासीविसे वि जाव थणियकु मार जाव कम्मासीविसे वि । १३. (१) जइ असुरकु मार जाव कम्मासीविसे किं पज्जत्तअसुरकु मारभवणवासिदेवकम्मासीविसे ? अपज्जत्तअसुरकु मारभवणवासिदेवकम्मासीविसे ? गोयमा ! नो पज्जत्तअसुरकु मार जाव कम्मासीविसे, अपज्जत्तअसुरकु मारभवणवासिदेवकम्मासीविसे । (२) एवं जाव थणियकु माराणं । १४. जदि वाणमंतरदेवकम्मासीविसे किं पियासवाणमंतर० ? एवं सव्वेसि पि अपज्जत्तगाणं । १५. जोतिसियाणं सव्वेसि अपज्जत्तगाणं । १६. जदि वेमाणियदेवकम्मासीविसे किं कप्पोवगवेमाणियदेवकम्मासीविसे ? कप्पातीतवेमाणियदेवकम्मासीविसे ? गोयमा ! कप्पोवगवेमाणियदेवकम्मासीविसे, नो कप्पातीतवेमाणियदेवकम्मासीविसे । १७. जति कप्पोवगवेमाणियदेवकम्मासीविसे किं सोधम्मकप्पोव० जाव कम्मासीविसे जाव अच्युयकप्पोवग जाव कम्मासीविसे ? गोयमा ! सोधम्मकप्पोवगवेमाणियदेवकम्मासीविसे वि जाव सहस्सारकप्पोवगवेमाणियदेवकम्मासीविसे वि, नो आणयकप्पोवग जाव नो अच्युतकप्पोवगवेमाणियदेव० । १८. जदि सोहम्मकप्पोवग जाव कम्मासीविसे किं पज्जत्तसोधम्मकप्पोवगवेमाणिय० अपज्जत्तगसोहम्मग० ? गोयमा ! नो पज्जत्तसोहम्मकप्पोवगवेमाणिय०, अपज्जत्तसोधम्मकप्पोवगवेमाणियदेवकम्मासीविसे । १९. एवं जाव नो पज्जत्तासहस्सारकप्पोवगवेमाणिय जाव कम्मासीविसे, अपज्जत्तसहस्सारकप्पोवग जाव कम्मासीविसे । [सु. २०-२१. छउमत्थस्स सव्वभावजाणणाअविसयाइं केवलिणो य सव्वभावजाणणाविसयाइं दस ठाणाइं] २०. दस ठाणाइं छउमत्थे सव्वभावेण न जाणति न पासति, तं जहा—धम्मत्थिकायं १ अधम्मत्थिकायं २ आगासत्थिकायं ३ जीवं असरीरपडिबद्धं ४ परमाणुपोग्गलं ५ सदं ६ गंधं ७ वातं ८ अयं जिणे भविस्सति वा ण वा भविस्सइ ९ अयं सव्वदुक्खाणं अंतं करेस्सति वा न वा करेस्सइ १० । २१. एयाणि चेव उप्पन्नाण-दंसणधरे अरहा जिणे केवली सव्वभावेण जाणति पासति, तं जहा—धम्मत्थिकायं १ जाव करेस्सति वा न वा करेस्सति १० । [सु. २२-२३. पंचविहनाणभेयाइजाणणत्थं रायपसेणइयसुत्तावलोयणनिदेसो]

૨૨. કતિવિહે ણ ભંતે ! નાણે પણન્તે ? ગોયમા ! પંચવિહે નાણે પણન્તે, તં જહા— આભિણિબોહિયનાણે સુયનાણે ઓહિનાણે મણપજ્જવનાણે કેવલનાણે । ૨૩. (૧) સે કિં તં આભિણિબોહિયનાણે ? આભિણિબોહિયનાણે ચતુબ્લિહે પણન્તે, તં જહા— ઉગ્ઘાણે ઈંહા અવાઓ ધારણા । (૨) એવં જહા રાયપ્પસેણઝાએ ણાણાણં ભેદો તહેવ ઇહ વિ ભાણિયબો જાવ સે તં કેવલનાણે । [સુ. ૨૪-૨૮. અણાણાણં ભેય-પભેયપરૂખવણા] ૨૪. અણાણે ણ ભંતે ! કતિવિહે પણન્તે ? ગોયમા ! તિવિહે પણન્તે, તં જહા—મઝઅન્નાણે સુયઅન્નાણે વિભંગનાણે । ૨૫. સે કિં તં મઝઅણાણે ? મઝઅણાણે ચતુબ્લિહે પણન્તે, તં જહા— ઉગ્ઘાણે જાવ ધારણા । ૨૬. (૧) સે કિં તં ઉગ્ઘાણે ? ઉગ્ઘાણે દુબિહે પણન્તે, તં જહા— અથોગહે ય વંજણોગહે ય । (૨) એવં જહેવ આભિણિબોહિયનાણાં તહેવ, નવરં એગઢ્યિવજં જાવ નોહિંદિયધારણા, સે તં ધારણા । સે તં મતિઅણાણે । ૨૭. સે કિં તં સુયઅણાણે ? સુતઅણાણે જં ઇમં અણાણિએહિં મિચ્છદિદ્ધિએહિં જહા નંદીએ જાવ ચત્તારિ વેદા સંગોવંગા । સે તં સુયઅન્નાણે । ૨૮. સે કિં તં વિભંગનાણે ? વિભંગનાણે અણેગવિહે પણન્તે, તં જહા— ગામસંઠિએ નગરસંઠિએ જાવ સંન્નિવેસસંઠિએ દીવસંઠિએ સમુદ્દ્રસંઠિએ વાસસંઠિએ વાસહરસંઠિએ પવ્વયસંઠિએ રૂક્ખવસંઠિએ થૂભસંઠિએ હયસંઠિએ નરસંઠિએ કિન્નરસંઠિએ કિંપુરિસસંઠિએ મહોરગસંઠિટે ગંધબ્વસંઠિએ ઉસભસંઠિએ પસુ-પસય-વિહગ-વાનરણાણસંઠાણસંઠિટે પણન્તે । [સુ. ૨૯-૩૮. જીવ ચતુવીસદંડ્ય-સિદ્ધેસુ નાણિ-અણાણિવત્તવ્યા] ૨૯. જીવા ણ ભંતે ! કિં નાણી, અન્નાણી ? ગોયમા ! જીવા નાણી વિ, અન્નાણી વિ । જે નાણી તે અથેગતિયા દુન્નાણી, અથેગતિયા તિન્નાણી, અથેગતિયા ચતુનાણી, અથેગતિયા એગનાણી । જે દુન્નાણી તે આભિણિબોહિયનાણી ય સુયનાણી ય । જે તિન્નાણી તે આભિણિબોહિયનાણી સુતનાણી ઓહિનાણી, અહવા આભિણિબોહિયનાણી સુતનાણી મણપજ્જવનાણી । જે ચતુણાણી તે આભિણિબોહિયનાણી સુતનાણી ઓહિનાણી મણપજ્જવણાણી । જે એગનાણી તે નિયમા કેવલનાણી । જે અણાણી તે અથેગતિયા દુઅણાણિ, અથેગતિયા તિઅણાણી । જે દુઅણાણી તે મઝઅણાણી ય સુયઅણાણી ય । જે તિઅણાણી તે મતિઅણાણી સુયઅણાણી વિભંગનાણી । ૩૦. નેરઝયા ણ ભંતે ! કિં નાણી, અણાણી ? ગોયમા ! નાણી વિ અણાણી વિ । જે નાણી તે નિયમા તિન્નાણી, તં જહા— આભિણિબોહિદો સુયનાણી ઓહિનાણી । જે અણાણી તે અથેગતિયા દુઅણાણી, અથેગતિયા તિઅણાણી । એવં તિણિ અણાણાણિ ભયણાએ । ૩૧. (૧) અસુરકુમારા ણ ભંતે કિં નાણી અણાણી ? તહેવ નેરઝયા તહેવ તિણિ નાણાણિ નિયમા, તિણિ ય અણાણાણિ ભયણાએ । (૨) એવં જાવ થળિયકુમારા । ૩૨. (૧) પુઢવિક્ષાઝયા ણ ભંતે ! કિં નાણી અણાણી ? ગોયમા ! નો નાણી, અણાણી— મતિઅણાણી ય, સુતઅણાણી ય । (૨) એવં જાવ વણસ્સસિકાઝયા । ૩૩. (૧) બેઝિંદિયાણ પુચ્છા । ગોયમા ! ણાણી વિ, અણાણી વિ । જે નાણી તે નિયમા દુણાણી, તં જહા-આભિણિબોહિયનાણી ય સુયણાણી ય । જે અણાણી તે નિયમા દુઅણાણી-આભિણિબોહિયઅણાણી ય સુયઅણાણી ય । (૨) એવં તેઝિંદિય-ચતુર્ંદિય વિ । ૩૪. પંચિંદિયતિરિક્ખજોળિયાણ પુચ્છા । ગોયમા ! નાણી વિ અણાણી વિ । જે નાણી તે અથેગતિયા દુણાણી, અથેગતિયા તિન્નાણી । એવં તિણિનાણાણિ તિણિ અણાણાણિ ય ભયણાએ । ૩૫. મણુસ્સા જહા જીવા તહેવ પંચ નાણાણિ તિણિ અણાણાણિ ય ભયણાએ । ૩૬. વાણમંતરા જહા નેરઝયા । ૩૭. જોતિસિય-વેમાળિયાણ તિણિનાણા તિણિઅન્નાણા નિયમા । ૩૮. સિદ્ધા ણ ભંતે ! પુચ્છા । ગોયમા ! ણાણી, નો અણાણી । નિયમા એગનાણી-કેવલનાણી । [સુ. ૩૯-૧૫૯. ગઝાઇવીસિદ્ધારેસુ નાણિ-અણાણિવત્તવ્યા] ૩૯. નિરયગતિયા ણ ભંતે ! જીવા કિં નાણી, અણાણી ? ગોયમા ! નાણી વિ, અણાણી વિ । તિણિનાણાંન નિયમા, તિણિઅન્નાણાંન ભયણાએ । ૪૦. તિરિયગતિયા ણ ભંતે ! જીવા કિં નાણી, અણાણી ? ગોયમા ! દો નાણા, દો અન્નાણા નિયમા । ૪૧. મણુસ્સગતિયા ણ ભંતે ! જીવા કિં નાણી, અન્નાણી ? ગોયમા ! તિણિનાણાંન ભયણાએ । ૪૨. દેવગતિયા જહા નિરયગતિયા । ૪૩. સિદ્ધગતિયા ણ ભંતે ! જીવા કિં નાણી, અણાણી ? ગોયમા ! ચત્તારિ નાણાંન, તિણિ અણાણાંન ભયણાએ । ૪૪. એગિંદિયા ણ ભંતે ! જીવા કિં નાણીઓ ? જહા પુઢવિક્ષાઝયા । ૪૫. બેઝિંદિય-તેઝિંદિય-ચતુર્ંદિયાણ દો નાણા, દો અણાણા નિયમા । ૪૬. પંચિંદિયા જહા સિદ્ધા । ૪૭. અણિંદિયા ણ ભંતે ! જીવા કિં નાણીઓ ? જહા સિદ્ધા (સુ. ૩૮) । ૪૮. [સુ. ૪૯-૫૨. તઝયં કાયદારં પડુચ્ચ નાણિ-અન્નાણિપરૂખવણા] ૪૯.

સકાઇયા ણ ભંતે ! જીવા કિં નાણી અન્નાણી ? ગોયમા ! પંચ નાણાણિ તિણિ અન્નાણાં ભયણાએ । ૫૦. પુઢવિકાઇયા જાવ વણસ્પસ્સિકાઇયા નો નાણી, અણાણી | નિયમા દુઅણાણી; તં જહા-મતિઅણાણી ય સુયઅણાણી ય । ૫૧. તસકાઇયા જહા સકાઇયા (સુ. ૪૯) । ૫૨. અકાઇયા ણ ભંતે ! જીવા કિં નાણી૦ ? જહા સિદ્ધા (સુ. ૩૮) । ૩ । [(સુ. ૫૩-૫૫. ચઉત્થં સુહુમદારં પડુચ્ચ નાણિ-અન્નાણિપરૂવણા] ૫૩. સુહુમા ણ ભંતે ! જીવા કિં નાણી૦ ? જહા પુઢવિકાઇયા (સુ. ૫૦) । ૫૪. બાદરા ણ ભંતે ! જીવા કિં નાણી૦ ? જહા સકાઇયા (સુ. ૪૯) । ૫૫. નોસુહુમાનોબાદરા ણ ભંતે ! જીવા૦ ? જહા સિદ્ધા (સુ. ૩૮) । ૪ । [(સુ. ૫૬-૭૦. પંચમ પજ્જતદારં પડુચ્ચ નાણિ-અન્નાણિપરૂવણા] ૫૬. પજ્જતા ણ ભંતે ! જીવા કિં નાણી૦ ? જહા સકાઇયા (સુ. ૪૯) । ૫૭. પજ્જતા ણ ભંતે ! નેરતિયા કિં નાણી૦ ? તિણિઅણાણા, તિણિઅણાણા નિયમા । ૫૮. જહા નેરઝયા એવં જાવ થળિયકુમારા । ૫૯. પુઢવિકાઇયા જહા એગિંદિયા | એવં જાવ ચતુરિંદિયા । ૬૦. પજ્જતા ણ ભંતે ! પંચિંદિયતિરિક્ખજોણિયા કિં નાણી, અણાણી ? તિણિ નાણા, તિણિ અણાણા ભયણાએ । ૬૧. મણુસ્સા જહા સકાઇયા (સુ. ૪૯) । ૬૨. વાણમંતર-જોઝિસિય-વેમાણિયા જહા નેરઝયા (સુ. ૫૭) । ૬૩. અપજ્જતા ણ ભંતે ! જીવા કિં નાણી ૨ ? તિણિ નાણા, તિણિ અણાણા ભયણાએ । ૬૪. (૧) અપજ્જતા ણ ભંતે ! નેરતિયા કિં નાણી, અન્નાણી ? તિણિ નાણા, નિયમા તિણિ અણાણા ભયણાએ । (૨) એવં જાવ થળિયકુમારા । ૬૫. પુઢવિકાઇયા જાવ વણસ્પતિકાઇયા જહા એગિંદિયા । ૬૬. (૧) બેંદિયા ણ૦ પુચ્છા | દો નાણા, દો અણાણા ણિયમા । (૨) એવં જાવ પંચિંદિયતિરિક્ખજોણિયાણું । ૬૭. અપજ્જતા ણ ભંતે ! મણુસ્સા કિં નાણી, અન્નાણી ? તિણિ નાણાં ભયણાએ, દો અણાણાં નિયમા । ૬૮. વાણમંતરા જહા નેરતિયા (સુ. ૬૪) । ૬૯. અપજ્જતા જોઝિસિય-વેમાણિયા ણ૦ ? તિણિ નાણા, તિન્નિ અણાણા નિયમા । ૭૦. નોપજ્જતાનોઅપજ્જતા ણ ભંતે ! જીવા કિં નાણી૦ ? જહા સિદ્ધા (સુ. ૩૮) । ૧૫ । [(સુ. ૭૧-૭૫. છદું ભવત્થદારં પડુચ્ચ નાણિ-અન્નાણિપરૂવણા] ૭૧. નિરયભવત્થા ણ ભંતે ! જીવા કિં નાણી, અણાણી ? જહા નિરયગતિયા (સુ. ૩૯) । ૭૨. તિરિયભવત્થા ણ ભંતે ! જીવા કિં નાણી, અણાણી ? તિણિ નાણા, તિણિ અણાણા ભયણાએ । ૭૩. મણુસ્સભવત્થ ણ૦ ? જહા સકાઇયા (સુ. ૪૯) । ૭૪. દેવભવત્થા ણ ભંતે ! ? જહા નિરયભવત્થા (સુ. ૭૧) । ૭૫. અભવત્થા જહા સિદ્ધા (સુ. ૩૮) । ૬૧ । [(સુ. ૭૬-૭૮. સત્તમં ભવસિદ્ધિયદારં પડુચ્ચ નાણિ-અન્નાણિપરૂવણા] ૭૬. ભવસિદ્ધિયા ણ ભંતે ! જીવા કિં નાણી૦ ? જહા સકાઇયા (સુ. ૪૯) । ૭૭. અભવસિદ્ધિયા ણ૦ પુચ્છા | ગોયમા ! નો નાણી; અણાણી, તિણિ અણાણાં ભયણાએ । ૭૮. નોભવસિદ્ધિયનોઅભવસિદ્ધિયા ણ ભંતે ! જીવા૦ ? જહા સિદ્ધા (સુ. ૩૮) । ૭૯ । [(સુ. ૭૯-૮૧. અદૃમં સન્નિદારં પડુચ્ચ નાણિ અન્નાણિપરૂવણા] ૭૯. સણ્ણી ણ૦ પુચ્છા | જહા સિંદિયા (સુ. ૪૪) । ૮૦. અસણ્ણી જહા બેંદિયા (સુ. ૪૬) । ૮૧. નોસણ્ણીનોઅસણ્ણી જહા સિદ્ધા (સુ. ૩૮) । ૮૧ । [(સુ. ૮૨-૧૧૭. નવમં લદ્ધિદારં પડુચ્ચ નાણિ-અન્નાણિપરૂવણા] [સુ. ૮૨-૯૦. દસવિહલદ્ધિભેય-પભેયપરૂવણા] ૮૨. કતિવિહા ણ ભંતે ! લદ્ધી પણન્તા ? ગોયમા ! દસવિહા લદ્ધી પણન્તા, તં જહા-નાણલદ્ધી ૧ દંસણલદ્ધી ૨ ચરિત્તલદ્ધી ૩ ચરિત્તાચરિત્તલદ્ધી ૪ દાણલદ્ધી ૫ લાભલદ્ધી ૬ ભોગલદ્ધી ૭ ઉવભોગલદ્ધી ૮ વીરિયલદ્ધી ૯ ઇંદિયલદ્ધી ૧૦ । ૮૩. ણાણલદ્ધી ણ ભંતે ! કતિવિહા પણન્તા ? ગોયમા ! પંચવિહા પણન્તા, તં જહા—આભિણિબોહિયણાણલદ્ધી જાવ કેવલણાણલદ્ધી । ૮૪. અણાણલદ્ધી ણ ભંતે ! કતિવિહા પણન્તા ? ગોયમા ! તિવિહા પણન્તા, તં જહા—મહાઅણાણલદ્ધી સુતઅણાણલદ્ધી વિભંગનાણલદ્ધી । ૮૫. દંસણલદ્ધી ણ ભંતે ! કતિવિહા પણન્તા ? ગોયમા ! તિવિહા પણન્તા, તં જહા—સમ્મદંસણલદ્ધી મિચ્છાદંસણલદ્ધી સમ્મામિચ્છાદંસણલદ્ધી । ૮૬. ચરિત્તલદ્ધી ણ ભંતે ! કતિવિહા પણન્તા ? ગોયમા ! પંચવિહા પણન્તા, તં જહા—સામાયચરિત્તલદ્ધી છેદોવદ્ધાવણિયલદ્ધી પરિહારવિસુદ્ધલદ્ધી સુહુમસંપરાગલદ્ધી અહક્ખાયચરિત્તલદ્ધી । ૮૭. ચરિત્તાચરિત્તલદ્ધી ણ ભંતે ! કતિવિહા પણન્તા ? ગોયમા ! એગાગારા પણન્તા । ૮૮. એવં જાવ ઉવભોગલદ્ધી એગાગારા પણન્તા । ૮૯. વીરિયલદ્ધી ણ ભંતે ! કતિવિહા પણન્તા ? ગોયમા ! તિવિહા પણન્તા, તં જહા—બાલવીરિયલદ્ધી પંડિયવીરિયલદ્ધી બાલપંડિયવીરિયલદ્ધી । ૯૦. ઇંદિયલદ્ધી ણ ભંતે ! કતિવિહા પણન્તા ? ગોયમા ! પંચવિહા પણન્તા, તં જહા—સોતિંદિયલદ્ધી જાવ ફાસિંદિયલદ્ધી । [સુ. ૯૧-૯૯. નાણ-અન્નાણલદ્ધિમંતરીવેસુ નાણિ-અન્નાણિપરૂવણા] ૯૧. (૧) નાણલદ્ધિયા ણ ભંતે ! જીવા કિં નાણી,

અણાણી ? ગોયમા ! નાણી, નો અણાણી; અથેગતિયા દુનાણી | એવં પંચ નાણાં ભયણાએ | (૨) તસ્સ અલદ્ધીયા ણ ભંતે ! જીવા કિં નાણી, અણાણી ? ગોયમા ! નો નાણી, અણાણી; અથેગતિયા દુઅણાણી, તિણિ અણાણાણિ ભયણાએ | ૧૨. (૧) આભિણિબોહિયણાણલદ્વિયા ણ ભંતે ! જીવા કિં નાણી, અણાણી ? ગોયમા ! નાણી, નો અણાણી; અથેગતિયા દુણાણી, ચત્તારિ નાણાં ભયણાએ | (૨) તસ્સ અલદ્ધીયા ણ ભંતે ! જીવા કિં નાણી અણાણી ? ગોયમા ! નાણી, વિ અણાણી વિ | જે નાણી તે નિયમા એગનાણી-કેવલનાણી | જે અણાણી તે અથેગતિયા દુઅન્નાણી, તિણિ અણાણાં ભયણાએ | ૧૩. (૧) એવં સુયનાણલદ્ધીયા વિ | (૨) તસ્સ અલદ્ધીયા વિ જહા આભિણિબોહિયનાણસ્સ અલદ્ધીયા | ૧૪. (૧) ઓહિનાણલદ્ધીયા ણ૦ પુચ્છા | ગોયમા ! નાણી, નો અણાણી, અથેગતિયા તિણાણી, અથેગતિયા ચતુનાણી | જે તિણાણી તે આભિણિબોહિયનાણી સુયનાણી ઓહિનાણી | જે ચતુનાણી તે આભિણિબોહિયનાણી સુતનાણી ઓહિણાણી મણપજ્જવનાણી | (૨) તસ્સ અલદ્ધીયા ણ ભંતે ! જીવા કિં નાણી૦ ? ગોયમા ! નાણી વિ, અણાણી વિ | એવં ઓહિનાણવજાં ચત્તારિ નાણાં, તિણિ અણાણાં ભયણાએ | ૧૫. (૧) મણપજ્જવનાણલદ્વિયા ણ૦ પુચ્છા | ગોયમા ! ણાણી, ણો અણાણી | અથેગતિયા તિણાણિ, અથેગતિયા ચતુનાણી | જે તિણાણી તે આભિણિબોહિયનાણી સુતનાણી મણપજ્જવણાણી | જે ચતુનાણી તે આભિણિબોહિયનાણી સુયનાણી ઓહિનાણી મણપજ્જવનાણી | (૨) તસ્સ અલદ્ધીયા ણ૦ પુચ્છા | ગોયમા ! ણાણી વિ, અણાણી વિ, મણપજ્જવણાણવજાં ચત્તારિ ણાણાં, તિણિ અણાણાં ભયણાએ | ૧૬. (૧) કેવલનાણલદ્વિયા ણ ભંતે ! જીવા કિં નાણી, અન્નાણી ? ગોયમા ! નાણી, નો અણાણી | નિયમા એગણાણી-કેવલનાણી | (૨) તસ્સ અલદ્ધીયા ણ૦ પુચ્છા | ગોયમા ! નાણી વિ, અણાણિ વિ | કેવલનાણવજાં ચત્તારિ ણાણાં, તિણિ અણાણાં ભયણાએ | ૧૭. (૧) અણાણલદ્વિયા ણ૦ પુચ્છા | ગોયમા ! નો નાણી, અણાણિ; તિણિ અણાણાં ભયણાએ | (૨) તસ્સ અલદ્ધીયા ણ૦ પુચ્છા | ગોયમા ! નાણી, નો અણાણી | પંચ નાણાં ભયણાએ | ૧૮. જહા અણાણસ્સ લદ્વિયા અલદ્ધીયા ય ભણિયા એવં મહાઅણાણસ્સ, સુયઅણાણસ્સ ય લદ્વિયા અલદ્ધીયા ય ભાણિયબ્વા | ૧૯. વિભંગનાણલદ્વિયાણ તિણિ અણાણાં નિયમા | તસ્સ અલદ્ધીયાણ પંચ નાણાં ભયણાએ | દો અણાણાં નિયમા | [ સુ. ૧૦૦-૧૦૩. દંસણલદ્વિમંત્તરીવેસુ નાણિ - અન્નાણિપરૂવણા] ૧૦૦. (૧) દંસણલદ્વિયા ણ ભંતે ! જીવા કિં નાણી, અણાણી ? ગોયમા ! નાણી વિ, અણાણી વિ | પંચ નાણાં, તિણિ અણાણાં ભયણાએ | (૨) તસ્સ અલદ્ધીયા ણ ભંતે ! જીવા કિં નાણી અન્નાણી ? ગોયમા ! તસ્સ અલદ્ધીયા નાથી | ૧૦૧. (૧) સમ્મદ્વંસણલદ્વિયાણ પંચ નાણાં ભયણાએ | (૨) તસ્સ અલદ્ધીયાણ તિણિ અણાણાં ભયણાએ | ૧૦૨. (૧) મિચ્છાદંસણલદ્વિયા ણ ભંતે !૦ પુચ્છા | તિણિ અણાણાં ભયણાએ | (૨) તસ્સ અલદ્ધીયાણ પંચ નાણાં, તિણિ ય અણાણાં ભયણાએ | ૧૦૩. સમ્મામિચ્છાદંસણલદ્વિયા અલદ્ધીયા ય જહા મિચ્છાદંસણલદ્વી અલદ્ધી તહેવ ભાણિયબ્વં | [સુ. ૧૦૪-૧૦૬. ચરિત્તલદ્વિમંત્તરીવેસુ નાણિ-અન્નાણિપરૂવણા] ૧૦૪. (૧) ચરિત્તલદ્વિયા ણ ભંતે ! જીવા કિં નાણી, અણાણી ? ગોયમા ! પંચ નાણાં ભયણાએ | (૨) તસ્સ અલદ્ધીયાણ મણપજ્જવનાણવજાં ચત્તારિ નાણાં, તિન્નિ ય અન્નાણાં ભયણાએ | ૧૦૫. (૧) સામાઇયચરિત્તલદ્વિયા ણ ભંતે ! ગોયમા ! જીવા કિં નાણી, અન્નાણી ? ગોયમા ! નાણી, કેવલવજાં ચત્તારિ નાણાં ભયણાએ | (૨) તસ્સ અલદ્ધીયાણ પંચ નાણાં તિણિ ય અણાણાં ભયણાએ | ૧૦૬. એવં જહા સામાઇયચરિત્તલદ્વિયા અલદ્ધીયા ય ભાણિયા એવં જાવ અહુક્ખાયચરિત્તલદ્વિયા અલદ્ધીયા ય ભાણિયબ્વા, નવરં અહુક્ખાયચરિત્તલદ્વિયાણ પંચ નાણાં ભયણાએ | [સુ. ૧૦૭. ચરિત્તાચરિત્તલદ્વિમંત્તરીવેસુ નાણિ - અન્નાણિપરૂવણા] ૧૦૭. (૧) ચરિત્તાચરિત્તલદ્વિયા ણ ભંતે ! જીવા કિં નાણી, અણાણી ? ગોયમા ! નાણી, નો અણાણી | અથેગતિયા દુણાણી, અથેગતિયા તિણાણી | જે દુન્નાણી તે આભિણિબોહિયનાણી ય, સુયનાણી ય | જે તિન્નાણી તે આભિ૦ સુતના૦ ઓહિનાણી ય | (૨) તસ્સ અલદ્ધીયાણ પંચ નાણાં, તિણિ અણાણાં ભયણાએ | [ સુ. ૧૦૮-૧૧૨. દાણ-લાભ-ભોગ-ઉવભોગ-વીરિયલદ્વિમંત્તરીવેસુ નાણિ-અન્નાણિપરૂવણા] ૧૦૮. (૧) દાણલદ્વિયાણ પંચ નાણાં, તિણિ અણાણાં ભયણાએ | ૧૦૯. એવં જાવ વીરિયસ્સ લદ્વી અલદ્ધી ય ભાણિયબ્વા | ૧૧૦. (૧) બાલવીરિયલદ્વિયાણ તિણિ નાણાં તિણિ અણાણાં ભયણાએ | એગનાણી-કેવલનાણી | ૧૧૧. એવં જાવ વીરિયસ્સ લદ્વી અલદ્ધી ય ભાણિયબ્વા | ૧૧૨. (૧) બાલવીરિયલદ્વિયાણ તિણિ નાણાં તિણિ અણાણાં ભયણાએ |

(૨) તસ્સ અલદ્વિયાણ પંચ નાણાઇં ભયણાએ। ૧૧૧. (૧) પંડિયવીરિયલદ્વિયાણ પંચ નાણાઇં ભયણાએ। (૨) તસ્સ અલદ્વિયાણ મણપજ્વનાણવજાઇં ણાણાઇં, અણાણાણિ તિણિ ય ભયણાએ। ૧૧૨. (૧) બાલપંડિયવીરિયલદ્વિયાણ ભંતે ! જીવા૦ ? તિણિ નાણાઇં ભયણાએ। (૨) તસ્સ અલદ્વિયાણ પંચ નાણાઇં, તિણિ ય અણાણાઇં ભયણાએ। [સુ. ૧૧૩-૧૧૭. ઇંદિયલદ્વિમંતજીવેસુ નાણિ -અન્નાણિપરૂવણ] ૧૧૩. (૧) ઇંદિયલદ્વિયાણ ભંતે ! જીવા કિં નાણી, અણાણી ? ગોયમા ! ચત્તારિ ણાણાઇં, તિણિ ય અન્નાણાઇં ભયણાએ। (૨) તસ્સ અલદ્વિયાણો પુચ્છા ! ગોયમા ! નાણી, નો અણાણી નિયમા | એગનાણી-કેવલનાણી | ૧૧૪. (૧) સોઝિંદિયલદ્વિયાણ જહા ઇંદિયલદ્વિયા (સુ. ૧૧૩)। (૨) તસ્સ અલદ્વિયાણો પુચ્છા ! ગોયમા ! નાણી વિ અણાણી વિ | જે નાણી તે અથેગતિયા દુન્નાણી, અથેગતિયા એગનાણી | જે દુન્નાણી તે આભિણબોહિયનાણી સુયનાણી | જે એગનાણી તે કેવલનાણી | જે અણાણી તે નિયમા દુઅન્નાણી, તં જહા—મઝઅણાણી ય, સુતઅણાણી ય | ૧૧૫. ચક્ખિંદિય-ઘાળિંદિયાણ લદ્વિયાણ અલદ્વિયાણ ય જહેવ સોઝિંદિયસ્સ (સુ. ૧૧૪)। ૧૧૬. (૧) જિભિંદિયલદ્વિયાણ ચત્તારિ ણાણાઇં, તિણિ ય અણાણાણિ ભયણાએ। (૨) તસ્સ અલદ્વિયાણો પુચ્છા ! ગોયમા ! નાણી વિ, અણાણી વિ | જે નાણી તે નિયમા એગનાણી-કેવલનાણી | જે અણાણી તે નિયમા દુઅન્નાણી, તં જહા—મઝઅણાણી ય, સુતઅણાણી ય | ૧૧૭. ફાસિંદિયલદ્વિયાણ અલદ્વિયાણ જહા ઇંદિયલદ્વિયા ય અલદ્વિયા ય (સુ. ૧૧૩)। ૧૧ [સુ. ૧૧૮-૧૩૦. દસમં ઉવાગેદારં પડુચ્ચ નાણિ-અન્નાણિપરૂવણ] ૧૧૮. સાગારોવયુત્તા ણ ભંતે ! જીવા કિં નાણી, અણાણી ? પંચ નાણાઇં, તિણિ અણાણાઇં ભયણાએ | ૧૧૯. આભિણબોહિયનાણસાગારોવયુત્તા વિ | ૧૨૦. એવં સુતનાણસાગારોવયુત્તા વિ | ૧૨૧. ઓહિનાણસાગારોવયુત્તા જહા ઓહિનાણલદ્વિયા (સુ. ૧૪ ૧)। ૧૨૨. મણપજ્વનાણસાગારોવયુત્તા જહા મણપજ્વનાણલદ્વિયા (સુ. ૧૫ ૧)। ૧૨૩. કેવલનાણસાગારોવયુત્તા જહા કેવલનાણલદ્વિયા (સુ. ૧૬ ૧)। ૧૨૪. મઝઅણાણસાગારોવયુત્તાં તિણિ અણાણાઇં ભયણાએ | ૧૨૫. એવં સુતઅણાણસાગારોવયુત્તા વિ | ૧૨૬. વિભંગનાણસાગારોવયુત્તાં તિણિ અણાણાઇં નિયમા | ૧૨૭. અણાગારોવયુત્તા ણ ભંતે ! જીવા કિં નાણી, અણાણી ? પંચ નાણાઇં, તિણિ અણાણાઇં ભયણાએ | ૧૨૮. એવં ચક્ખુદંસણ-અચક્ખુદંસણઅણાગારોવયુત્તા વિ, નવરં ચત્તારિ ણાણાઇં, તિણિ અણાણાઇં ભયણાએ | ૧૨૯. ઓહિદંસણઅણાગારોવયુત્તા ણો પુચ્છા ! ગોયમા ! નાણી વિ અણાણી વિ | જે નાણી તે અથેગતિયા તિન્નાણી, અથેગતિયા ચઉનાણી | જે તિન્નાણી તે આભિણબોહિય૦ સુતનાણી ઓહિનાણી | જે ચઉનાણી તે આભિણબોહિયનાણી જાવ મણપજ્વનાણી | જે અન્નાણી તે નિયમા તિઅણાણી, તં જહા—મઝઅણાણી સુતઅણાણી વિભંગનાણી | ૧૩૦. કેવલદંસણઅણાગારોવયુત્તા જહા કેવલનાણલદ્વિયા (સુ. ૧૬ ૧)। ૧૩૧. [સુ. ૧૩૧-૧૩૩. એગારસં જોગદારં પડુચ્ચ નાણિ-અન્નાણિપરૂવણ] ૧૩૧. સજોગી ણ ભંતે ! જીવા કિં નાણી૦ ? જહા સકાઇયા (સુ. ૪૯)। ૧૩૨. એવં મણજોગી, વિઝોગી કાયજોગી વિ | ૧૩૩. અજોગી જહા સિદ્ધા (સુ. ૩૮)। ૧૩૧. [સુ. ૧૩૪-૧૩૭. બારસમં લેસ્સાદારં પડુચ્ચ નાણિ-અન્નાણિપરૂવણ] ૧૩૪. સલેસ્સા ણ ભંતે ! ઠો ? જહા સકાઇયા (સુ. ૪૯)। ૧૩૫. (૧) કણહલેસ્સા ણ ભંતે ! ઠો ? જહા સિંદિયા (સુ. ૪૮)। (૨) એવં જાવ પમ્હલેસા | ૧૩૬. સુક્લેસ્સા જહા સલેસ્સા (સુ. ૧૩૪)। ૧૩૭. અલેસ્સા જહા સિદ્ધા (સુ. ૩૮)। ૧૩૮. [સુ. ૧૩૮-૧૩૯. તેરસમં કસાયદારં પડુચ્ચ નાણિ-અન્નાણિપરૂવણ] ૧૩૮. (૧) સકસાઈ ણ ભંતે ! ઠો ? જહા સિંદિયા (સુ. ૪૮)। (૨) એવં જાવ લોહકસાઈ | ૧૩૯. અકસાઈ ણ ભંતે ! કિં ણાણી૦ ? પંચ નાણાઇં ભયણાએ | ૧૪૦. [સુ. ૧૪૦-૧૪૧. ચોદસમં વેદદારં પડુચ્ચ નાણિ-અન્નાણિપરૂવણ] ૧૪૦. (૧) સવેદગા ણ ભંતે ! ઠો ? જહા સિંદિયા (સુ. ૪૮)। (૨) એવં ઝિથિવેદગા વિ | એવં પુરિસવેયગા | એવં નપુંસકવે૦ | ૧૪૧. અવેદગા જહા અકસાઈ (સુ. ૧૩૯)। ૧૪૧. [સુ. ૧૪૨-૧૪૩. પનરસમં આહારદારં પડુચ્ચ નાણિ-અન્નાણિપરૂવણ] ૧૪૨. આહારગા ણ ભંતે ! જીવા૦ ? જહા સકસાઈ (સુ. ૧૩૮), નવરં કેવલનાણં પિ | ૧૪૩. અણાહારગા ણ ભંતે ! જીવા કિં નાણી, અણાણી ? મણપજ્વનાણવજાઇં નાણાઇં, અન્નાણાણિ ય તિણિ ભયણાએ | ૧૪૪. [સુ. ૧૪૪-૧૫૧. સોલસમં વિસયદારં-નાણ-અન્નાણવિસયપરૂવણ] ૧૪૪. આભિણબોહિયનાણસં ણ ભંતે ! કેવતિએ વિસએ પણતે ? ગોયમા ! સે સમાસતો ચઉબ્બિહે પણતે, તં જહા— દવ્વતો ખેત્તતો કાલતો ભાવતો | દવ્વતો ણ

આભિણિબોહિયનાણી આદેસેણં સવ્વદવ્વાઇં જાણતિ પાસતિ | ખેત્તતો આભિણિબોહિયનાણી આદેસેણં સવ્વં ખેત્ત જાણતિ પાસતિ | એવં કાલતો વિ | એવં ભાવઓ વિ | ૧૪૫. સુતનાણસ્સ ણં ભંતે ! કેવતિએ વિસએ પણતે ? ગોયમા ! સે સમાસઓ ચતુબ્બિહે પણતે, તં જહા— દવ્વતો ખેત્તતો કાલતો ભાવતો | દવ્વતો ણં સુતનાણી ઉવયુતે સવ્વદવ્વાઇં જાણતિ પાસતિ | એવં ખેત્તતો વિ, કાલતો વિ | ભાવતો ણં સુયનાણી ઉવજુતે સવ્વભાવે જાણતિ પાસતિ | ૧૪૬. ઓહિનાણસ્સ ણં ભંતે ! કેવતિએ વિસએ પણતે ? ગોયમા ! સે સમાસઓ ચતુબ્બિહે પણતે, તં જહા— દવ્વતો ખેત્તતો કાલતો ભાવતો | દવ્વતો ણં ઓહિનાણી રૂવિદવ્વાઇં જાણતિ પાસતિ જહા નંદીએ જાવ ભાવતો | ૧૪૭. મણપજવનાણસ્સ ણં ભંતે ! કેવતિએ વિસએ પણતે ? ગોયમા ! સે સમાસઓ ચતુબ્બિહે પણતે, તં જહા— દવ્વતો ખેત્તતો કાલતો ભાવતો | દવ્વતો ણં કેવલનાણી સવ્વદવ્વાઇં જાણતિ પાસતિ | એવં જાવ ભાવઓ | ૧૪૮. કેવલનાણસ્સ ણં ભંતે ! કેવતિએ વિસએ પણતે ? ગોયમા ! સે સમાસઓ ચતુબ્બિહે પણતે, તં જહા— દવ્વતો ખેત્તતો કાલતો ભાવતો | દવ્વતો ણં મહાઅન્નાણપરિગતાઇં દવ્વાઇં જાણતિ પાસતિ | એવં જાવ ભાવતો મહાઅન્નાણપરિગતે ભાવે જાણતિ પાસતિ | ૧૪૯. સુતઅન્નાણસ્સ ણં ભંતે ! કેવતિએ વિસએ પણતે ? ગોયમા ! સે સમાસતો ચતુબ્બિહે પણતે, તં જહા— દવ્વતો ખેત્તતો કાલતો ભાવતો | દવ્વતો ણં સુયઅન્નાણી સુતઅન્નાણપરિગતાઇં દવ્વાઇં આઘવેતિ પણવેતિ પરલુવેઝ | એવં ખેત્તતો કાલતો | ભાવતો ણં સુયઅન્નાણી સુતઅન્નાણપરિગતે ભાવે આઘવેતિ તં ચેવ | ૧૫૧. વિભંગણાણસ્સ ણં ભંતે ! કેવતિએ વિસએ પણતે ? ગોયમા ! સે સમાસતો ચતુબ્બિહે પણતે, તં જહા— દવ્વતો ખેત્તતો કાલતો ભાવતો | દવ્વતો ણં વિભંગનાણી વિભંગણાણપરિગતાઇં દવ્વાઇં જાણતિ પાસતિ | એવં જાવ ભાવતો ણં વિભંગનાણી વિભંગણાણપરિગણ ભાવે જાણતિ પાસતિ | ૧૬૦. [સુ. ૧૫૨-૧૫૩. સત્તરસમં કાલદારં પહુંચ્ચ નાણિ -અન્નાણપરલુવણા] ૧૫૨. ણાણી ણં ભંતે ! ‘ણાણિ’ ત્તિ કાલતો કેવચિરં હોતિ ? ગોયમા ! નાણી દુવિહે પણતે, તં જહા— સાદીએ વા અપજવસિતે, સાદીએ વા સપજવસિએ | તત્થ ણં જે સે સાદીએ સપજવસિએ સે જહન્નેણં અંતોમુહુત્ત, ઉક્કોસેણં છાવદ્ધિં સાગરોવમાઇં સાતિરેગાઇં | ૧૫૩. આભિણિબોહિયનાણી ણં ભંતે ! આભિણિબોહિયનાણિ ત્તિ૦ ? | એવં નાણી, આભિણિબોહિયનાણી જાવ કેવલનાણી, અન્નાણી, મહાઅન્નાણી, સુતઅન્નાણી, વિભંગનાણી; એસિં દસણહ વિ સંચિદૃણા જહા કાયઠિતીએ | ૧૭૧. [સુ. ૧૫૪. અદ્વારસમઅંતરદારવત્તવ્યયાજાણણત્થં જીવાભિગમસુત્તાવલોયણનિદ્વેસો] ૧૫૪. અંતરં સવ્વં જહા જીવાભિગમે | ૧૮। [સુ. ૧૫૫. એગ્રૂવીસિદ્ધમઅપ્પબહુતદારવત્તવ્યયાજાણણત્થં પન્નવણાસુત્તાવલોયણનિદ્વેસો] ૧૫૫. અપ્પાબહુગાળિ તિણિં જહા બહુવત્તવ્વતાએ | ૧૯। [સુ. ૧૫૬-૧૫૭. વીસિદ્ધમં પજવદારં -નાણ -અન્નાણપજવપરલુવણા] ૧૫૬. કેવતિયા ણં ભંતે ! આભિણિબોહિયનાણપજવા પણત્તા ? ગોયમા ! અણંતા આભિણિબોહિયનાણપજવા પણત્તા | ૧૫૭. (૧) કેવતિયા ણં ભંતે ! સુતનાણપજવા પણત્તા ? એવં ચેવ | (૨) એવં જાવ કેવલનાણસ્સ | ૧૫૮. એવં મતિઅન્નાણસ્સ સુતઅન્નાણસ્સ | ૧૫૯. કેવતિયા ણં ભંતે ! વિભંગનાણપજવા પણત્તા ગોયમા ! અણંતા વિભંગનાણપજવા પણત્તા | ૨૦। [સુ. ૧૬૦-૧૬૨. નાણપજવાણં અન્નાણપજવાણં નાણઅન્નાણપજવાણં ચ અપ્પાબહુયં] ૧૬૦. એટેસિ ણં ભંતે ! આભિણિબોહિયનાણપજવાણં સુયનાણપજવાણં ઓહિનાણપજવાણં મણપજવનાણપજવાણં કેવલનાણપજવાણ ય કતરે કતરેહિંતો જાવ વિસેસાહિયા વા ? ગોયમા ! સવ્વત્થોવા મણપજવનાણપજવા, સુતઅન્નાણપજવા અણંતગુણા, મતિઅન્નાણપજવા અણંતગુણા | ૧૬૨. એસિ ણં ભંતે ! આભિણિબોહિયનાણપજવાણં જાવ કેવલનાણપજવાણ મહાઅન્નાણપજવાણં સુયઅન્નાણપજવાણ વિભંગનાણપજવાણ ય કતરે કતરેહિંતો જાવ વિસેસાહિયા વા ? ગોયમા ! સવ્વત્થોવા મણપજવનાણપજવા, વિભંગનાણપજવા અણંતગુણા, ઓહિણાણપજવા અણંતગુણા, સુતઅન્નાણપજવા અણંતગુણા, સુતનાણપજવા વિસેસાહિયા, મહાઅન્નાણપજવા અણંતગુણા, આભિણિબોહિયનાણપજવા વિસેસાહિયા,

કેવળનાણપજવા અણંતગુણા । સેવં ભંતે ! સેવં ભંતે ! ત્થિ ૦ । ★★☆ અદૃમસ્સ સયસ્સ બિતિઓ ઉદેસો ॥૮.૨ ॥ ★★☆ તતિઓ ઉદ્દસો‘રુક્ખ’

★☆☆ [સુ. ૧-૫ રુક્ખભેય -પભેયાઇપરૂવણા] ૧. કતિવિહા ણ ભંતે ! રુક્ખા પણન્તા ? ગોયમા ! તિવિહા રુક્ખા પણન્તા, તં જહા— સંખેજજીવિયા અસંખેજજીવિયા અણંતજીવિયા । ૨. સે કિં તં સંખેજજીવિયા ? સંખેજજીવિયા અણેગવિહા પણન્તા, તં જહા— તાલે તમાલે તકલિ તેતલિ જહા પણવણાએ જાવ નાલિએરી, જે યાવચે તહૃપગારા । સે તં સંખેજજીવિયા । ૩. સે કિં તં અસંખેજજીવિયા ? અસંખેજજીવિયા દુવિહા પણન્તા, તં જહા— એગદ્વિયા ય બહુબીયગા ય । ૪. સે કિં તં એગદ્વિયા ? એગદ્વિયા અણેવિહા પણન્તા, તં જહા— નિંબંવજંબુ એવં જહા પણવણાપણ જાવ ફલા બહુબીયગા । સે તં બહુબીયગા । સે તં અસંખેજજીવિયા । ૫. સે કિં તં અણંતજીવિયા ? અણંતજીવિયા અણેગવિહા પણન્તા, તં જહા— આલુએ મૂલએ સિંગબેરે એવં જહા સત્તમસએ (સુ. ૭ ઉ૦ ૩ સુ૦ ૫) જાવ સીઉંઢી મુસુંઢી, જે યાવચે તહૃપકારા । સે તં અણંતજીવિયા । [સુ. ૬. કુમ્માઇપાણીણ છિન્નભાગંતરે જીવપદેસત્તં, છિન્નભાગંતરજીવપદેસેસુ સત્થસંકમભાવો ય] ૬. (૧) અહ ભંતે ! કુમ્મે કુમ્માવલિયા, ગોહે ગોહાવલિયા, ગોણે ગોણાવલિયા, મણુસ્સે મણુસ્સાવલિયા, મહિસાવલિયા, એસિ ણ દુહા વા તિહા વા સંખેજહા વા છિન્નાણ જે અંતરા તે વિ ણ તેહિં જીવપદેસેહિં ફુડા ? હંતા, ફુડા । (૨) પુરિસે ણ ભંતે ! તે અંતરે હત્થેણ વા પાદેણ વા અંગુલિયાએ વા, સલાગાએ વા કદ્દેણ વા કલિંચેણ વા આમુસમાણે વા સમુસમાણે વા આલિહમાણે વા વિલિહમાણે વા અન્નયરેણ વા તિક્કેણું સત્થજાતેણ આચ્છિંદેમાણે વા, અગળિકાએણ વા સમોદહમાણે તેસિં જીવપદેસાણ કિંચિ આબાહં વા વાબાહં વા ઉપ્પાયઇ ? છિવિચ્છેદં વા કરેઝ ? ણો ઇણટું સમટું, નો ખલુ તત્થ સત્થં સંકમતિ । [સુ. ૭-૮. રયણપ્પભાઇપુઢવીણ ચરમાચરમપરૂવણત્થં પન્નવણાસુત્તાવલોયણનિદેસો] ૭. કતિ ણ ભંતે ! પુઢવીઓ પણન્તાઓ ? ગોયમા ! અદૃ પુઢવીઓ પણન્તાઓ, તં જહા— રયણપ્પભા જાવ અહેસત્તમા પુઢવી, ઈસિપબ્ભારા । ૮. ઇમા ણ ભંતે ! રયણપ્પભાપુઢવી કિં ચરિમા, અચરિમા ? ચરિમપદં નિરવસેસં ભાણિયવં જાવ વેમાણિયા ણ ભંતે ! ફાસચરિમેણ કિં ચરિમા અચરિમા ? ગોયમા ! ચરિમા વિ અચરિમા વિ । સેવં ભંતે ! સેવં ભંતે ! ત્થિ ભગવં ગોતમે૦ ॥૮.૩॥ ★★☆ ચાત્થો ઉદેસો ‘કિરિયા’ ★★☆ [સુ. ૧. ચાત્થયુદ્દેસગસ્સ ઉવુંઘાઓ] ૧. રાયગિહે જાવ એવં વદાસિ— [સુ. ૨. કિરિયાભેયભેયાઇપરૂવણત્થં પન્નવણાસુત્તાવલોયણનિદેસો] ૨. કતિ ણ ભંતે ! કિરિયાઓ પણન્તાઓ ? ગોયમા ! પંચ કિરિયાઓ પણન્તાઓ, તં જહા— કાઇયા અહિગરણિયા, એવં કિરિયાપદં નિરવસેસં ભાણિયવં જાવ માયાવત્તિયાઓ કિરિયાઓ વિસેસાહિયાઓ । સેવં ભંતે ! સેવં ભંતે તિ ભગવં ગોયમે૦ ॥૮.૪॥ ★★☆ પંચમો ઉદેસો ‘આજીવ’ ★★☆ [સુ. ૧. પંચમુદેસગસ્સ ઉવુંઘાઓ] ૧. રાયગિહે જાવ એવં વદાસિ— [સુ. ૨-૫. આજીવિયકહિયનિગંથસંબંધિપરૂવણાએ ભગવાઓ સહેતુયા અણુમતી] [સુ. ૨-૩. કયસામાઇયસ્સ સમણોવાસયસ્સ સકીયમંડેસુ અપરિણાતત્ત્ત્વ] ૨. આજીવિયા ણ ભંતે ! થેરે ભગવંતે એવં વદાસી— સમણોવાસગસ્સ ણ ભંતે ! સામાઇયકડસ્સ સમણોવસ્સએ અચ્છમાણસ્સ કેઇ ભંડે અવહરેજા, સે ણ ભંતે ! તં ભંડં અણુગવેસમાણે કિં સમંડં અણુગવેસતિ ? પરાયં ભંડં અણુગવેસિ ? ગોયમા ! સભંડં અણુગવેસતિ નો પરાયં ભંડં અણુગવેસતિ । ૩. (૧) તસ્સ ણ ભંતે ! તેહિં સીલબ્વત-ગુણ-વેરમણ-પચ્ચક્ખાણ-પોસહોવવાસેહિં સે ભંડે અભંડે ભવતિ ? હંતા, ભવતિ । (૨) સે કેણ ખાઇ ણ અદ્વેણ ભંતે ! એવં વુચ્ચતિ ‘સભંડં અણુગવેસિ નો પરાયં ભંડં અણુગવેસિ’ ? ગોયમા ! તસ્સ ણ એવં ભવતિ— ણો મે હિરણે, નો મે સુવણે, નો મે કંસે, નો મે દૂસે, નો મે વિઉલધણ-કણગ રયણ-મણિ-મોત્તિય-સંખ-સિલ-પ્પવાલ-રત્તરયણમાદીએ સંતસારસાવદેજે, મમત્તભાવે પુણ સે અપરિણાતે ભવતિ, સે તેણદ્વેણ ગોયમા ! એવં વુચ્ચિ — ‘સભંડં અણુગવેસિ નો પરાયં ભંડં અણુગવેસિ’ । [સુ. ૪-૫. કયસામાઇયસ્સ સમણોવાયસ્સ સકીયમજ્જાએ પેજબંધણાવોચ્છિત્તં] ૪. સમણોવાસગસ્સ ણ ભંતે ! સામાઇયકડસ્સ સમણોવસ્સએ અચ્છમાણસ્સ કેઇ જાયં ચરઝ, અજાયં ચરઝ ? ગોયમા ! જાયં ચરઝ, નો અજાયં ચરઝ । ૫. (૧) તસ્સ ણ ભંતે ! તેહિં સીલબ્વય-ગુણ-વેરમણ-પચ્ચક્ખાણ-પોસહો-વવાસેહિ સા જાયા અજાયા ભવઝ ? હંતા, ભવઝ । (૨) સે કેણ ખાઇ ણ અદ્વેણ ભંતે ! એવં વુચ્ચિ— ‘જાયં ચરઝ, નો

अजायं चरइ' ? गोयमा ! तस्स णं एवं भवइ— णो मे माता, णो मे पिता, णो मे भाया, णो मे भगिणी, णो मे भजा, णो मे पुत्ता, णो मे धूता, नो मे सुण्हा, पेजबंधणे पुण से अब्बोच्छित्रे भवइ, से तेणद्वेण गोयमा ! जाव नो अजायं चरइ । [सु. ६-८. पच्चाइक्खमाणस्स समणोवासयस्स तीत-पडुप्पन्न-अणागय-थूलगपाणाइवायाइ पडुच्च पडिक्कमण-संवरण-पच्चक्खाणरूवा वित्थरओ तिविह-तिविहाइभंगपरूवण] ६. (१) समणोवासगस्स णं भंते ! पुव्वामेव थूलए पाणातिवाते अपच्चक्खाए भवइ, से णं भंते ! पच्छा पच्चाइक्खमाणे किं करेति ? गोयमा ! तीतं पडिक्कमति, पडुप्पन्नं संवरेति, अणागतं पच्चक्खाति । (२) तीतं पडिक्कममाणे किं तिविहं तिविहेणं पडिक्कमति १, तिविहं दुविहेणं पडिक्कमति २, तिविहं एगविहेणं पडिक्कमति ३, दुविहं तिविहेणं पडिक्कमति ४, दुविहं दुविहेणं पडिक्कमति ५, दुविहं एगविहेणं पडिक्कमति ६, एक्विहं तिविहेणं पडिक्कमति ७, एक्विहं दुविहेणं पडिक्कमति ८, एक्विहं एगविहेणं पडिक्कमति ९ ? गोयमा ! तिविहं वा तिविहेणं पडिक्कमति, तिविहं वा दुविहेणं पडिक्कमति तं चेव जाव एक्विहं वा एक्विहेणं पडिक्कमति । तिविहं वा तिविहेणं पडिक्कममाणे न करेति, न कारवेति, करेतं णाणुजाणति, मणसा वयसा कायसा १ । तिविहं दुविहेणं पडिक्कममाणे न करेति, न कारवेति, करेतं नाणुजाणति, मणसा वयसा २; अहवा न करेति, न कारवेति, करेतं नाणुजाणति, मणसा कायसा ३; अहवा न करेइ, न कारवेति, करेतं णाणुजाणति, वयसा कायसा ४ । तिविहं एगविहेणं पडिक्कममाणे न करेति, न कारवेति, करेतं णाणुजाणति, मणसा ५; अहवा न करेइ, ण कारवेति, करेतं णाणुजाणति, वयसा ६; अहवा न करेति, न कारवेति, करेतं णाणुजाणति, कायसा ७ । दुविहं तिविहेणं पडिक्कममाणे न करेइ, न कारवेति, मणसा वयसा कायसा ८; अहवा न करेति, करेतं नाणुजाणइ, मणसा वयसा कायसा ९; अहवा न कारवेइ, करेतं नाणुजाणइ; मणसा वयसा कायसा १० । दुविहं दुविहेणं पडिक्कममाणे न करेति न कारवेति, मणसा वयसा ११; अहवा न करेति, न कारवेति, मणसा कायसा १२; अहवा न करेति, न कारवेति, वयसा कायसा १३; अहवा न करेति, करेतं नाणुजाणइ, मणसा वयसा १४, अहवा न करेति, करेतं नाणुजाणइ, मणसा कायसा १५, अहवा न करेति, करेतं नाणुजाणति, वयसा कायसा १६; अहवा न कारवेति, करेतं नाणुजाणति मणसा वयसा १७; अहवा न कारवेइ, करेतं नाणुजाणइ, मणसा कायसा १८; अहवा न कारवेति, करेतं नाणुजाणइ वयसा कायसा १९ । दुविहं एक्विहेणं पडिक्कममाणे न करेति, न कारवेति, मणसा २०; अहवा न करेति, न कारवेति वयसा २१; अहवा न करेति, न कारवेति कायसा २२; अहवा न करेति, करेतं नाणुजाणइ, मणसा २३; अहवा न करेइ, करेतं नाणुजाणति, वयसा २४; अहवा न करेइ, करेतं नाणुजाणइ, कायसा २५; अहवा न कारवेइ, करेतं नाणुजाणइ, मणसा २६; अहवा न कारवेइ, करेतं नाणुजाणइ, वयसा २७; अहवा न कारवेइ, करेतं नाणुजाणइ, कायसा २८ । एगविहं तिविहेणं पडिक्कममाणे न करेति, मणसा वयसा कायसा २९; अहवा न कारवेइ मणसा वयसा कायसा ३०; अहवा करेतं नाणुजाणति मणसा वयसा कायसा ३१; एक्विहं दुविहेणं पडिक्कममाणे न करेति मणसा वयसा ३२; अहवा न करेति मणसा कायसा ३३; अहवा न करेइ वयसा कायसा ३४; अहवा न कारवेति मणसा वयसा ३५, अहवा न कारवेति मणसा कायसा ३६; अहवा न कारवेइ वयसा कायसा ३७; अहवा करेतं नाणुजाणति मणसा वयसा ३८; अहवा करेतं नाणुजाणति मणसा कायसा ३९; अहवा करेतं नाणुजाणइ वयसा कायसा ४० । एक्विहं एगविहेणं पडिक्कममाणे न करेति मणसा ४१; अहवा न करेति वयसा ४२; अहवा न करेति कायसा ४३, अहवा न कारवेति मणसा ४४; अहवा न कारवेति वयसा ४५; अहवा न कारवेइ कायसा ४६; अहवा करेतं नाणुजाणइ मणसा ४७; अहवा करेतं नाणुजाणति वयसा ४८; अहवा करेतं नाणुजाणइ कायसा ४९ । (३) पडुप्पन्नं संवरमाणे किं तिविहं तिविहेणं संवरेइ ? एवं जहा पडिक्कममाणेण एगूणपण्णं भंगा भणिया एवं संवरमाणेण वि एगूणपण्णं भंगा भाणियव्वा । (४) अणागतं पच्चक्खमाणे किं तिविहं तिविहेणं पच्चक्खाइ ? एवं ते चेव भंगा एगूणपण्णं भाणियव्वा जाव अहवा करेतं नाणुजाणइ कायसा । ७. समणोवासगस्स णं भंते ! पुव्वामेव थूलमुसावादे अपच्चक्खाए भवइ, से णं भंते ! पच्छा पच्चाइक्खमाणे एवं जहा पाणाइवातस्स सीयालं भंगसतं (१४७) भणितं तहा मुसावादस्स वि भाणियव्वं । ८. एवं अदिणादाणस्स वि । एवं थूलगस्स मेहुणस्स वि । थूलगस्स परिग्गहस्स वि जाव अहवा करेतं नाणुजाणइ कायसा । [सु. ९. समणोवासग-आजीवियोवासगाणं भिन्नतानिदेसो] ९. एए खलु एरिसगा समणोवासगा भवंति,

नो खलु एरिसगा आजीवियोवासगा भवंति । [सु. १०. आजीवियसमयपर्वणा] १० आजीवियसमयस्स णं अयमद्वे पण्णते-अकर्वीणपडिभोइणो सब्वे सत्ता, से हंता छेत्ता भत्ता लुंपित्ता विलुंपित्ता उद्ववित्ता आहारमाहारेंति । [सु. ११. आजीवियोवासगाणं दुवालस नामाणि] ११. तथ खलु इमे दुवालस आजीवियोवासगा भवंति, तं जहा-ताले १ तालपलंबे २ उव्विहे ३ संविहे ४ अवविहे ५ उदए ६ नामुदए ७ णम्मुदए ८ अणुवालए ९ संखवालए १० अयंबुले ११ कायरए १२ । [सु. १२. आजीवियोवासगाणं आचारपर्वणा] १२. इच्चेते दुवालस आजीवियोवासगा अरहंतदेवतागा अम्मा-पिउसुर्स्सूसगा; पंचफलपडिकंता, तं जहा— उंबरेहिं, वडेहिं, बोरेहिं सतरेहिं पिलंखूहिं; पलंडु-लहसण-कंद-मूलविवज्जगा अणिल्लंछिएहिं अणकभिन्नेहिं गोणेहिं तसपाणविवज्जिएहिं चित्तेहिं वित्तिं कप्पेमाणे विहरंति । [सु. १३. आजीविओवासगेहिंतो पनरसकम्मादाणवज्याणं समणोवासगाणं पाहणणपर्वणा] १३. ‘एए वि ताव एवं इच्छिंति, किमंग पुण जे इमे समणोवासगा भवंति ?’ जेसिं नो कप्पंति इमाइं पण्णरस कम्मादाणाइं सयं करेत्तए वा, कारवेत्तए वा, करेतं वा अन्नं न समणुजाणेत्तए, तं जहा— इंगालकम्मे वणकम्मे साडीकम्मे भाडीकम्मे फोडीकम्मे दंतवाणिजे लक्खवाणिजे केसवाणिजे रसवाणिजे विसवाणिजे जंतपीलणकम्मे निलंछणकम्मे दवग्निदावण्या सर-दह-तलायपरिसोसण्या असतीपोसण्या । [सु. १४. समणोवासगाणं देवगङ्गामित्तं] १४. इच्चेते समणोवासगा सुका सुक्काभिजातीया भवित्ता कालमासे कालं किञ्चा अन्नयरेसु देवलोएसु देवत्ताए उववत्तारो भवंति । [सु. १५. देवलोगभेयपर्वणा] १५. कतिविहा णं भंते ! देवलोगा पण्णत्ता ? गोयमा ! चउव्विहा देवलोगा पण्णत्ता, तं जहा— भवणवासि-वाणमंतर-जोइस-वेमाणिया । सेवं भंते ! सेवं भंते ! त्ति० । ★★☆ अद्वमसयस्स पंचमो उद्देसओ ॥७.५॥ ★★☆ छद्वो उद्देसो ‘फासुगं’ ★★☆ [सु. १. तहाविहसमण-माहणे फासुएसणिज्जपडिलाहगस्स समणोवासगस्स निज्जराकरपर्वणा] १. समणोवासगस्स णं भंते ! तहारूवं समणं वा माहणं वा फासुएसणिज्जेणं असण-पाण-खाइम-साइमेणं पडिलाभेमाणस्स किं कज्जति ? गोयमा ! एगंतंसो से निज्जरा कज्जइ, नत्थि य से पावे कम्मे कज्जति । [सु. २. तहाविहसमण-माहणे अफासुयअणेसणिज्जपडिलाहगस्स समणोवासगस्स बहुनिज्जरा-अप्पकम्मकरणपर्वणा] २. समणोवासगस्स णं भंते ! तहारूवं समणं वा माहणं वा अफासुएणं अणेसणिज्जेणं असण-पाण जाव पडिलाभेमाणस्स किं कज्जइ ? गोयमा ! बहुतरिया से निज्जरा कज्जइ, अप्पतराए से पावे कम्मे कज्जइ । [सु. ३. तहाविहं असंजयाइयं पडिलाहगस्स समणोवासयस्स एगंतकम्मबंध-निज्जराऽभावपर्वणा] ३. समणोवासगस्स णं भंते ! तहारूवं असंजयअविरयपडिहयपच्चक्खायपावकम्मं फासुएण वा अफासुएण वा एसणिज्जेण वा असण-पाण जाव किं कज्जइ ? गोयमा ! एगंतंसो से पावे कम्मे कज्जइ, नत्थि से काइ निज्जरा कज्जइ । [सु. ४-६. गाहावइदिणपंड-पडिग्गह-गोच्छग-रयहरण-चोलपट्टुग-कंबल-लट्टी संथारगेसु गाहगनिगंथं पडुच्च दायगनिदेसाणुसारिणी उवभोगपर्वणा] ४. (१) निगंथं च णं गाहावइकुलं पिंडवायपडियाए अणुपविद्वं केइ दोहिं पिंडेहिं उवनिमंतेज्जा — एगं आउसो ! अप्पणा भुंजाहि, एगं थेराणं दलयाहि, से य तं पिंडं पडिग्गहेज्जा, थेरा य से अणुगवेसियव्वा सिया, जत्थेव अणुगवेसमाणे थेरे पासिज्जा तथेवाऽणुप्पदायव्वे सिया, नो चेव णं अणुगवेसमाणे थेरे पासिज्जा तं नो अप्पाणा भुंजेज्जा, नो अन्वेसिं दावए, एगंते अणावाए अचित्ते बहुफासुए थंडिले पडिलेहेत्ता, पमजित्ता परिद्वावेतव्वे सिया । (२) निगंथं च णं गाहावइकुलं पिंडवायपडियाए अणुपविद्वं केति तिहिं पिंडेहिं उवनिमंतेज्जा — एगं आउसो ! अप्पणा भुंजाहि, दो थेराणं दलयाहि, से य ते पडिग्गहेज्जा, थेरा य से अणुगवेसेयव्वा, सेसं तं चेव जाव परिद्वावेतव्वे सिया । (३) एवं जाव दसहिं पिंडेहिं उवनिमंतेज्जा, नवरं एगं आउसो ! अप्पणा भुंजाहि, नव थेराणं दलयाहि, सेसं तं चेव जाव परिद्वावेतव्वे सिया । ५. (१) निगंथं च णं गाहावइ जाव केइ दोहिं पडिग्गहेहिं उवनिमंतेज्जा — एगं आउसो ! अप्पणा परिभुंजाहि, एगं थेराणं दलयाहि, से य तं पडिग्गहेज्जा, तहेव जाव तं नो अप्पणा परिभुंजेज्जा, नो अन्वेसिं दावए । सेसं तं चेव जाव परिद्वावेयव्वे सिया । (२) एवं जाव दसहिं पडिग्गहेहिं । ६. एवं जहा पडिग्गहवत्तव्या भणिया एवं गोच्छग-रयहरण-चोलपट्टुग-कंबल-लट्टी-संथारगवत्तव्या य भाणियव्वा जाव दसहिं संथारएहिं उवनिमंतेज्जा

જાવ પરિદ્વાવેયવે સિયા । [સુ. ૭. પિંડયાયપતિણાએ ગાહાવઙ્કુલમણુપવિદૃસ્સ અણણયરઅકિચ્છદ્વાણસેવિસ્સ આલોયણાદિપરિણામસ્સ નિગંથસ્સ આરાહગત્ત ] ૭. (૧) નિગંથેણ ય ગાહાવઙ્કુલં પિંડવાયપડિયાએ પવિદ્વેણ અન્નયરે અકિચ્છદ્વાણે પડિસેવિએ, તસ્સ ણ એવં ભવતિ— ઇહેવ તાવ અહં એયસ્સ ઠાણસ્સ આલોએમિ પડિક્રમામિ નિંદામિ ગરિહામિ વિઉદ્વામિ વિસોહેમિ અકરણયાએ અબ્બુદ્વેમિ અહારિહં પાયચ્છિત્ત તવોકમ્મં પડિવજ્જામિ, તઓ પચ્છા થેરાણ અંતિયં આલોએસ્સામિ જાવ તવોકમ્મં પડિવજ્જિસ્સામિ । સે ય સંપદ્વિએ, અસંપત્તે, થેરા ય અમુહા સિયા, સે ણ ભંતે ! કિં આરાહએ વિરાહએ ?, ગોયમા ! આરાહએ, નો વિરાહએ । (૨) સે ય સંપદ્વિએ અસંપત્તે અપ્પણા ય પુવ્વામેવ અમુહે સિયા, સે ણ ભંતે ! કિં આરાહએ, વિરાહએ ? ગોયમા ! આરાહએ, નો વિરાહએ । (૩) સે ય સંપદ્વિએ, અસંપત્તે થેરા ય કાલં કરેજા, સે ણ ભંતે ! કિં આરાહએ વિરાહએ ? ગોયમા ! આરાહએ, નો વિરાહએ । (૪) સે ય સંપદ્વિએ અસંપત્તે અપ્પણા ય પુવ્વામેવ કાલં કરેજા, સે ણ ભંતે ! કિં આરાહએ વિરાહએ ? ગોયમા ! આરાહએ, નો વિરાહએ । (૫) સે ય સંપદ્વિએ સંપત્તે, થેરા ય અમુહા સિયા, સે ણ ભંતે ! કિં આરાહએ વિરાહએ ? ગોયમા ! આરાહએ, નો વિરાહએ । (૬)-૮ સે ય સંપદ્વિએ સંપત્તે અપ્પણા ય૦ । એવં સંપત્તેણ વિ ચત્તારિ આલાવગા ભાણિયવા જહેવ અસંપત્તેણ । [સુ. ૮-૯. વિયાર-વિહારભૂમિણિકર્ખંતસ્સ ગામાણુગામં દૂઢ્જમાણસ્સ ય અન્નયરઅકિચ્છઠાણસેવિસ્સ આલોયણાદિપરિણામસ્સ નિગંથસ્સ આરાહગત્ત] ૮. નિગંથેણ ય બહિયા વિયારભૂમિં વા વિહારભૂમિં વા નિકર્ખેતેણ અન્નયરે અકિચ્છદ્વાણે પડિસેવિએ, તસ્સ ણ એવં ભવતિ— ઇહેવ તાવ અહં૦ । એવં એથ વિ, તે ચેવ અદૃ આલાવગા ભાણિયવા જાવ નો વિરાહએ । ૯. નિગંથેણ ય ગામાણુગામં દૂઢ્જમાણેં અન્નયરે અકિચ્છદ્વાણે પડિસેવિએ, તસ્સ ણ એવં ભવતિ— ઇહેવ તાવ અહં૦ । એવં એથ વિ તે ચેવ અદૃ આલાવગા ભાણિયવા જાવ નો વિરાહએ । [સુ. ૧૦. સત્તમ-અદૃમ-નવમસુતવળણિતવિસએ નિગંથીએ આરાહગત્ત] ૧૦. (૧) નિગંથીએ ય ગાહાવઙ્કુલં પિંડવાયપડિયાએ અણુપવિદ્વાએ અન્નયરે અકિચ્છદ્વાણે પડિસેવિએ, તીસે ણ એવં ભવઝ -ઇહેવ તાવ અહં એયસ્સ ઠાણસ્સ આલોએમિ જાવ તવોકમ્મં પડિવજ્જામિ તઓ પચ્છા પવત્તિણીએ અંતિયં આલોએસ્સામિ જાવ પડિવજ્જિસ્સામિ, સા ય સંપદ્વિયા અસંપત્તા, પવત્તિણી ય અમુહા સિયા, સા ણ ભંતે ! કિં આરાહિયા, વિરાહિયા ? ગોયમા ! આરાહિયા, નો વિરાહિયા । (૨) સા ય સંપદ્વિયા જહા નિગંથસ્સ તિણિ ગમા ભણિયા એવં નિગંથીએ વિ તિણિ આલાવગા ભાણિયવા જાવ આરાહિયા, નો વિરાહિયા । [સુ. ૧૧. સત્તમાઇદસમસુતપજંતપર્ખવિય ‘આરાહગત’ સમત્થણે ઉણલોમાઇ -અહ્યવત્થાઇદિદુંતજુંગ] ૧૧. (૧) સે કેણદ્રેણ ભંતે ! એવં વુચ્છિ-આરાહ,, નો વિરાહએ ? ‘ગોયમા ! સે જહાનામએ કેઇ પુરિસે એણ મહં ઉણલોભં વા ગયલોભં વા સણલોભં વા કપપાસલોમં વા તણસ્યું વા દુહા વા તિહા વા સંખેજહા વા છિંદિત્તા અગણિકાયંસિ પક્રિખવેજા, સે નૂણ ગોયમા ! છિજ્જમાણે છિંને, પક્રિખપ્પમાણે પક્રિખત્તે, ડજ્ઝમાણે દહૈ ત્તિ વત્તબ્વં સિયા ? હંતા, ભગવં ! છિજ્જમાણે છિંને જાવ દહૈ ત્તિ વત્તબ્વં સિયા । “ ૨ સે જહા વા કેઇ પુરિસે વત્થં અહતં વા ધોતં વા તંતુગ્યં વા મંજિદ્વાદોણીએ પક્રિખવેજા, સે નૂણ ગોયમા ! ઉક્રિખપ્પમાણે ઉક્રિખત્તે, પક્રિખપ્પમાણે પક્રિખત્તે, રજમાણે રત્તે ત્તિ વત્તબ્વં સિયા ? હંતા, ભગવં ! ઉક્રિખપ્પમાણે ઉક્રિખત્તે જાવ રત્તે ત્તિવત્તબ્વં સિયા । સે તેણદ્રેણ ગોયમા ! એવં વુચ્છિ-આરાહએ, નો વિરાહએ” । [ સુ. ૧૨-૧૩. ઝિયાયમાણે પદીવે અગારે ય જોઇનલણપડિવાદણ] ૧૨. પર્વસ્સ ણ ભંતે ! ઝિયાયમાણસ્સ કિં પદીવે ઝિયાતિ, લદ્વી ઝિયાઇ, વત્તી ઝિયાઇ, તેલ્લે ઝિયાઇ, દીવચંપએ ઝિયાઇ, જોતી ઝિયાઇ ? ગોયમા ! નો પદીવે ઝિયાઇ, જાવ નો દીવચંપએ ઝિયાઇ, જોતી ઝિયાઇ । ૧૩. અગારસ્સ ણ ભંતે ! ઝિયાયમાણસ્સ કિં અગારે ઝિયાઇ, કુદ્ધા ઝિયાયંતિ, કડણા ઝિયાયંતિ, ધારણા ઝિયાયંતિ, બલહરણે ઝિયાઇ, વંસા ઝિયાયંતિ, મલ્લા ઝિયાયંતિ, વગા ઝિયાયંતિ, છાણે ઝિયાતિ, જોતી ઝિયાતિ ? ગોયમા ! નો અગારે ઝિયાતિ, નો કુદ્ધા ઝિયાતિ, જાવ નો છાણે ઝિયાતિ, જોતી ઝિયાતિ । [સુ. ૧૪-૨૯. જીવ -ચતુર્વીસદંડએસુ એગત્ત-પહુત્તેણ એગ -બહુઓરાલિયાઇપંચસરીરેહિં કિરિયાપર્ખવણા ] ૧૪. જીવે ણ ભંતે ! ઓરાલિયસરીરાઓ કતિકિરિએ ? ગોયમા ! સિય તિકિરિએ, સિય ચતુકિરિએ, સિય પંચકિરિએ, સિય અકિરિએ । ૧૫. નેરઝા ણ ભંતે ! ઓરાલિયસરીરાઓ કતિકિરિએ ? ગોયમા ! સિય તિકિરિએ, સિય ચતુકિરિએ, સિય પંચકિરિએ । ૧૬. અસુરકુમારે ણ ભંતે ! ઓરાલિયસરીરાઓ કતિકિરિએ ? એવં ચેવ । ૧૭. એવં જાવ વેમાણિ,, નવરં મણુસ્સે જહા જીવે (સુ. ૧૪) । ૧૮. જીવે ણ ભંતે ! ઓરાલિયસરીરેહિંતો કતિકિરિએ ? ગોયમા ! સિય તિકિરિએ જાવ સિય

અકિરિએ । ૧૯. નેરઝે ણ ભંતે ! ઓરાલિયસરીરેહિંતો કતિકિરિએ ? એવં એસો જહા પદમો દંડાઓ (સુ. ૧૫-૧૭) તહા ઇમો વિ અપરિસેસો ભાણિયબ્વો જાવ વેમાણિએ, નવરં મણુસ્સે જહા જીવે (સુ. ૧૮) । ૨૦. જીવા ણ ભંતે ! ઓરાલિયસરીરાઓ કતિકિરિયા ? ગોયમા ! સિય તિકિરિયા જાવ સિય અકિરિયા । ૨૧. નેરઝ્યા ણ ભંતે ! ઓરાલિયસરીરેહિંતો કિકિરિયા ? ગોયમા ! તિકિરિયા વિ, ચઉકિરિયા વિ, પંચકિરિયા વિ, અકિરિયા વિ । ૨૩. નેરઝ્યા ણ ભંતે ! ઓરાલિયસરીરેહિંતો કિકિરિયા ? ગોયમા ! તિકિરિયા વિ, ચઉકિરિયા વિ, પંચકિરિયા વિ । ૨૪. એવં જાવ વેમાણિયા, નવરં મણુસ્સા જહા જીવા (સુ. ૨૨) । ૨૫. જીવે ણ ભંતે ! વેઉબ્વિયસરીરાઓ કતિકિરિએ ? ગોયમા ! સિય તિકિરિએ, સિય ચઉકિરિએ, સિય અકિરિએ । ૨૬. નેરઝે ણ ભંતે ! વેઉબ્વિયસરીરાઓ કતિકિરિએ ? ગોયમા ! સિય તિકિરિએ, સિય ચઉકિરિએ । ૨૭. એવં જાવ વેમાણિએ, નવરં મણુસ્સે જહા જીવે (સુ. ૨૫) । ૨૮. એવં જહા ઓરાલિયસરીરેણ ચત્તારિ દંડગા ભણિયા તહા વેઉબ્વિયસરીરેણ વિ ચત્તારિ દંડગા ભાણિયબ્વા, નવરં પંચમકિકિરિયા ન ભણણાં, સેસં તં ચેવ । ૨૯. એવં જહા વેઉબ્વિયં તહા આહારં પિ, તેયં પિ, કમ્મગં પિ ભાણિયબ્વં । એકેકે ચત્તારિ દંડગા ભાણિયબ્વા જાવ વેમાણિયા ણ ભંતે ! કમ્મગસરીરેહિંતો કિકિરિયા ? ગોયમા ! તિકિરિયા વિ, ચઉકિરિયા વિ । સેવં ભંતે ! સેવં ભંતે ! ત્તિ૦ । ★★★  
**અદૃમસયસ્સ છદ્રો ઉદેસાઓ સમત્તો ॥૮.૬॥ સાતમો ઉદેસો ‘અદત્તે’ ★★★** [સુ. ૧-૨. રાયગિહે નગરે અન્નતથિયવાસો ભગવાઓ સમોસરણ ચ] ૧. તેણં કાલેણં તેણં સમએણં રાયગિહે નગરે । વળણાં ઓ । ગુણસિલાએ ચેઝેણ । વળણાં ઓ, જાવ પુઢવિસિલાવદૂઓ । તસ્સ ણ ગુણસિલયસ્સ ચેઝ્યસ્સ અદુરસામંતે બહવે અન્નતથિયા પરિવસંતિ । ૨. તેણં કાલેણં તેણં સમએણં સમણે ભગવં મહાવીરે આદિગારે જાવ સમોસદે જાવ બરિસા પડિગયા । [સુ. ૩-૧૫. અન્નતથિયાણ નિઝંથથેરેહિં સહ અદિણાદાણવિસાઓ વિવાદો] ૩. તેણં કાલેણં તેણં સમએણં સમણસ્સ ભગવાઓ મહાવીરસ્સ બહવે અંતેવાસી થેરા ભગવંતો જાતિસંપન્ના કુલસંપન્ના જહા બિતિયસએ (સ. ૨ ઉ. ૫ સુ. ૧૨) જાવ જીવિયાસામરણભયવિપ્પમુંકા સમણસ્સ ભગવાઓ મહાવીરસ્સ અદૂરસામંતે ઉછુંજાણૂ અહોસિરા જ્ઞાણકોઢોવગયા સંજમેણં તવસા અપ્પાણં ભાવેમાણા જાવ વિહરંતિ । ૪. તએ ણ તે અન્નતથિયા જેણેવ થેરા ભગવંતો તેણેવ ઉવાગચ્છંતિ, ઉવાગચ્છિત્તા તે થેરે ભગવંતે એવં વયાસી—તુબ્બે ણ અજો ! તિવિહં તિવિહેણં અસ્સંજયઅવિરયઅપ્પડિહ્ય જહા સત્તમસએ બિતિએ ઉદેસએ (સુ. ૭ ઉ. ૨ સુ. ૧ (૨) જાવ એગંતબાલા યાવિ ભગહ । ૫. તએ ણ તે થેરા ભગવંતો તે અન્નતથિયએ એવં વયાસી—કેણ કારણેણ અજો ! અમ્હે તિવિહં તિવિહેણં અસ્સંજયઅવિરય જાવ એગંતબાલા યાવિ ભવામો ? ૬. તએ ણ તે અન્નતથિયા તે થેરે ભગવંતે એવં વયાસી—તુબ્બે ણ અજો ! તિવિહં તિવિહેણં અસ્સંજયઅવિરય જાવ એગંતબાલા યાવિ ભગહ । ૭. તએ ણ તે થેરા ભગવંતો તે અન્નતથિએ એવં વયાસી કેણ કારણેણ અજો ! અમ્હે અદિન્ન ગેણહામો, અદિન્ન ભુંજામો, અદિન્ન સાતિજ્જમો, તએ ણ અમ્હે અદિન્ન ગેણહામાણા, જાવ અદિન્ન સાતિજ્જમાણા તિવિહં તિવિહેણં અસ્સંજય જાવ એગંતબાલા યાવિ ભવાઓ ? ૮. તએ ણ તે અન્નતથિયા તે થેરે ભગવંતે એવં વયાસી—તુમ્હાણં અજો ! દિજ્જમાણે અદિન્ને, પડિગહેજ્જમાણે અપડિંગહિએ, નિસિરિજ્જમાણે અણિસદ્ધિ, તુબ્બે ણ અજો ! દિજ્જમાણં પડિગહં અસંપત્તં એથં ણ અંતરા કેઝ અવહરિજ્જા, ગાહાવઙ્સ્સ ણ તં, નો ખલુ તં તુબ્બં, તએ ણ તુબ્બે અદિન્ન ગેણહં જાવ અદિન્ન સાતિજ્જહ, તએ ણ તુબ્બે અદિન્ન ગેણહામાણા જાવ એગંતબાલા યાવિ ભવહ । ૯. તએ ણ તે થેરા ભગવંતો તે અન્નતથિએ એવં વયાસી— નો ખલુ અજો ! અમ્હે અદિન્ન ગિણહામો, અદિન્ન ભુંજામો, અદિન્ન સાતિજ્જામો, અમ્હે ણ અજો ! દિન્ન ગેણહામો, દિન્ન મુંજામો, દિન્ન સાતિજ્જામો, તએ ણ અમ્હે દિન્ન ગેણહામાણા દિન્ન ભુંજામાણા દિન્ન સાતિજ્જમાણા તિવિહં તિવિહેણં સંજયવિરયપડિહ્ય જહા સત્તમસએ (સ. ૭ ઉ. ૨ સુ. ૧ ૨) જાવ એગંતપંડિયા યાવિ ભવામો । ૧૦. તએ ણ તે અન્નતથિયા તે થેરે ભગવંતે એવં વયાસી— કેણ કારણેણ અજો ! તુમ્હે દિન્ન ગેણહં જાવ દિન્ન સાતિજ્જહ, તએ ણ તુબ્બે દિન્ન ગેણહામાણા જાવ એગંતપંડિયા યાવિ ભવહ ? ૧૧. તએ ણ તે થેરા ભગવંતો તે અન્નતથિએ એવં વયાસી—

અમ્હે ણ અજો ! દિજ્જમાણે દિને, પડિગહેજમાણે પડિગહિએ, નિસિરિજ્જમાણે નિસદ્વે | અમ્હણ ણ અજો ! દિજ્જમાણ પડિગહંગ અસંપત્ત એથણ અંતરા કેઝ અવહરેજ્જા, અમ્હણ ણ તં ણો ખલુ તં ગાહાવિસ્સ, તએ ણ અમ્હે દિન્ન ગેણહામો દિન્ન ભુજામો, દિન્ન સાતિજ્જમો, તએ ણ અમ્હે દિન્ન ગેણહમાણ જાવ દિન્ન સાતિજ્જમાણ તિવિહં તિવિહેણ સંજય જાવ એગંતપંડિયા યાવિ ભવામો | તુબ્બે ણ અજો ! અપ્પણ ચેવ તિવિહં તિવિહેણ અસ્સંજય જાવ એગંતબાલા યાવિ ભવહ | ૧૨. તએ ણ તે અન્નતાથિયા તે થેરે ભગવંતે એવં વ્યાસી— કેણ કારણેણ અજો ! અમ્હે તિવિહં જાવ એગંતબાલા યાવિ ભવામો ? ૧૩. તએ ણ તે થેરા ભગવંતો તે અન્નતાથિં વ્યાસી— તુબ્બે ણ અજો ! અદિન્ન ગેણહં, અદિન્ન ભુજંહ, અદિન્ન સાઇજંહ, તએ ણ અજો ! તુબ્બે અદિન્ન ગે૦ જાવ એગંતબાલા યાવિ ભવહ | ૧૪. તએ ણ તે અન્નતાથિયા તે થેરે ભગવંતે એવં વ્યાસી— કેણ કારણેણ અજો ! અમ્હે અદિન્ન ગેણહામો જાવ એગંતબાલા યાવિ ભવામો ? ૧૫. તએ ણ થેરા ભગવંતો તે અન્નતાથિએ એવં વ્યાસી— તુબ્બે ણ અજો ! દિજ્જમાણે અદિન્ન તં ચેવ જાવ ગાહાવિસ્સ ણ તં, ણો ખલુ તં તુબ્બં, તએ ણ તુબ્બે અદિન્ન ગેણહં, તં ચેવ જાવ એગંતબાલા યાવિ ભવહ | [સુ. ૧૬-૨૪. અન્નતાથિયાણ નિગંથથેરેહિં સહ પુઢવિહિંસાવિસાઓ વિવાદો] ૧૬. તએ ણ તે અન્નતાથિયા તે થેરે ભગવંતે એવં વ્યાસી— તુબ્બે ણ અજો ! તિવિહં તિવિહેણ અસ્સંજય જાવ એગંતબાલા યાવિ ભવહ | ૧૭. તએ ણ તે થેરા ભગવંતો તે અન્નતાથિએ એવં વ્યાસી— કેણ કારણેણ અમ્હે તિવિહં તિવિહેણ જાવ એગંતબાલા યાવિ ભવામો ? ૧૮. તએ ણ તે અન્નતાથિયા તે થેરે ભગવંતે એવં વ્યાસી— તુબ્બે ણ અજો ! રીયં રીયમાણ પુઢવિં પેચ્ચેહ અભિહણહ વત્તેહ લેસેહ સંઘદ્વેહ પરિતાવેહ કિલામેહ ઉવદ્વેહ, તએ ણ તુબ્બે પુઢવિં પેચ્ચેમાણ જાવ ઉવદ્વેમાણ તિવિહં તિવિહેણ અસંજયઅવિરય જાવ એગંતબાલા યાવિ ભવહ | ૧૯. તએ ણ તે થેરા ભગવંતો તે અન્નતાથિએ એવં વ્યાસી— નો ખલુ અજો ! અમ્હે રીયં રીયમાણ પુઢવિં પેચ્ચેમો અભિહણમો જાવ ઉવદ્વેમો, અમ્હે ણ અજો ! રીયં રીયમાણ કાયં વા જોગં વા રિયં વા પડુચ્ચ દેસં દેસેણ વ્યામો, પણસં પણસેણ વ્યામો, તેણ અમ્હે દેસં દેસેણ વ્યયમાણ પણસં પણસેણ વ્યયમાણ નો પુઢવિં પેચ્ચેમો અભિહણમો જાવ ઉવદ્વેમો, તએ ણ અમ્હે પુઢવિં અપેચ્ચેમાણ અણભિહણેમાણ જાવ અણુવદ્વેમાણ તિવિહં તિવિહેણ સંજય જાવ એગંતપંડિયા યાવિ ભવામો, તુબ્બે ણ અજો ! અપ્પણ ચેવ તિવિહં તિવિહેણ અસ્સંજય જાવ બાલા યાવિ ભવહ | ૨૦. તએ ણ તે અન્નતાથિયા તે થેરે ભગવંતે એવં વ્યાસી— કેણ કારણેણ અજો ! અમ્હે તિવિહં તિવિહેણ જાવ એગંતબાલા યાવિ ભવામો ? ૨૧. તએ ણ તે થેરા ભગવંતો તે અન્નતાથિએ એવં વ્યાસી— તુબ્બે ણ અજો ! રીયં રીયમાણ પુઢવિં પેચ્ચેહ જાવ ઉવદ્વેહ, તએ ણ તુબ્બે પુઢવિં પેચ્ચેમાણ જાવ ઉવદ્વેમાણ તિવિહં તિવિહેણ જાવ એગંતબાલા યાવિ ભવહ | ૨૨. તએ ણ તે અન્નતાથિયા તે થેરે ભગવંતે એવં વ્યાસી— તુબ્બે ણ અજો ! ગમ્મમાણે અગતે, વીતિક્રમિજ્જમાણે અવીતિક્રિંતે રાયગિહં નગર સંપાવિઉકામે અસંપત્તે ? ૨૩. તએ ણ તે થેરા ભગવંતો તે અન્નતાથિએ એવં વ્યાસી— નો ખલુ અજો ! અમ્હણ ગમ્મમાણે અગણ, વીઇક્રમિજ્જમાણે અવીતિક્રિંતે રાયગિહં નગર જાવ અસંપત્તે, અમ્હણ ણ અજો ! ગમ્મમાણે ગણ, વીતિક્રમિજ્જમાણે વીતિક્રિંતે રાયગિહં નગર સંપાવિઉકામે સંપત્તે, તુબ્બં ણ અપ્પણ ચેવ ગમ્મમાણે અગણ વીતિક્રમિજ્જમાણે અવીતિક્રિંતે રાયગિહં નગર જાવ અસંપત્તે | ૨૪. તએ ણ તે થેરા ભગવંતો તે અન્નતાથિએ એવં પડિહણેંતિ, પડિહણિતા ગઝપવાય નામમજ્જયણ પચ્ચવિંસુ | [સુ. ૨૫. ગઝપવાયભૈયપરૂવણત્થં પણવણાસુત્તાવલોયણનિદેસો] ૨૫. કઝવિહે ણ ભંતે ! ગઝપવાએ પણન્તે ? ગોયમા ! પંચવિહે ગઝપવાએ પણન્તે, તં જહા— પયોગગતી તતગતી બંધણછેયણગતી ઉવવાયગતી વિહાયગતી | એતો આરબ્ધ પયોગપણ નિર્ખસેસં ભાણિયબ્બ, જાવ સે તં વિહાયગઈ | સેવં ભંતે ! સેવં ભંતે ! ત્તિ૦ | ★★☆ અદ્વુમસયસ્સ સત્તમો ||૮.૭|| ★★☆ અદ્વુમો ઉદેસો ‘પડિણીએ’★★☆ [સુ. ૧. અદ્વુમુદેસગસ્સુવુગ્ઘાઓ] ૧. રાયગિહે નયરે જાવ એવં વ્યાસી— [સુ. ૨-૭. ગુરુ-ગડી-સમૂહ-અણુકંપા-સુય-ભાવપડિણીયભૈયપરૂવણ] ૨. ગુરુ ણ ભંતે ! પડુચ્ચ કતિ પડિણીયા પણન્તા ? ગોયમા ! તાઓ પડિણીયા પણન્તા, તં જહા— આયરિયપડિણીએ ઉવજ્જાયપડિણીએ થેરપડિણીએ | ૩. ગંદં ણ ભંતે ! પડુચ્ચ કતિ પડિણીયા પણન્તા ? ગોયમા ! તાઓ પડિણીયા પણન્તા, તં જહા— ઇહલોગપડિણીએ પરલોગપડિણીએ દુહાઓલોગપડિણીએ | ૪. સમૂહં ણ ભંતે ! પડુચ્ચ કતિ પડિણીયા પણન્તા ? ગોયમા ! તાઓ પડિણીયા

પણત્તા, તં જહા— કુલપડિણીએ ગણપડિણીએ સંઘપડિણીએ । ૫. અણુકંપ પડુચ્ચ૦ પુચ્છા । ગોયમા ! તઓ પડિણીયા પણત્તા, તં જહા— તવસ્સિપડિણીએ શિલાણપડિણીએ સેહપડિણીએ । ૬. સુયં ણ ભંતે ! પડુચ્ચ૦ પુચ્છા । ગોયમા ! તઓ પડિણીયા પણત્તા, તં જહા— સુતપડિણીએ અત્થપડિણીએ તદુભયપડિણીએ । ૭. ભાવં ણ ભંતે ! પડુચ્ચ૦ પુચ્છા । ગોયમા ! તઓ પડિણીયા પણત્તા, તં જહા— નાણપડિણીએ દંસણપડિણીએ ચરિત્તપડિણીએ । [સુ. ૮. પંચવિહૃવહારપુરૂષા] ૮. કઇવિહે ણ ભંતે ! વવહારે પણત્તે ? ગોયમા ! પંચવિહે વવહારે પણત્તે, તં જહા— આગમ-સુત-આણા-ધારણા-જીએ । જહા સે તત્થ આગમે સિયા, આગમેણ વવહારં પદ્ધવેજા । ણો ય સે તત્થ આગમે સિયા; જહા સે તત્થ સુતે સિયા સુણું વવહારં પદ્ધવેજા । ણો વા સે તત્થ સુણું સિયા; જહા સે તત્થ આણા સિયા, આણાએ વવહારં પદ્ધવેજા । ણો ય સે તત્થ આણા સિયા; જહા સે તત્થ ધારણા સિયા ધારણાએ વવહારં પદ્ધવેજા । ણો ય સે તત્થ ધારણા સિયા; જહા સે તત્થ જીએ સિયા જીએણ વવહારં પદ્ધવેજા । ઇચ્છેએહિં પંચહિં વવહારં પદ્ધવેજા, તં જહા— આગમેણ સુણું આણાએ ધારણાએ જીએણ । જહા જહા સે આગમે સુણું આણા ધારણા જીએ તહા તહા વવહારં પદ્ધવેજા । [સુ. ૯. પંચવિહૃવહારવહરમાળે નિગ્નંથે આરાહણ] ૧૦. સે કિમાહુ ભંતે ! આગમબલિયા સમણા નિગ્નંથા ઇચ્છેયં પંચવિહે વવહારં જયા જયા જહિં જહિં તથા તથા તહિં તહિં અણિસ્સિઓવસ્સિતં સમું વવહરમાળે સમણે નિગ્નંથે આણાએ આરાહણ ભવિદુ ? સુ. ૧૦. બંધરસ્સ મેયજુગપુરૂષા ૧૦. કઇવિહે ણ ભંતે ! બંધે પણત્તે ? ગોયમા ! દુવિહે બંધે પણત્તે, તં જહા— ઇરિયાવહિયાબંધે ય સંપરાઇયબંધે ય । [સુ. ૧૧-૧૪. વિવિહઅવેક્ખાએ વિત્થરાઓ ઇરિયાવહિયબંધસામિપુરૂષા] ૧૧. ઇરિયાવહિયં ણ ભંતે ! કમ્મં કિં નેરઝો બંધિ, તિરિક્ખજોણિઓ બંધિ, તિરિક્ખજોણિણી બંધિ, મણુસ્સો બંધિ, મણુસ્સી બંધિ, દેવો બંધિ, દેવી બંધિ ? ગોયમા ! નો નેરઝો બંધિ, નો તિરિક્ખજોણીઓ બંધિ, નો તિરિક્ખજોણિણી બંધિ, નો દેવો બંધિ, નો દેવી બંધિ, પુવ્વપડિવન્નાએ પડુચ્ચ મણુસ્સા ય, મણુસ્સીઓ ય બંધંતિ, પડિવજમાણાએ પડુચ્ચ મણુસ્સો વા બંધિ ૧, મણુસ્સી વા બંધિ ૨, મણુસ્સા વા બંધંતિ ૩, મણુસ્સીઓ વા બંધંતિ ૪, અહવા મણુસ્સો ય મણુસ્સી ય બંધિ ૫, અહવા મણુસ્સો ય મણુસ્સીઓ ય બંધંતિ ૬, અહવા મણુસ્સા ય મણુસ્સી ય બંધંતિ ૭, અહવા મણુસ્સા ય મણુસ્સીઓ ય બંધંતિ ૮ । ૧૨. તં ભંતે ! કિં ઇથી બંધિ, પુરિસો બંધિ, નપુંસગો બંધંતિ, ઇથીઓ બંધંતિ, પુરિસા બંધંતિ, નપુંસગા બંધંતિ ? નોઝીથીનોપુરિસોનોનપુંસગો બંધિ ? ગોયમા ! નો ઇથી બંધિ, નો પુરિસો બંધિ જાવ નો નપુંસા બંધિ । પુવ્વપડિવન્નાએ પડુચ્ચ અવગયવેદા બંધંતિ, પડિવજમાણાએ ય પડુચ્ચ અવગયવેદો વા બંધતિ, અવગયવેદા વા બંધંતિ । ૧૩. જહ ભંતે ! અવગયવેદો વા બંધિ, અવગયવેદા વા બંધંતિ તં ભંતે ! કિં ઇથીપચ્છાકડો બંધિ ૧, પુરિસપચ્છાકડો બંધિ ૨, નપુંસકપચ્છાકડો બંધિ ૩, ઇથીપચ્છાકડા બંધંતિ ૪, પુરિસપચ્છાકડા વિ બંધંતિ ૫, નપુંસગપચ્છાકડા વિ બંધંતિ ૬, ઉદાહુ ઇથીપચ્છાકડો ય પુરિસપચ્છાકડો ય બંધતિ ૭, ઉદાહુ ઇથીપચ્છાકડો ય પુરિસપચ્છાકડો ય ભાણિયવં ૮, એવં એતે છબીસં ભંગા ૨૬ જાવ ઉદાહુ ઇથીપચ્છાકડા ય પુરિસપચ્છાકડા ય નપુંસકપચ્છાકડા ય બંધંતિ ? ગોયમા ! ઇથીપચ્છાકડો વિ બંધિ ૧, પુરિસપચ્છાકડો વિ બંધિ ૨ નપુંસગપચ્છાકડો વિ બંધિ ૩, ઇથીપચ્છાકડા વિ બંધંતિ ૪, પુરિસપચ્છાકડા વિ બંધંતિ ૫, નપુંસકપચ્છાકડા વિ બંધંતિ ૬, અહવા ઇથીપચ્છાકડો ય પુરિસપચ્છાકડો ય બંધિ ૭, એવં એએ ચેવ છબીસં ભંગા ભાણિયવા જાવ અહવા ઇથીપચ્છાકડા ય પુરિસપચ્છાકડા ય નપુંસગપચ્છાકડા ય બંધંતિ । ૧૪. તં ભંતે ! કિં બંધી બંધિ બંધિસ્સિઃ ૧, બંધી બંધિ ન બંધિસ્સિ ૨, બંધી ન બંધિ બંધિસ્સિ ૩, બંધી ન બંધિ ન બંધિસ્સિ ૪, ન બંધી બંધિ બંધિસ્સિ ૫, ન બંધી બંધિ ન બંધિસ્સિ ૬, ન બંધી ન બંધિ બંધિસ્સિ ૭, ન બંધી ન બંધિ ન બંધિસ્સિ ૮ ? ગોયમા ! ભવાગરિસં પડુચ્ચ અત્થેગતિએ બંધી બંધિ બંધિસ્સિ । અત્થેગતિએ બંધી બંધિ ન બંધિસ્સિ । એવં તં ચેવ સવ્વં જાવ અત્થેગતિએ ન બંધી ન બંધિ ન બંધિસ્સિ । ગહણાગરિસં પડુચ્ચ અત્થેગતિએ બંધી, બંધિ, બંધિસ્સિ; એવં જાવ અત્થેગતિએ ન બંધી, બંધિ, બંધિસ્સિ । ણો ચેવ ણ ન બંધી, બંધિ, ન બંધિસ્સિ । અત્થેગતિએ ન બંધી, ન બંધિ, બંધિસ્સિ । અત્થેગતિએ ન બંધી, ન બંધિ, ન બંધિસ્સિ । [સુ. ૧૫-૧૬. ઇરિયાવહિયબંધં પડુચ્ચ

સાદિસપજવસિયાઇ - દેસસવ્વાઇબંધપરૂવણા] ૧૫. તં ભંતે ! કિં સાઈયં સપજવસિયં બંધિ, સાઈયં અપજવસિયં બંધિ, અણાઈયં સપજવસિયં બંધિ, અણાઈયં અપજવસિયં બંધિ ? ગોયમા ! સાઈયં સપજવસિયં બંધિ, નો સાઈયં અપજવસિયં બંધિ, નો અણાઈયં સપજવસિયં બંધિ, નો અણાઈયં અપજવસિયં બંધિ | ૧૬. તં ભંતે ! કિં દેસેણ દેસં બંધિ, દેસેણ સવ્વં બંધિ, સવ્વેણ દેસં બંધિ, સવ્વેણ સવ્વં બંધિ ? ગોયમા ! નો દેસેણ દેસં બંધિ, ણો દેસેણ સવ્વં બંધિ, નો સવ્વેણ દેસં બંધિ, સવ્વેણ સવ્વં બંધિ | [સુ. ૧૭-૨૦. વિવિહઅવેકખાએ વિત્થરાઓ સંપરાઇયબંધસામિપરૂવણા] ૧૭. સંપરાઇયં ણ ભંતે ! કમ્માં કિં નેરઇયો બંધિ, તિરિકખજોણીઓ બંધિ, જાવ દેવી બંધિ ? ગોયમા ! નેરઇઓ વિ બંધિ, તિરિકખજોણીઓ વિ બંધિ, તિરિકખજોણીણી વિ બંધિ, મણુસ્સો વિ બંધિ, મણુસ્સી વિ બંધિ, દેવો વિ બંધિ, દેવી વિ બંધિ | ૧૮. તં ભંતે ! કિં ઇથી બંધિ, પુરિસો બંધિ, તહેવ જાવ નોઇથીનોપુરિસોનોનપુંસાઓ બંધિ ? ગોયમા ! ઇથી વિ બંધિ, પુરિસો વિ બંધિ, જાવ નપુંસગો વિ બંધિ | અહેવે ય અવગયવેદો ય બંધિ, અહેવે ય અવગયવેયા ય બંધંતિ | ૧૯. જાઝ ભંતે ! અવગયવેદો ય બંધિ અવગયવેદા ય બંધંતિ તં ભંતે ! કિં ઇથીપચ્છાકડો બંધિ, પુરિસપચ્છાકડો એવં જહેવ ઇરિયાવહિયાબંધગસ્સ તહેવ નિરવસેસં જાવ અહવા ઇથીપચ્છાકડા ય, પુરિસપચ્છાકડા ય, નપુંસગપચ્છાકડા ય બંધંતિ | ૨૦. તં ભંતે ! કિં બંધી બંધિ બંધિસ્સિઃ; બંધી બંધિ ન બંધિસ્સિ ૨; બંધી ન બંધિ, બંધિસ્સિ ૩; બંધી ન બંધિ, ન બંધિસ્સિ ૪ ? ગોયમા ! અથેગતિએ બંધી બંધિ બંધિસ્સિ ૧; અથેગતિએ બંધી બંધિ, ન બંધિસ્સિ ૨; અથેગતિએ બંધી ન બંધિ, બંધિસ્સિ ૩; અથેગતિએ બંધી ન બંધિ ન બંધિસ્સિ ૪ | [સુ. ૨૧-૨૨. સંપરાઇયબંધ પહુંચ સાદિસપજવસિયાઇ - દેસસવ્વાઇબંધપરૂવણા] ૨૧. તં ભંતે ! કિં સાઈયં સપજવસિયં બંધિ ? પુચ્છા તહેવ | ગોયમા ! સાઈયં વા સપજવસિયં બંધિ, અણાઈયં વા સપજવસિયં બંધિ, અણાઈયં વા અપજવસિયં બંધિ, ણો ચેવ ણ સાઈયં અપજવસિયં બંધિ | ૨૨. તં ભંતે ! કિં દેસેણ દેસં બંધિ ? એવં જહેવ ઇરિયાવહિયાબંધગસ્સ જાવ સવ્વેણ સવ્વં બંધિ | [સુ. ૨૩. કમ્મપયડિભેયપરૂવણા] ૨૩. કાઝ ણ ભંતે ! કમ્મપયડીઓ પણન્તાઓ ? ગોયમા ! અદૃ કમ્મપયડીઓ પણન્તાઓ, તં જહાણાવરણિજં જાવ અંતરાઇં | [સુ. ૨૪. પરીસહભેયપરૂવણા] ૨૪. કાઝ ણ ભંતે ! પરીસહા પણન્તા ? ગોયમા ! બાવીસં પરીસહા પણન્તા, તં જહાદિગિંછાપરીસહે ૧, પિવાસાપરીસહે ૨, જાવ દંસણપરીસહે ૨૨ | [સુ. ૨૫-૨૯. ચતુસુ કમ્મપયડીસુ પરીસહસંખાપરૂવણા] ૨૫. એણ ભંતે ! બાવીસં પરીસહા કતિસુ કમ્મપગડીસુ સમોયરંતિ ? ગોયમા ! ચતુસુ કમ્મપયડીસુ સમોયરંતિ, તં જહાનાણાવરણિજે, વેયણિજે, મોહણિજે, અંતરાઇએ | ૨૬. નાણાવરણિજે ણ ભંતે ! કમ્મે કતિ પરીસહા સમોયરંતિ ? ગોયમા ! એકારસ પરીસહા સમોયરંતિ, તં જહાનાણાવરણિજે, વેયણિજે, મોહણિજે, અંતરાઇએ | ૨૭. વેયણિજે ણ ભંતે ! કમ્મે કતિ પરીસહા સમોયરંતિ ? ગોયમા ! એકારસ પરીસહા સમોયરંતિ, તં જહાનાણાવરણિજે, વેયણિજે, મોહણિજે, અંતરાઇએ | ૨૮. (૧) દંસણમોહણિજે ણ ભંતે ! કમ્મે કતિ પરીસહા સમોયરંતિ ? ગોયમા ! એગે દંસણપરીસહે સમોયરાઇ | (૨) ચરિત્તમોહણિજે ણ ભંતે ! કમ્મે કતિ પરીસહા સમોયરંતિ ? ગોયમા ! સત્ત પરીસહા સમોયરંતિ, તં જહાનાણાવરણિજે, વેયણિજે, મોહણિજે, અંતરાઇએ | ૨૯. અંતરાઇએ ણ ભંતે ! કમ્મે કતિ પરીસહા સમોયરંતિ ? ગોયમા ! એગે અલાભપરીસહે સમોયરાઇ | [સુ. ૩૦-૩૪. અદૃવિહ-સત્તવિહ-છાંબિહ-એકવિહબંધગસ્સ અબંધગે ય પરીસહસંખાપરૂવણા] ૩૦. સહવિહબંધગસ્સ ણ ભંતે ! કતિ પરીસહા પણન્તા ? ગોયમા ! બાવીસં પરીસહા પણન્તા, વીસં પુણ વેદેઝ-જં સમયં સીયપરીસહં વેદેતિ ણો તં સમયં ઉસિણપરીસહં વેદેઝ, જં સમયં ઉસિણપરીસહં વેદેઝ ણો તં સમયં સીયપરીસહં વેદેઝ | ૩૧. અદૃવિહબંધગસ્સ ણ ભંતે ! કતિ પરીસહા પણન્તા ? ગોયમા ! બાવીસં પરીસહા પણન્તા ૦ એવં (સુ. ૩૦) અદૃવિહબંધગસ્સ | ૩૨. છાંબિહબંધગસ્સ ણ ભંતે ! સરાગછતુમત્થસ્સ કતિ પરીસહા પણન્તા ? ગોયમા ! ચોદ્દસ પરીસહા પણન્તા, બારસ પુણ વેદેઝ-જં સમયં સીયપરીસહં વેદેઝ, જં સમયં ઉસિણપરીસહં વેદેઝ, જં સમયં ચરિયાપરીસહં વેદેઝ નો તં સમયં સીયપરીસહં વેદેઝ | ૩૩. (૧) એકવિહબંધગસ્સ ણ ભંતે ! વીયરાગછતુમત્થસ્સ કતિ પરીસહા સેજાપરીસહં વેદેઝ, જં સમયં સેજાપરીસહં વેદેતિ ણો તં સમયં ચરિયાપરીસહં વેદેઝ | ૩૪. (૧) એકવિહબંધગસ્સ ણ ભંતે ! વીયરાગછતુમત્થસ્સ કતિ પરીસહા

પણત્તા ? ગોયમા ! એવં ચેવ જહેવ છવિહબંધગસ્સ | (૨) એવિહબંધગસ્સ ણ ભંતે ! સજોગિભવત્થકેવલિસ્સ કતિ પરીસહા પણત્તા ? ગોયમા ! એકારસ પરીસહા પણત્તા, નવ પુણ વેદેઝ | સેસં જહા છવિહબંધગસ્સ | ૩૪. અબંધગસ્સ ણ ભંતે ! અજોગિભવત્થકેવલિસ્સ કતિ પરીસહા પણત્તા ? ગોયમા ! એકારસ પરીસહા પણત્તા, નવ પુણ વેદેઝ, જં સમયં સીયપરીસહં વેદેતિ નો તં સમયં ઉસિણપરીસહં વેદેઝ, જં સમયં ઉસિણપરીસહં વેદેતિ નો તં સમયં સીયપરીસહં વેદેઝ | જં સમયં ચરિયાપરીસહં વેદેઝ નો તં સમયં સેજાપરીસહં વેદેતિ, જં સમયં સેજાપરીસહં વેદેઝ નો તં સમયં ચરિયાપરીસહં વેદેઝ | [સુ. ૩૫-૪૫. ઉચ્ચત-ખેત્તગમણ-ખેત્તાવભાસણ-ખેત્તુજોવણ-ખેત્તભાસણાં પડુચ્ચ વિત્થરઓ જંબુદ્ધીવસૂરિયવત્તબ્યા] ૩૫. જંબુદ્ધીવે ણ ભંતે ! દીવે સૂરિયા ઉગમણમુહૃત્તંસિ દૂરે ય મૂલે ય દીસંતિ, મજંંતિયમુહૃત્તંસિ મૂલે ય દૂરે ય દીસંતિ, અત્થમણમુહૃત્તંસિ દૂરે ય મૂલે ય દીસંતિ ? હંતા, ગોયમા ! જંબુદ્ધીવે ણ દીવે સૂરિયા ઉગમણમુહૃત્તંસિ ય મજંંતિયમુહૃત્તંસિ ય, અત્થમણમુહૃત્તંસિ ય સવ્વત્થ સમા ઉચ્ચતેણં ? હંતા, ગોયમા ! જંબુદ્ધીવે ણ દીવે સૂરિયા ઉગમણ જાવ ઉચ્ચતેણં | ૩૭. જહ ણ ભંતે ! જંબુદ્ધીવે દીવે સૂરિયા ઉગમણમુહૃત્તંસિ ય મજંંતિયમુહૃત્તંસિ ય અત્થમણમુહૃત્તંસિ જાવ ઉચ્ચતેણ સે કેણ ખાડ અદેણ ભંતે ! એવં વુચ્છિ ‘જંબુદ્ધીવે ણ દીવે સૂરિયા ઉગમણમુહૃત્તંસિ દૂરે ય મૂલે ય દીસંતિ જાવ અત્થમણમુહૃત્તંસિ દૂરે ય મૂલે ય દીસંતિ?’ ગોયમા ! લેસાપડિઘાએણ ઉગમણમુહૃત્તંસિ દૂર ય મૂલે ય દીસંતિ, લેસાભિતાવેણ મજંંતિયમુહૃત્તંસિ મૂલે ય દૂરે ય દીસંતિ, લેસાપડિઘાએણ અત્થમણમુહૃત્તંસિ દૂરે ય મૂલે ય દીસંતિ, સે તેણદેણ ગોયમા ! એવં વુચ્છિ-જંબુદ્ધીવે ણ દીવે સૂરિયા ઉગમણમુહૃત્તંસિ દૂરે ય મૂલે ય દીસંતિ જાવ અત્થમણ જાવ દીસંતિ | ૩૮. જંબુદ્ધીવે ણ ભંતે ! દીવે સૂરિયા કિં તીયં ખેત્ત ગચ્છંતિ, પડુપ્પન્ન ખેત્ત ગચ્છંતિ, અણાગયં ખેત્ત ગચ્છંતિ ? ગોયમા ! ણો તીયં ખેત્ત ગચ્છંતિ, પડુપ્પન્ન ખેત્ત ગચ્છંતિ, ણો અણાગયં ખેત્ત ગચ્છંતિ | ૩૯. જંબુદ્ધીવે ણ દીવે સૂરિયા કિં તીયં ખેત્ત ઓભાસંતિ, પડુપ્પન્ન ખેત્ત ઓભાસંતિ, અણાગયં ખેત્ત ઓભાસંતિ ? ગોયમા ! નો તીયં ખેત્ત ઓભાસંતિ, પડુપ્પન્ન ખેત્ત ઓભાસંતિ, નો અણાગયં ખેત્ત ઓભાસંતિ | ૪૦. તં ભંતે ! કિં પુદું ઓભાસંતિ, અપુદું ઓભાસંતિ ? ગોયમા ! પુદું ઓભાસંતિ, નો અપુદું ઓભાસંતિ જાવ નિયમા છદ્વિસિં | ૪૧. જંબુદ્ધીવે ણ ભંતે ! દીવે સૂરિયા કિં તીયં ખેત્ત ઉજોવેંતિ ? એવં ચેવ જાવ નિયમા છદ્વિસિં | ૪૨. એવં તવેંતિ, એવં ભાસંતિ જાવ નિયમા છદ્વિસિં | ૪૩. જંબુદ્ધીવે ણ ભંતે ! દીવે સૂરિયાં કિં તીએ ખેત્ત કિરિયા કજાઝ, પડુપ્પન્ન ખિત્તે કિરિયા કજાઝ, અણાગએ ખેત્ત કિરિયા કજાઝ ? ગોયમા ! નો તીએ ખેત્ત કિરિયા કજાઝ, ણો અણાગએ ખેત્ત કિરિયા કજાઝ | ૪૪. સા ભંતે ! કિં પુદ્દા કજાતિ, અપુદ્દા કજાઝ ? ગોયમા ! પુદ્દા કજાઝ, નો અપુદ્દા કજાતિ જાવ નિયમા છદ્વિસિં | ૪૫. જંબુદ્ધીવે ણ ભંતે ! દીવે સૂરિયા કેવતિયં ખેત્ત ઉહું તવંતિ, કેવતિયં ખેત્ત અહે તવંતિ, કેવતિયં ખેત્ત તિરિયં તવંતિ ? ગોયમા ! એં જોયણસયં ઉહું તવંતિ, અદ્વારસ જોયણસયાં અહે તવંતિ, સીયાલીસં જોયણસહસ્સાં દોળણ તેવદ્વે જોયણસએ એકવીસં ચ સદ્ગીભાએ જોયણસ્સ તિરિયં તવંતિ | [સુ. ૪૬-૪૭. ચંદાઇઉદ્ઠોવવન્નગપરૂવણાંજાણણથં જીવાભિગમસુત્તાવલોયણનિદેસો] ૪૬. અંતો ણ ભંતે ! માણસુત્તરસ્સ પવ્વયસ્સ જે ચંદિમ-સૂરિય-ગહણ-ણકખત્ત-તારારૂવા તે ણ ભંતે ! દેવા કિં ઉદ્ઠોવવન્નગા ? જહા જીવાભિગમે તહેવ નિરવસેસં જાવ ઉક્કોસેણ છમ્માસા | ૪૭. બહિયા ણ ભંતે ! માણસુત્તરસ્સ૦ જહા જીવાભિગમે જાવ ઇંદ્રાણે ણ ભંતે ! કેવતિયં કાલં ઉવવાએણ વિરહિએ પન્નતે ? ગોયમા ! જહન્નેણ એકં સમયં ઉક્કોસેણ છમ્માસા | સેવં ભંતે ! સેવં ભંતે ! તિ૦ | ★★☆ અદ્વમસએ અદ્વમો ઉદ્દેસો સમત્તો ||૮.૮|| ★★☆ નવમો ઉદ્દેસો ‘બંધ’ ★★☆ [સુ. ૧. પયોગબંધ-વીસસાબંધનામં બંધભેયજુગં] ૧. કિવિહે ણ ભંતે ! બંધે પણત્તે ? ગોયમા ! દુવિહે બંધેપણત્તે, તં જહા— પયોગબંધે ય, વીસસાબંધે ય | [સુ. ૨-૧૧. વીસસાબંધસ્સ ભેય -પભેયનિરૂવણપુબ્બ વિત્થરાઓ પરૂવણ ૨. વીસસાબંધે ણ ભંતે ! કતિવિહે પણત્તે ? ગોયમા ! દુવિહે પણત્તે, તં જહા— સાઈયવીસસાબંધે ય અણાઈયવીસસાબંધે ય | ૩. અણાઈયવીસસાબંધે ણ ભંતે ! કતિવિહે પણત્તે ? ગોયમા ! તિવિહે પણત્તે, તં જહા— ધ્રમતિથિકાયઅન્નમન્નઅણાદીયવીસસાબંધે અધ્રમતિથિકાયઅન્નમન્નઅણાદીયવીસસાબંધે,

आगासत्थिकायअन्नमन्नअणादीयवीससाबंधे । ४. धम्मत्थिकायअन्नमन्नअणादीयवीससाबंधे णं भंते ! किं देसबंधे सव्वबंधे ? गोयमा ! देसबंधे, नो सव्वबंधे । ५. एवं अधम्मत्थिकायअन्नमन्नअणादीयवीससाबंधे वि, एवं आगासत्थिकायअन्नमन्नअणादीयवीससाबंधे वि । ६. धम्मत्थिकायअन्नमन्नअणाईयवीससाबंधेण भंते ! कतिविहे पण्णते ? गोयमा ! तिविहे पण्णते, तं जहा— बंधणपच्छइए भायणपच्छइए परिणामपच्छइए । ७. से किं तं बंधणपच्छइए ? बंधणपच्छइए, जं णं परमाणुपोग्गला दुपएसिय-तिपएसिय-जाव-दसपएसिय-संखेज्जपएसिय-असंखेज्जपएसिय -अणंतपएसियाणं खंधाणं वेमायनिद्वयाए वेमायलुक्खयाए बंधणपच्छइएणं बंधे समुप्पज्जइ जहन्नेणं एकं समयं, उक्कोसेणं असंखेज्जं कालं । से तं बंधणपच्छइए । ८. से किं तं भायणपच्छइए ? भायणपच्छइए, जं णं जुण्णसुरा -जुण्णगुल -जुण्णतंदुलाणं भायणपच्छइएणं बंधे समुप्पज्जइ जहन्नेणं अंतोमुहुतं, उक्कोसेणं संखेज्जं कालं । से तं भायणपच्छइए । ९. से किं तं परिणामपच्छइए ? परिणामपच्छइए, जं णं अब्भाणं अब्भरुक्खाणं जहा ततियसए (स० ३ उ० ७ सु. ४ ५ ) जाव अमोहाणं परिणामपच्छइएणं बंधे समुप्पज्जइ जहन्नेणं एकं समयं, उक्कोसेणं छम्मासा । से तं परिणामपच्छइए । से तं सादीयवीससाबंधे । से तं वीससाबंधे । [सु. १२-१२९. पयोगबंधस्स वित्थरओ परूवणा] [ सु.१२. पयोगबंधस्स भेय -पभेयपरूवणा] १२. से किं तं पयोगबंधे ? पयोगबंधे तिविहे पण्णते, तं जहा— अणाईए वा अपज्जवसिए १, सादीए वा अपज्जवसिए २, सादीए वा सपज्जवसिए ३ । तथ्य णं जे से अणाईए अपज्जवसिए से णं अद्विष्टं जीवमज्जपएसाणं । तथ्य वि णं तिष्टं तिष्टं अणाईए अपज्जवसिए, सेसाणं साईए । तथ्य णं जे से सादीए अपज्जवसिए से णं सिद्धाणं । तथ्य णं जे से साईए सपज्जवसिए से णं चउव्विहे पण्णते, तं जहा— आलावणबंधे अल्लियावणबंधे सरीरबंधे सरीरप्पयोगबंधे । [सु. १३. आलावणबंधपरूवणा] १३. से किं तं आलावणबंधे ? आलावणबंधे, जं णं तणभाराण वा कट्टभाराण वा पत्तभाराण वा पलालभाराण वा वेल्लभाराण वा वेत्तलया -वाग -वरत्त -रज्जु -वल्लि -कुस -दब्भमादिएहिं आलावणबंधे समुप्पज्जइ; जहन्नेणं अंतोमुहुतं उक्कोसेणं संखेज्जं कालं । से तं आलावणबंधे । [सु. १४. आलियावणबंधस्स लेसणाबंधाइभेदचउक्कं] १४. से किं तं अल्लियावणबंधे ? अल्लियावणबंधे चउव्विहे पन्नते, तं जहा— लेसणाबंधे उच्यबंधे समुच्यबंधे साहणाबंधे । [सु. १५. लेसणाबंधपरूवणा] १५. से किं तं लेसणाबंधे ? लेसणाबंधे, जं णं कुट्टाणं कुट्टिमाणं खंभाणं पासायाणं कट्टाणं चम्माणं घडाणं पडाणं कडाणं छुहा-चिक्खल्ल-सिलेसलक्ख-महुसित्थमाइएहिं लेसणएहिं बंधे समुप्पज्जइ, जहन्नेणं अंतोमुहुतं, उक्कोसेणं संखेज्जं कालं । से तं लेसणाबंधे । [सु. १६. उच्यबंधपरूवणा] १६. से किं तं उच्यबंधे ? उच्यबंधे, जं णं तणरासीण वा कट्टरासीण वा पत्तरासीण वा तुसरासीण वा भुसरासीण वा गोयमरासीण वा अवगररासीण वा उच्चएणं बंधे समुप्पज्जइ. जहन्नेणं अंतोमुहुतं, उक्कोसेणं संखेज्जं कालं । से तं उच्यबंधे । [सु १७. समुच्यबंधपरूवणा] १७. से किं तं समुच्यबंधे ? समुच्यबंधे, जं णं अगड-तडाग-नदि-दह-वावी-पुक्खरणी-दीहियाणं गुंजालियाणं सराणं सरपंतिआणं सरसरपंतियाणं बिलपंतियाणं देवकुल-सभा-पवा-धूम-खाइयाणं फरिहाणं पागार-डट्टालग-चरिय-दार-गोपुर-तोरणाणं पासाय-घर-सरण-लेण-आवणाणं सिंघाडग-तिय-चउक्क-चच्वर-चउम्मुह-महापहमादीणं छुहा -चिक्खल्ल-सिलेससमुच्चाणं बंधे समुप्पज्जइ, जहन्नेणं अंतोमुहुतं, उक्कोसेणं संखेज्जं कालं से तं समुच्यबंधे । [सु. १८-२०. साहणाबंधस्स भेयजुयपरूवणा] १८. से किं तं साहणाबंधे ? साहणाबंधे दुविहे पण्णते, तं जहा— देससाहणाबंधे य सव्वसाहणाबंधे य । १९. से किं तं देससाहणाबंधे ? देससाहणाबंधे, जं णं सगडरह-जाण-जुग्ग-गिल्लि-थिल्लि-सीय-संदमाणिया-लोही-लोहकडाह-कडच्छुअ-आसण-सयण-खंभ-भंड-मत्त-उवगरणमाईणं देससाहणाबंधे समुप्पज्जइ, जहन्नेणं अंतोमुहुतं, उक्कोसेणं संखेज्जं कालं । से तं देससाहणाबंधे । २०. से किं तं सव्वसाहणाबंधे ? सव्वसाहणाबंधे, से णं खीरोदगमाईणं । से तं सव्वसाहणाबंधे । से तं साहणाबंधे । से तं अल्लियावणबंधे । [सु. २१-२३. सरीरबंधस्स भेयजुयपरूवणा] २१. से किं तं सरीरबंधे ? सरीरबंधे दुविहे पण्णते, तं जहा— पुव्वप्पओगपच्छइए य पडुप्पन्नप्पओगपच्छइए य । २२. से किं तं पुव्वप्पओगपच्छइए ? पुव्वप्पओगपच्छइए, जं णं नेरझाणं

સંસારત્થાણ સવ્વજીવાણ તત્થ તત્થ તેસુ તેસુ કારણેસુ સમોહનમાણાણ જીવપ્પદેસાણ બંધે સમુપ્પજીઝ | સે તં પુવ્વપ્પયોગપચ્છિઝ | ૨૩. સે કિં તં પડુપ્પન્નપ્પયોગપચ્છિઝ ? પડુપ્પન્નપ્પયોગપચ્છિઝ, જં ણં કેવલનાળિસ્સ અણગારસ્સ કેવલિસમુંઘાણણ સમોહયસ્સ, તાઓ સમુંઘાયાઓ પડિનિયતમાણસ્સ, અંતરા પંથે વદ્ધમાણસ્સ તેયા -કમ્માણ બંધે સમુપ્પજીઝ | કિં કારણ ? તાહે સે પણસા એગતીગયા ભવંતિ તિ | સે તં પડુપ્પન્નપ્પયોગપચ્છિઝ | સે તં સરીરબંધે | [સુ. ૨૪-૧૨૯. સરીરપ્પઓગબંધસ્સ વિત્થરાઓ પરૂવણા] [સુ. ૨૪. સરીરપ્પઓગબંધસ્સ ઓરાલિયાઝિંચભેયપરૂવણા] ૨૪. સે કિં તં સરીરપ્પયોગબંધસ્સ ? સરીરપ્પયોગબંધે પંચવિહે પન્ત્તે, તં જહા— ઓરાલિયસરીરપ્પઓગબંધે વેઉવ્વિયસરીરપ્પઓગબંધે આહારગસરીરપ્પઓગબંધે તેયાસરીરપ્પયોગબંધે કમ્માસરીરપ્પયોગબંધે | [સુ. ૨૫-૨૬. ઓરાલિયસરીરપ્પઓગબંધસ્સ ભેય-પભેયાઝિન્ખુવણાપુબ્બ વિત્થરાઓ પરૂવણા] ૨૫. ઓરાલિયસરીરપ્પયોગબંધે ણ ભંતે ! કતિવિહે પણન્તે ? ગોયમા ! પંચવિહે પન્ત્તે, તં જહા— એગિંદિયઓરાલિયસરીરપ્પયોગબંધે બેઝિંદિયઓરાલિયસરીરપ્પયોગબંધે જાવ પંચિંદિયઓરાલિયસરીરપ્પયોગબંધે | ૨૬. એગિંદિયઓરાલિયસરીરપ્પયોગબંધે ણ ભંતે ! કતિવિહે પણન્તે ? ગોયમા ! પંચવિહે પણન્તે, તં જહા— પુઢવિકાઝિયએગિંદિયઓરાલિયસરીરપ્પયોગબંધે, એવં એણ અભિલાબેણ ભેદા ઓગાહણસંઠાણે ઓરાલિયસરીરસ્સ તહા ભાણિયવ્વા જાવ પજ્જતગબભવક્લ તિયમણુસ્સસપંચિંદિયઓરાલિયસરીરપ્પયોગબંધે ય અપજ્જતગબભવક્લ તિયમણૂસપંચિંદિયઓરાલિયસરીરપ્પયોગબંધે ય | ૨૭. ઓરાલિયસરીરપ્પયોગબંધે ણ ભંતે ! કસ્સ કમ્મસ્સ ઉદએણ ? ગોયમા ! વીરિયસજોગસદ્વયાએ પમાદપચ્ચયા કમ્માં ચ જોગાં ચ ભવં ચ આઉયાં ચ પડુચ્ચ ઓરાલિયસરીરપ્પયોગનામકમ્મસ્સ ઉદએણ ઓરાલિયસરીરપ્પયોગબંધે | ૨૮. એગિંદિયઓરાલિયસરીરપ્પયોગબંધે ણ ભંતે ! કતિવિહે પણન્તે ? એવં ચેવ | ૨૯. પુઢવિકાઝિયએગિંદિયઓરાલિયસરીરપ્પયોગબંધે એવં ચેવ | ૩૦. એવં જાવ વણસ્સઝકાઝિયા | એવં બેઝિંદિયા | એવં તેઝિંદિયા | એવં ચુરિંદિયા | ૩૧. તિરિક્ખજોળિયપંચિંદિયઓરાલિયસરીરપ્પયોગબંધે ણ ભંતે ! કસ્સ કમ્મસ્સ ઉદએણ ? એવં ચેવ | ૩૨. મણુસ્સપંચિંદિયઓરાલિયસરીરપ્પયોગબંધે ણ ભંતે ! કસ્સ કમ્મસ્સ ઉદએણ ? ગોયમા ! વીરિયસજોગસદ્વયાએ પમાદપચ્ચયા જાવ આઉયાં ચ પડુચ્ચ મણુસ્સપંચિંદિયઓરાલિયસરીરપ્પયોગનામાએ કમ્મસ્સ ઉદએણ મણુસ્સપંચિંદિયઓરાલિયસરીરપ્પયોગબંધે | ૩૩. ઓરાલિયસરીરપ્પયોગબંધે ણ ભંતે ! કિં દેસબંધે, સવ્વબંધે ? ગોયમા ! દેસબંધે વિ સવ્વબંધે વિ | ૩૪. એગિંદિયઓરાલિયસરીરપ્પયોગબંધે ણ ભંતે ! કિં દેસબંધે, સવ્વબંધે ? એવં ચેવ | ૩૫. એવં પુઢવિકાઝિયા | ૩૬. એવં જાવ મણુસ્સપંચિંદિયઓરાલિયસરીરપ્પયોગબંધે ણ ભંતે ! કિં દેસબંધે, સવ્વબંધે ? ગોયમા ! દેસબંધે વિ, સવ્વબંધે વિ | ૩૭. ઓરાલિયસરીરપ્પયોગબંધે ણ ભંતે ! કાલાઓ કેવચિરં હોઇ ? ગોયમા ! સવ્વબંધે એકં સમયં દેસબંધે જહન્નેણં એકં સમયં, ઉક્કોસેણ તિણિ પલિઓવમાઝં સમયૂણાઝં | ૩૮. એગિંદિયઓરાલિયસરીરપ્પયોગબંધે ણ ભંતે ! કાલાઓ કેવચિરં હોઇ ? ગોયમા ! સવ્વબંધે એકં સમયં, દેસબંધે જહન્નેણં એકં સમયં, ઉક્કોસેણ બાવીસં વાસસહસ્સાઝં સમઊણાઝં | ૩૯. પુઢવિકાયએગિંદિય૦ પુચ્છા | ગોયમા ! સવ્વબંધે એકં સમયં, દેસબંધે જહન્નેણં ખુદ્દાગભવગ્ઝાઝં તિસમયૂણં, ઉક્કોસેણ બાવીસં વાસસહસ્સાઝં સમઊણાઝં | ૪૦. એવં સબ્બેસિં સવ્વબંધો એકં સમયં, દેસબંધો જેસિં નથ્ય વેઉવ્વિયસરીરં તેસિં જહન્નેણં ખુદ્દાગભવગ્ઝાઝં તિસમયૂણં, ઉક્કોસેણ જા જસ્સ ઉક્કોસ્યિયા ઠિતી સા સમઊણા કાયવ્વા | જેસિં પુણ અથિ વેઉવ્વિયસરીરં તેસિં દેસબંધો જહન્નેણં એકં સમયં, ઉક્કોસેણ જા જસ્સ ઉક્કોસ્યિયા ઠિતી સા સમઊણા કાયવ્વા | જેસિં પુણ તિણિ પલિઓવમાઝં સમયૂણાઝં | ૪૧. ઓરાલિયસરીરબંધન્તરં ણ ભંતે ! કાલાઓ કેવચિરં હોઇ ? ગોયમા ! સવ્વબંધન્તરં જહન્નેણં ખુદ્દાગભવગ્ઝાઝં તિસમયૂણં, ઉક્કોસેણ તેતીસં સાગરોવમાઝં તિસમયાહિયાઝં | ૪૨. એગિંદિયઓરાલિય૦ પુચ્છા | ગોયમા ! સવ્વબંધન્તરં જહન્નેણં ખુદ્દાગભવગ્ઝાઝં તસમયૂણં, ઉક્કોસેણ બાવીસં વાસસહસ્સાઝં સમયાહિયાઝં | દેસબંધન્તરં જહન્નેણં એકં સમયં, ઉક્કોસેણ અંતોમુહૃત્તં | ૪૩. પુઢવિકાઝિયએગિંદિય૦ પુચ્છા | ગોયમા ! સવ્વબંધન્તરં જહેવ એગિંદિયસ્સ તહેવ ભાણિયવ્વં; દેસબંધન્તરં જહન્નેણં એકં સમયં, ઉક્કોસેણ તિણિ સમયા | ૪૪. જહા પુઢવિકાઝિયાણ એવં જાવ ચુરિંદિયાણ વાઉકાઝિયવજાણ, નવરં સવ્વબંધન્તરં ઉક્કોસેણ જા જસ્સ ઠિતી સા સમયાહિયા કાયવ્વા | વાઉકાઝિયાણ સવ્વબંધન્તરં

જહેણ ખુદ્દાગભવગ્ગહણં તિસમયૂણં, ઉકોસેણ તિણિ વાસસહસ્રાં સમયાહિયાં। દેસબંધુંતર જહેણ એકં સમયં, ઉકોસેણ અંતોમુહુત્તં। ૪૫. પંચિંદિયતિરિક્ખજોળિયઓરાલિયો પુચ્છા। સવ્વબંધુંતર જહેણ ખુદ્દાગભવગ્ગહણં તિસમયૂણં, ઉકોસેણ પુવ્વકોડી સમયાહિયા, દેસબંધુંતર જહેણ એગિંદિયાણં તહા પંચિંદિયતિરિક્ખજોળિયાણં। ૪૬. એવ મણુસ્સાણ વિ નિરવસેસં ભાળિયવ્વં જાવ ઉકોસેણ અંતોમુહુત્તં। ૪૭. જીવસ્સ ણ ભંતે! એગિંદિયતે ણોએગિંદિયતે પુણરવિ એગિંદિયતે એગિંદિયઓરાલિયસરીરપ્પઓગબંધુંતર કાલાઓ કેવચ્ચિર હોઇ? ગોયમા! સવ્વબંધુંતર જહેણ દો ખુદ્દાગભવગ્ગહણાં તિસમયૂણાં, ઉકોસેણ દો સાગરોવમસહસ્રાં સંખેજવાસમબ્ધહિયાં। ૪૮. જીવસ્સ ણ ભંતે! પુઢવિકાઇયતે નોપુઢવિકાઇયતે પુણરવિપુઢવિકાઇયતે પુઢવિકાઇયએગિંદિયઓરાલિયસરીરપ્પયોગબંધુંતર કાલાઓ કેવચ્ચિર હોઇ? ગોયમા! સવ્વબંધુંતર જહેણ દો ખુદ્દાં ભવગ્ગહણાં તિસમયુણાં; ઉકોસેણ અણંતં કાલાં, અણંતા ઉસ્સપ્પણીઓ કાલાઓ, ખેત્તાઓ અણંતા લોગા, અસંખેજા પોગલપરિયદ્વા, તે ણ પોગલપરિયદ્વા આવલિયાએ અસંખેજાભાગો। દેસબંધુંતર જહેણ ખુદ્દાગભવગ્ગહણં સમયાહિયં, ઉકોસેણ અણંતં કાલાં જાવ આવલિયાએ અસંખેજાભાગો। ૪૯. જહા પુઢવિકાઇયાણ એવ વણસ્સિકાઇયવજાણ જાવ મણુસ્સાણ | વણસ્સિકાઇયાણ દોણિ ખુદ્દાં એવ ચેવ; ઉકોસેણ અસંખિજં કાલાં, અસંખિજાઓ ઉસ્સપ્પણિ-ઓસપ્પણીઓ કાલાઓ, ખેત્તાઓ અસંખેજા લોગા। એવ દેસબંધુંતર પિ ઉકોસેણ પુઢવિકાલો। ૫૦. એસિ ણ ભંતે! જીવાણ ઓરાલિયસરીરસ્સ દેસબંધુણાં સવ્વબંધગાણ અબંધગાણ ય કયરે કયરેહિંતો જાવ વિસેસાહિયા વા? ગોયમા! સવ્વત્થોવા જીવા ઓરાલિયસરીરસ્સ સવ્વબંધગા, અબંધગા વિસેસાહિયા, દેસબંધગા અસંખેજગુણા। [સુ. ૫૧-૮૨. વેઉબ્વિયસરીરપ્પઓગબંધસ્સ ભેયાઇનિર્ઘણપુબ્વ વિન્થરાઓ પર્ઘણા] ૫૧. વેઉબ્વિયસરીરપ્પયોગબંધે ણ ભંતે! કતિવિહે પન્તે? ગોયમા! દુવિહે પન્તે, તં જહા— એગિંદિયવેઉબ્વિયસરીરપ્પયોગબંધે ય, પંચિંદિયવેઉબ્વિયસરીરપ્પયોગબંધે ય | ૫૨. જહ એગિંદિયવેઉબ્વિયસરીરપ્પયોગબંધે કિં વાઉકાઇયએગિંદિયવેઉબ્વિયસરીરપ્પયોગબંધે, અવાઉકાઇયએગિંદિયવેઉબ્વિયસરીરપ્પયોગબંધે? એવ એણ અભિલાવેણ જહા ઓગાહણસંઠાણે વેઉબ્વિયસરીરભેદો તહા ભાળિયવો જાવ પજન્તસવ્વદૃસિદ્ધઅણુત્તરોવવાઇયકપ્પાતીયવેમાળિયદેવપંચિંદિયવેઉબ્વિયસરીરપ્પયોગબંધે ય અપજન્તસવ્વદૃસિદ્ધઅણુત્તરોવવાઇય જાવ પયોગબંધે ય | ૫૩. વેઉબ્વિયસરીરપ્પયોગબંધે ણ ભંતે! કસ્સ કમ્મસ્સ ઉદએણ? ગોયમા! વીરિયસજોગસદ્વયાએ જાવ આઉં વા લદ્ધિં વા પડુચ્ વેઉબ્વિયસરીરપ્પયોગનામાએ કમ્મસ્સ ઉદએણ વેઉબ્વિયસરીરપ્પયોગબંધે | ૫૪. વાઉકાઇયએગિંદિયવેઉબ્વિયસરીરપ્પયોગબંધે ણ ભંતે! કસ્સ કમ્મસ્સ ઉદએણ? ગોયમા! વીરિયસજોગસદ્વયાએ જાવ આઉં વા પડુચ્ રયણપ્પભાપુઢવિ૦ જાવ બંધે | (૧) એવ જાવ અહેસત્તમાએ | ૫૬. તિરિક્ખજોળિયપંચિંદિયવેઉબ્વિયસરીર૦ પુચ્છા | ગોયમા! વીરિય૦ જહા વાઉકાઇયાણ | ૫૭. મણુસ્સપંચિંદિયવેઉબ્વિય૦? એવ ચેવ | ૫૮. (૧) અસુરકુમારભવણવાસિદેવપંચિંદિયવેઉબ્વિય૦ જહા રયણપ્પભાપુઢવિનેરિયો | (૨) એવ જાવ થળિયકુમારા | ૫૯. એવ વાળમંતરા | ૬૦. એવ જોઇસિયા | ૬૧. (૧) એવ સોહ્મમકપ્પોવગયા વેમાળિયા | એવ જાવ અચ્ચુય૦ | (૨) ગેવેજકપ્પાતીયા વેમાળિયા એવ ચેવ | (૩) અણુત્તરોવવાઇયકપ્પાતીયા વેમાળિયા એવ ચેવ | ૬૨. વેઉબ્વિયસરીરપ્પયોગબંધે ણ ભંતે! કિં દેસબંધે, સવ્વબંધે? ગોયમા! દેસબંધે વિ, સવ્વબંધે વિ | ૬૩. વાઉકાઇયએગિંદિય૦ | એવ ચેવ | ૬૪. રયણપ્પભાપુઢવિનેરિય૦ | એવ ચેવ | ૬૫. એવ જાવ અણુત્તરોવવાઇયા | ૬૬. વેઉબ્વિયસરીરપ્પયોગબંધે ણ ભંતે! કાલાઓ કેવચ્ચિર હોઇ? ગોયમા! સવ્વબંધે જહેણ એકં સમયં, ઉકોસેણ દો સમયા | દેસબંધે જહેણ એકં સમયં, ઉકોસેણ તેતીસં સાગરોવમાં સમયૂણાં | ૬૭. વાઉકાઇયએગિંદિયવેઉબ્વિય૦ પુચ્છા | ગોયમા! સવ્વબંધે એકં સમયં; દેસબંધે જહેણ દસવાસસહસ્રાં તિસમયુણાં, ઉકોસેણ સાગરોવમં સમઊણાં | (૨) એવ જાવ અહેસત્તમા | નવરં દેસબંધે જસ્સ

જા જહન્નિયા ઠિતી સા તિસમઊણા કાયવા, જા ચ ઉકોસિયા સા સમયુણા । ૬૯. પંચિંદિયતિરિક્ખજોળિયાણ મણુસ્સાણ ય જહા વાઉકાઇયાણ । ૭૦. અસુરકુમાર-નાગકુમાર૦ જાવ અણુત્તરોવવાઇયાણ જહા નેરઝ્યાણ, નવરં જસ્સ જા ઠિર્ડ સા ભાળિયબ્વા જાવ અણુત્તરોવવાઇયાણ સવ્વબંધે એક્સ સમયં; દેસબંધે જહન્નેણ એક્તીસં સાગરોવમાં તિસમયુણાં, ઉકોસેણ તેતીસં સાગરોવમાં સમયુણાં । ૭૧. વેઉવ્યિયસરીરપ્પયોગબંધંતરં ણ ભંતે ! કાલઓ કેવચિરં હોઇ ? ગોયમા ! સવ્વબંધંતરં જહન્નેણ એક્સ સમયં, ઉકોસેણ અણંતં કાલં, અણંતાઓ જાવ આવલિયાએ અસંખિજઝિભાગો । એવં દેસબંધંતરં પિ । ૭૨. વાઉકાઇયવેઉવ્યિયસરીર૦ પુચ્છા । ગોયમા ! સવ્વબંધંતરં જહન્નેણ અંતોમુહૃત્તં, ઉકોસેણ પલિઓવમસ્સ અસંખેજઝિભાગં । એવં દેસબંધંતરં પિ । ૭૩. તિરિક્ખજોળિયપંચિંદિયવેઉવ્યિયસરીરપ્પયોગબંધંતરં પુચ્છા । ગોયમા ! સવ્વબંધંતરં જહન્નેણ અંતોમુહૃત્તં, ઉકોસેણ અણંતં કાલં, વણસ્સિકાલો । એવં દેસબંધંતરં પિ । ૭૪. એવં મણુસ્સસ્સ વિ । ૭૫. જીવસ્સ ણ ભંતે ! વાઉકાઇયતે નોવાઉકાઇયતે પુણરવિ વાઉકાઇયએંગિંદિયવેઉવ્યય૦ પુચ્છા । ગોયમા ! સવ્વબંધંતરં જહન્નેણ અંતોમુહૃત્તં, ઉકોસેણ અણંતં કાલં, વણસ્સિકાલો । એવં દેસબંધંતરં પિ । ૭૬. (૧) જીવસ્સ ણ ભંતે ! રયણપ્પભાપુઢવિનેરઝ્યતે ણોરયણપ્પભાપુઢવિ૦ પુચ્છા । ગોયમા ! સવ્વબંધંતરં જહન્નેણ અંતોમુહૃત્તં, ઉકોસેણ અણંતં કાલં. વણસ્સિકાલો । (૨) એવં જાવ અહેસત્તમાએ, નવરં જા જસ્સ ઠિતી જહન્નિયા સા સવ્વબંધંતરે જહન્નેણ અંતોમુહૃત્તમબ્ભહિયા કાયવા, સેસં તં ચેવ । ૭૭. પંચિંદિયતિરિક્ખજોળિય -મણુસ્સાણ જહા વાઉકાઇયાણ । ૭૮. અસુરકુમાર-નાગકુમાર જાવ સહસ્રારદેવાણ એસિં જહા રયણપ્પભાગાણ, નવરં સવ્વબંધંતરે જસ્સ જા ઠિતી જહન્નિયા સા અંતોમુહૃત્તમબ્ભહિયા કાયવા, સેસં તં ચેવ । ૭૯. જીવસ્સ ણ ભંતે ! આણયદેવતે નોઆણય૦ પુચ્છા । ગોયમા ! સવ્વબંધંતરં જહન્નેણ અંતોમુહૃત્તમબ્ભહિયા કાયવા, સેસં તં ચેવ । ૮૦. ગેવેજકપ્પાતીય૦ પુચ્છા । ગોયમા ! સવ્વબંધંતરં જહન્નેણ બાવીસં સાગરોવમાં વાસપુહૃત્તમબ્ભહિયાં; ઉકોસેણ અણંતં કાલં, વણસ્સિકાલો । દેસબંધંતરં જહન્નેણ વાસપુહૃત્તં; ઉકોસેણ અણંતં કાલં, વણસ્સિકાલો । એવં જાવ અચ્ચુએ; નવરં જસ્સ જા ઠિતી સા સવ્વબંધંતરે જહન્નેણ વાસપુહૃત્તમબ્ભહિયા કાયવા, સેસં તં ચેવ । ૮૧. જીવસ્સ ણ ભંતે ! અણુત્તરોવવાતિય૦ પુચ્છા । ગોયમા ! સવ્વબંધંતરં જહન્નેણ એક્તીસં સાગરોવમાં વાસપુહૃત્તમબ્ભહિયાં, ઉકોસેણ સંખેજાં સાગરોવમાં । ૮૨. એસિ ણ ભંતે ! જીવાં વેઉવ્યિયસરીરસ્સ દેસબંધગાણ, સવ્વબંધગાણ, અબંધગાણ ય કયરે કયરેહિંતો જાવ વિસેસાહિયા વા ? ગોયમા ! સવ્વત્થોવા જીવા વેઉવ્યિયસરીરસ્સ સવ્વબંધગા, દેસબંધગા અસંખિજગુણા, અબંધગા અણંતગુણા । [સુ. ૮૩-૮૯. આહારગસરીરપ્પઓગબંધસ્સ વિત્થરાઓ પરૂષણ] ૮૩. આહારગસરીરપ્પયોગબંધે ણ ભંતે ! કતિવિહે પણન્તે ? ગોયમા ! એગાગારે પણન્તે । ૮૪. (૧) જઇ એગાગારે પણન્તે કિં મણુસ્સાહારગસરીરપ્પયોગબંધે ? કિં અમણુસ્સાહારગસરીરપ્પયોગબંધે ? ગોયમા ! મણુસ્સાહારગસરીરપ્પયોગબંધે, નો અમણુસ્સાહારગસરીરપ્પયોગબંધે । (૨) એવં એણં અભિલાલેણ જહા ઓગાહણસંઠાણે જાવ ઇહૃપત્તપમત્તસં જયસમ્મદ્દિપજત્તસં ખેજવાસાઉયકમ્મભૂમિગગબ્ભવક્ક તિયમણુસ્સાહારગસરીરપ્પયોગબંધે, ણો અણિહૃપત્તપમત્ત જાવ આહારગસરીરપ્પયોગબંધે । ૮૫. આહારગસરીરપ્પયોગબંધે ણ ભંતે ! કસ્સ કમ્મસ્સ ઉદએણ ? ગોયમા ! વીરિયસજોગસદ્વબ્યાએ જાવ લદ્ધિં પદુચ્ચ આહારગસરીરપ્પયોગણામાએ કમ્મસ્સ ઉદએણ આહારગસરીરપ્પયોગબંધે । ૮૬. આહારગસરીરપ્પયોગબંધે ણ ભંતે ! કિં દેસબંધે, સવ્વબંધે ? ગોયમા ! દેસબંધે વિ, સવ્વબંધે વિ । ૮૭. આહારગસરીરપ્પઓગબંધે ણ ભંતે ! કાલઓ કેવચિરં હોઇ ? ગોયમા ! સવ્વબંધે એક્સ સમયં । દેસબંધે જહન્નેણ અંતોમુહૃત્તં, ઉકોસેણ વિ અંતોમુહૃત્તં । ૮૮. આહારગસરીરપ્પઓગબંધંતરં ણ ભંતે ! કાલઓ કેવચિરં હોઇ ? ગોયમા ! સવ્વબંધંતરં જહન્નેણ અંતોમુહૃત્તં, ઉકોસેણ અણંતં કાલં-અણંતાઓ ઓસપ્પણિ-ઉસ્સપ્પણિઓ કાલાં, ખેત્તાઓ અણંતા લોયા; અવદૂપોગલપરિયદું દેસૂણાં । એવં દેસબંધંતરં પિ । ૮૯. એસિ ણ ભંતે ! જીવાં આહારગસરીરસ્સ દેસબંધગાણ, સવ્વબંધગાણ, અબંધગાણ ય કયરે કયરેહિંતો જાવ વિસેસાહિયા વા ? ગોયમા ! સવ્વત્થોવા જીવા આહારગસરીરસ્સ સવ્વબંધગા, દેસબંધગા સંખિજગુણા, અબંધગા અણંતગુણા ।

[સુ. ૧૦-૧૬. તેયાસરીરપ્પાઓગબંધસ્સ ભેય-પમેયાઇનિર્ખુલુણાપુબ્વ વિત્થરાઓ પર્ખુણા] ૧૦. તેયાસરીરપ્પાઓગબંધે એં ભંતે ! કતિવિહે પણન્તે ? ગોયમા ! પંચવિહે પણન્તે, તં જહા— એગિંદિયતેયાસરીરપ્પાઓગબંધે, બેઝિંદિય૦, તેઝિંદિય૦, જાવ પંચિંદિયતેયાસરીરપ્પાઓગબંધે | ૧૧. એગિંદિયતેયાસરીરપ્પાઓગબંધેણ ભંતે ! કતિવિહે પણન્તે ? એવ એપણ અભિલાખેણ ભેદો જહા ઓગાહણસંઠાણે જાવ પજત્તસવ્વદુસિદ્ધઅણુત્તરોવવાઇયકપાતીયવેમાણિયદેવપંચિંદિયતેયાસરીરપ્પાઓગબંધે ય અપજત્તસવ્વદુસિદ્ધઅણુત્તરોવવાઇય૦ જાવ બંધે ય | ૧૨. તેયાસરીરપ્પાઓગબંધે એં ભંતે ! કસ્સ કમ્મસ્સ ઉદએણ ? ગોયમા ! વીરિયસજોગસદ્વ્યાએ જાવ આઉયં વા પડુચ્ તેયાસરીરપ્પાઓગનામાએ કમ્મસ્સ ઉદએણ તેયાસરીરપ્પાઓગબંધે | ૧૩. તેયાસરીરપ્પાઓગબંધે એં ભંતે ! કિં દેસબંધે સવ્વબંધે ? ગોયમા ! દેસબંધે, નો સવ્વબંધે | ૧૪. તેયાસરીરપ્પાઓગબંધે એં ભંતે ! કાલાો કેવચિરં હોઇ ? ગોયમા ! દુવિહે પણન્તે, તં જહા— અણાઈએ વા અપજવસિએ, અણાઈએ વા સપજવસિએ | ૧૫. તેયાસરીરપ્પાઓગબંધાંતરં એં ભંતે ! કાલાો કેવચિરં હોઇ ? ગોયમા ! અણાઈયસ્સ અપજવસિયસ્સ નથિ અંતરં, અણાઈયસ્સ સપજવસિયસ્સ નથિ અંતરં | ૧૬. એસિ એં ભંતે ! જીવાણં તેયાસરીરસ્સ દેસબંધગાણં અબંધગાણ ય કયરે કયરેહિંતો જાવ વિસેસાહિયા વા ? ગોયમા ! સવ્વત્થોવા જીવા તેયાસરીરસ્સ અબંધગા, દેસબંધગા અણાંતગુણા | [સુ. ૧૭-૧૧૯. કમ્મગસરીરપ્પાઓગબંધસ્સ ભેય -પમેયાઇનિર્ખુલુણાપુબ્વ વિત્થરાઓ પર્ખુણા] ૧૭. કમ્માસરીરપ્પાઓગબંધે એં ભંતે ! કતિવિહે પણન્તે ? ગોયમા ! અદ્વિહે પણન્તે, તં જહા— નાણાવરળિજ્જકમ્માસરીરપ્પાઓગબંધે જાવ અંતરાઇયકમ્માસરીરપ્પાઓગબંધે | ૧૮. ણાણાવરળિજ્જકમ્માસરીરપ્પાઓગબંધે એં ભંતે ! કસ્સ કમ્મસ્સ ઉદએણ ? ગોયમા ! નાણપદિણીયયાએ ણાણળિણહુણયાએ ણાણાંતરાએણ ણાણપ્વદોસેણં ણાણચ્વાસાદણાએ ણાણવિસંવાદણાજોગેણં ણાણાવરળિજ્જકમ્માસરીરપ્પાઓગનામાએ કમ્મસ્સ ઉદએણ ણાણાવરળિજ્જકમ્માસરીરપ્પાઓગબંધે | ૧૯. દરિસણાવરળિજ્જકમ્માસરીરપ્પાઓગબંધે એં ભંતે ! કસ્સ કમ્મસ્સ ઉદએણ ? ગોયમા ! દરિસણાવરળિજ્જકમ્માસરીરપ્પાઓગબંધે એં ભંતે ! કસ્સ કમ્મસ્સ ઉદએણ ? ગોયમા ! દરિસણાવરળિજ્જકમ્માસરીરપ્પાઓગનામાએ કમ્મસ્સ ઉદએણ સાયાવેયળિજ્જકમ્મા જાવ બંધે | ૧૦૧. અસ્સાયાવેયળિજ્જ૦ પુચ્છા | ગોયમા ! પરદુક્ખણયાએ પરસોયણયાએ જહા સત્તમસાએ દસમુ(છદ્દુ)દૈસએ જાવ અપરિયાવણયાએ (સ. ૭ ઉઠ૦ ૬ સુ. ૨૮) સાયાવેયળિજ્જકમ્માસરીરપ્પાઓગનામાએ કમ્મસ્સ ઉદએણ સાયાવેયળિજ્જકમ્મા જાવ બંધે | ૧૦૨. અસ્સાયાવેયળિજ્જ૦ પુચ્છા | ગોયમા ! મોહળિજ્જકમ્માસરીરપ્પાઓગ૦ પુચ્છા | ગોયમા ! તિવ્વકોહ્યાએ તિવ્વમાણયાએ તિવ્વમાયાએ તિવ્વલોભાએ તિવ્વદંસણમોહળિજ્જયાએ તિવ્વચરિત્તમોહળિજ્જયાએ મોહળિજ્જકમ્માસરીર૦ જાવ પયોગબંધે | ૧૦૩. નેરઝ્યાઉયકમ્માસરીરપ્પાઓગબંધે એં ભંતે ! પુચ્છા | ગોયમા ! મહારંભયાએ મહાપરિણહ્યાએ પંચિંદિયવહેણ કુણિમાહારેણ નેરઝ્યાઉયકમ્માસરીરપ્પાઓગનામાએ કમ્મસ્સ ઉદએણ નેરઝ્યાઉયકમ્માસરીર૦ જાવ પયોગબંધે | ૧૦૪. તિરિક્ખજોળિયાઉયકમ્માસરીરપ્પાઓગ૦ પુચ્છા | ગોયમા ! માઇલલયાએ નિયડિલ્લયાએ અલિયવયણેણ કૂડતૂલ -કૂડમાણેણ તિરિક્ખજોળિયકમ્માસરીર જાવ પયોગબંધે | ૧૦૫. મણુસ્સઆઉયકમ્માસરીર૦ પુચ્છા | ગોયમા ! પગઇભદ્યાએ પગઇભિણીયયાએ સાણુકોસયાએ અમચ્છિરિયયાએ મણુસ્સઆઉયકમ્મા૦ જાવ પયોગબંધે | ૧૦૬. દેવાઉયકમ્માસરીર૦ પુચ્છા | ગોયમા ! સરાગસંજમેણ સંજમાસંજમેણ બાલતવોકમ્મેણ અકામનિજરાએ દેવાઉયકમ્માસરીર૦ જાવ પયોગબંધે | ૧૦૭. સુભનામકમ્માસરીર૦ પુચ્છા | ગોયમા ! કાયઉજ્જુયયાએ ભાવઅણુજ્જુયયાએ ભાસઅણુજ્જુયયાએ વિસંવાયણાજોગેણ સુભનામકમ્માસરીર૦ જાવ પ્યોગબંધે | ૧૦૮. અસુભનામકમ્માસરીર૦ પુચ્છા | ગોયમા ! કાયઅણુજ્જુયયાએ ભાવઅણુજ્જુયયાએ ભાસઅણુજ્જુયયાએ વિસંવાયણાજોગેણ અસુભનામકમ્મા૦ જાવ પયોગબંધે | ૧૦૯. ઉચ્ચાગોયકમ્માસરીર૦ પુચ્છા | ગોયમા ! જાતિઅમદેણ કુલઅમદેણ બલઅમદેણ રૂવઅમદેણ તવઅમદેણ સુયઅમદેણ લાભઅમદેણ ઇસ્સરિયઅમદેણ ઉચ્ચાગોયકમ્માસરીર૦ જાવ પયોગબંધે | ૧૧૦. નીયગોયકમ્માસરીર૦ પુચ્છા | ગોયમા ! જાતિમદેણ કુલમદેણ બલમદેણ જાવ ઇસ્સરિયમદેણ ણીયાગોયકમ્માસરીર૦ જાવ પયોગબંધે | ૧૧૧. અંતરાઇયકમ્માસરીર૦ પુચ્છા | ગોયમા ! દાણાંતરાએણ લાભાંતરાએણ ભોગાંતરાએણ ઉવભોગાંતરાએણ

વીરિયંતરાએણ અંતરાઇયકમ્માસરીરપ્પયોગનામાએ કમ્મસ્સ ઉદએણ અંતરાઇયકમ્માસરીરપ્પયોગબંધે । ૧૧૨. (૧) ણાણાવરણિજકમ્માસરીરપ્પયોગબંધે ણ ભંતે ! કિં દેસબંધે સવ્વબંધે ? ગોયમા ! દેસબંધે, ણો સવ્વબંધે । (૨) એવં જાવ અંતરાઇયકમ્માસરીરપ્પયોગબંધે । ૧૧૩. ણાણાવરણિજકમ્માસરીરપ્પયોગબંધે ણ ભંતે ! કાલઓ કેવચ્ચિરં હોઈ ? ગોયમા ! ણાણાવરણિજકમ્માસરીરપ્પયોગબંધે દુવિહે પણ્ણતે, તં જહા— અણાઈએ સપજવસિએ, અણાઈએ અપજવસિએ વા, એવં જહા તેયગસરીરસંચિદૃણા તહેવ । ૧૧૪. એવં જાવ અંતરાઇયકમ્મસ્સ । ૧૧૫. ણાણાવરણિજકમ્માસરીરપ્પયોગબંધંતરં ણ ભંતે ! કાલઓ કેવચ્ચિરં હોઈ ? ગોયમા ! અણાઈયસ્સો એવં જહા તેયગસરીરસ્સ અંતરં તહેવ । ૧૧૬. એવં જાવ અંતરાઇયસ્સ । ૧૧૭. એસિ ણ ભંતે ! જીવાણં નાણાવરણિજસ્સ દેસબંધગાણં, અબંધગાણ ય કયરે કયરેહિંતો જાવ અપ્પાબહું જહા તેયગસ્સ । ૧૧૮. એવં આઉયવજં જાવ અંતરાઇયસ્સ । ૧૧૯. આઉયસ્સ પુછ્છા | ગોયમા ! સવ્વત્થોવા જીવા આઉયસ્સ કમ્મસ્સ દેસબંધગા, અબંધગા સંખેજગુણા । [સુ. ૧૨૦-૧૨૮. ઓરાલિયાઈણં પંચહં સરીરાણમણોળણં સવ્વ -દેસબંધવત્તવ્યા] ૧૨૦. (૧) જસ્સ ણ ભંતે ! ઓરાલિયસરીરસ્સ સવ્વબંધે સે ણ ભંતે ! વેઉવ્યિસરીરસ્સ કિં બંધએ, અબંધએ ? ગોયમા ! નો બંધએ, અબંધએ । (૨) આહારગસરીરસ્સ કિં બંધએ, અબંધએ ? ગોયમા ! નો બંધએ, અબંધએ । (૩) તેયાસરીરસ્સ કિં બંધએ, અબંધએ ? ગોયમા ! બંધએ, નો અબંધએ । (૪) જિ બંધએ કિં દેસબંધએ, સવ્વબંધએ ? ગોયમા ! દેસબંધએ, નો સવ્વબંધએ । (૫) કમ્માસરીરસ્સ કિં બંધએ, અબંધએ ? જહેવ તેયગસ્સ જાવ દેસબંધએ, નો સવ્વબંધએ । ૧૨૧. જસ્સ ણ ભંતે ! ઓરાલિયસરીરસ્સ દેસબંધે સે ણ ભંતે ! વેઉવ્યિસરીરસ્સ કિં બંધએ, અબંધએ ? ગોયમા ! નો બંધએ, અબંધએ । (૧) જસ્સ ણ ભંતે ! ઓરાલિયસરીરસ્સ કિં બંધએ, અબંધએ ? ગોયમા ! નો બંધએ, અબંધએ । (૨) આહારગસરીરસ્સ એવં ચેવ । (૩) તેયગસ્સ કમ્મગસ્સ ય જહેવ ઓરાલિણં સમં ભણિયં તહેવ ભાણિયવ્બં જાવ દેસબંધએ, નો સવ્વબંધએ । ૧૨૪. (૧) જસ્સ ણ ભંતે ! વેઉવ્યિસરીરસ્સ દેસબંધે સે ણ ભંતે ! ઓરાલિયસરીરસ્સ કિં બંધએ, અબંધએ ? ગોયમા ! નો બંધએ, અબંધએ । (૨) એવં વેઉવ્યિસરીરસ્સ કિં બંધએ, અબંધએ ? ગોયમા ! નો બંધએ, અબંધએ । (૩) તેયા-કમ્માણં જહેવ ઓરાલિણં સમં ભણિયં તહેવ ભાણિયવ્બં । ૧૨૬. જસ્સ ણ ભંતે ! આહારગસરીરસ્સ દેસબંધે સે ણ ભંતે ! ઓરાલિયસરીરસ્સ કિં બંધએ, અબંધએ ? ગોયમા ! નો બંધએ, અબંધએ । (૧) જસ્સ ણ ભંતે ! આહારગસરીરસ્સ સવ્વબંધે સે ણ ભંતે ! ઓરાલિયસરીરસ્સ કિં બંધએ, અબંધએ ? ગોયમા ! બંધએ વા અબંધએ વા । (૨) જિ બંધએ કિં દેસબંધએ, સવ્વબંધએ ? ગોયમા ! દેસબંધએ વા, સવ્વબંધએ વા । (૩) વેઉવ્યિસરીરસ્સ કિં બંધએ, અબંધએ ? એવં ચેવ । (૪) એવં આહારગસરીરસ્સ વિ । (૫) કમ્મગસરીરસ્સ કિં બંધએ, અબંધએ ? ગોયમા ! બંધએ, નો અબંધએ । (૬) જિ બંધએ કિં દેસબંધએ, સવ્વબંધએ ? ગોયમા ! દેસબંધએ, નો સવ્વબંધએ । ૧૨૮. જસ્સ ણ ભંતે ! કમ્મગસરીરસ્સ દેસબંધે સે ણ ભંતે ! ઓરાલિયસરીરસ્સ જહા તેયગસ્સ વત્તવ્યા ભણિયા તહા કમ્મગસ્સ વિ ભાણિયવ્બા જાવ તેયાસરીરસ્સ જાવ દેસબંધએ, નો સવ્વબંધએ । [સુ. ૧૨૯. ઓરાલિયાઈંચસરીરદેસબંધગ-સવ્વબંધગાણં જીવાણમપાબહુણ્યં] ૧૨૯. એસિ ણ ભંતે ! જીવાણં ઓરાલિય-વેઉવ્યિ-આહાર-તેયાકમ્માસરીરગાણં દેસબંધગાણં સવ્વબંધગાણં અબંધગાણ ય કયરે કયરેહિંતો જાવ વિસેસાહિયા વા ? ગોયમા ! સવ્વત્થોવા જીવા આહારગસરીરસ્સ સવ્વબંધગા ૧ । તસ્સ ચેવ દેસબંધગા સંખેજગુણા ૨ । વેઉવ્યિસરીરસ્સ સવ્વબંધગા અસંખેજગુણા ૩ । તસ્સ ચેવ દેસબંધગા અસંખેજગુણા ૪ । તેયા -કમ્મગાણં દુણહ વિ તુલ્લા અબંધગા અણંતગુણા ૫ । ઓરાલિયસરીરસ્સ સવ્વબંધગા અણંતગુણા ૬ । તસ્સ ચેવ અબંધગા વિસેસાહિયા ૭ । તસ્સ ચેવ દેસબંધગા અસંખેજગુણા ૮ । તેયા -કમ્મગાણં દેસબંધગા વિસેસાહિયા ૯ । વેઉવ્યિસરીરસ્સ અબંધગા વિસેસાહિયા ૧૦ । આહારગસરીરસ્સ અબંધગા વિસેસાહિયા ૧૧ । સેવં ભંતે ! સેવં ભંતે ! ત્તિ૦ । ★★☆ અદ્વુમસયસ્સ નવમો

ઉદેસાઓ સમતો ॥ ૮.૧॥ દસમો ઉદ્દસો ‘આરાહણા’★★★ [સુ. ૧. દસમુદેસસુવુગ્ઘાઓ] ૧. રાયગિહે નગરે જાવ એવં વ્યાસી— [સુ. ૨. અન્નતથિયવત્તવનિરાસપુબ્વયં સીલં -સુયજુતપુરિસે પડુચ્ચ ભગવાઓ આરાહણ -વિરાહણપરૂબ્વણા] ૨. અન્નતથિયા ણં ભંતે ! એવમાઇક્રખંતિ જાવ એવં પરૂવેંતિ— એવં ખલુ સીલં સેયં ૧, સુયં સેયં ૨, સુયં સેયં સીલં સેયં ૩, સે કહમેયં ભંતે ! એવં ? ગોયમા ! જં ણં તે અન્નતથિયા એવમાઇક્રખંતિ જાવ જે તે એવમાહંસુ મિચ્છા તે એવમાહંસુ, અહં પુણ ગોયમા ! એવમાઇક્રખામિ જાવ પરૂવેમિ—એવં ખલુ મએ ચત્તારિ પુરિસજાયા પણન્તા, તં જહા— સીલસંપન્ને ણામં એગે, ણો સુયસંપન્ને ૧; સુયસંપન્ને નામં એગે, નો સીલસંપન્ને ૨, એગે સીલસંપન્ને વિ સુયસંપન્ને વિ ૩, એગે ણો સીલસંપન્ને નો સુયસંપન્ને ૪ | તત્થ ણં જે સે પઢ્મે પુરિસજાએ સે ણં પુરિસે સીલવં, અસુયવં, ઉવરાએ, અવિણાયધમ્મે, એસ ણં ગોયમા ! મએ પુરિસે દેસવિરાહએ પણન્તે | તત્થ ણં જે સે દોચ્ચે પુરિસજાએ સે ણં પુરિસે અસીલવં, સુયવં, અણુવરાએ, વિણાયધમ્મે એસ ણં ગોયમા ! મએ પુરિસે દેસવિરાહએ પણન્તે | તત્થ ણં જે સે ચાત્યે પુરિસજાએ સે ણં પુરિસે અસીલવં, અસુતવં, અણુવરાએ, અવિણાયધમ્મે એસ ણં ગોયમા ! મએ પુરિસે સબ્વવિરાહએ પણન્તે | તત્થ ણં જે સે ચાત્યે પુરિસજાએ સે ણં પુરિસે અસીલવં, અસુતવં, અણુવરાએ, અવિણાયધમ્મે એસ ણં ગોયમા ! મએ પુરિસે સબ્વવિરાહએ પણન્તે | [સુ. ૩-૬. આરાહણાએ ણાણાઇતિભેયા તપ્પભેયા ય] ૩. કતિવિહા ણં ભંતે ! આરાહણા પણન્તા ? ગોયમા ! તિવિહા આરાહણા પણન્તા, તં જહા— નાણારાહણા દંસણારાહણા ચરિત્તારાહણા | ૪. ણાણારાહણા ણં ભંતે ! કતિવિહા પણન્તા ? ગોયમા ! તિવિહા પણન્તા, તં જહા— ઉક્રોસિયા મજિઝમિયા જહન્ના | ૫. દંસણારાહણા ણં ભંતે ! ૦ ? એવં ચેવ તિવિહા વિ | ૬. એવં ચરિત્તારાહણા વિ | [સુ. ૭-૯. આરાહણાભેયાં પરોપ્પરમુવનિબંધપરૂબ્વણા] ૭. જસ્સ ણં ભંતે ! ઉક્રોસિયા ણાણારાહણા તસ્સ ઉક્રોસિયા દંસણારાહણા ? જસ્સ ઉક્રોસિયા દંસણારાહણા તસ્સ ઉક્રોસિયા ણાણારાહણા ? ગોયમા ! જસ્સ ઉક્રોસિયા ણાણારાહણા તસ્સ દંસણારાહણા ઉક્રોસિયા વા અજહન્નાઉક્રોસિયા વા, જસ્સ પુણ ઉક્રોસિયા દંસણારાહણા તસ્સ નાણારાહણા ઉક્રોસા વા જહન્ના વા અજહન્નમણુક્રોસા વા | ૮. જસ્સ ણં ભંતે ! ઉક્રોસિયા ણાણારાહણા તસ્સ ઉક્રોસિયા ચરિત્તારાહણા ? જસ્સુક્રોસિયા ચરિત્તારાહણા તસ્સુક્રોસિયા ણાણારાહણા ? જહા ઉક્રોસિયા ણાણારાહણા ય દંસણારાહણા ય ભણિયા તહા ઉક્રોસિયા ણાણારાહણા ય ચરિત્તારાહણા ય ભાણિયવા | ૯. જસ્સ ણં ભંતે ! ઉક્રોસિયા દંસણારાહણા તસ્સુક્રોસિયા ચરિત્તારાહણા ? જસ્સુક્રોસિયા ચરિત્તારાહણા તસ્સુક્રોસિયા દંસણારાહણા ? ગોયમા ! જસ્સ ઉક્રોસિયા દંસણારાહણા તસ્સ ચરિત્તારાહણા ઉક્રોસા વા જહન્ના વા અજહન્નમણુક્રોસા વા, જસ્સ પુણ ઉક્રોસિયા ચરિત્તારાહણા તસ્સ દંસણારાહણા નિયમા ઉક્રોસા | [સુ. ૧૦-૧૮. ઉક્રોસ -મજિઝમ -જહન્નાણ ણાણ -દંસણ -ચરિત્તારાહણાં ફલપરૂબ્વણા] ૧૦. ઉક્રોસિયં ણં ભંતે ! ણાણારાહણં આરાહેતા કતિહિં ભવગ્ઘણેહિં સિજિઝતિ જાવ અંતં કરેતિ ? ગોયમા ! અથેગઝે તેણેવ ભવગ્ઘણેણં સિજિઝતિ જાવ અંતં કરેતિ | અથેગતિએ દોચ્ચેણ ભવગ્ઘણેણં સિજિઝતિ જાવ અંતં કરેતિ | અથેગતિએ કપ્પોવાસુ વા કપ્પાતીએસુ વા ઉવવજ્ઞતિ | ૧૧. ઉક્રોસિયં ણં ભંતે ! દંસણારાહણં આરાહેતા કતિહિં ભવગ્ઘણેહિં૦ ? એવં ચેવ | ૧૨. ઉક્રોસિયં ણં ભંતે ! ચરિત્તારાહણં આરાહેતા૦ ? એવં ચેવ | નવરં અથેગતિએ કપ્પાતીએસુ ઉવવજ્ઞતિ | ૧૩. મજિઝમિયં ણં ભંતે ! ણાણારાહણં આરાહેતા કતિહિં ભવગ્ઘણેહિં સિજિઝતિ જાવ અંતં કરેતિ ? ગોયમા ! અથેગતિએ દોચ્ચેણ ભવગ્ઘણેણં સિજિઝઝ જાવ અંતં કરેતિ, તચ્ચ પુણ ભવગ્ઘણં નાઇક્રમઝ | ૧૪. મજિઝમિયં ણં ભંતે ! દંસણારાહણં આરાહેતા૦ ? એવં ચેવ | ૧૫. એવં મજિઝમિયં ચરિત્તારાહણં પિ | ૧૬. જહન્નિયં ણં ભંતે ! નાણારાહણં આરાહેતા કતિહિં ભવગ્ઘણેહિં સિજિઝતિ જાવ અંતં કરેતિ ? ગોયમા ! અથેગતિએ તચ્ચેણ ભવગ્ઘણેણં સિજિઝઝ જાવ અંતં કરેઝ, સત્ત -ઇદૃભવગ્ઘણાઝ પુણ નાઇક્રમઝ | ૧૭. એવં દંસણારાહણં પિ | ૧૮. એવં ચરિત્તારાહણં પિ | [સુ. ૧૯-૨૨. પોગ્લાપરિણામભેય -પભેયપરૂબ્વણા] ૧૯. કતિવિહે ણં ભંતે ! પોગ્લાપરિણામે પણન્તે ? ગોયમા ! પંચવિહે પોગ્લાપરિણામે પણન્તે, તં જહા— વણણપરિણામે ૧ ગંધપરિણામે ૨ રસપરિણામે ૩ ફાસપરિણામે ૪ સંઠાણપરિણામે ૫ | ૨૦. વણણપરિણામે ણં ભંતે ! કઝવિહે પણન્તે ? ગોયમા ! પંચવિહે પણન્તે, તં જહા— કાલવણણપરિણામે જાવ સુક્રિલ્લવણણપરિણામે | ૨૧. એણં અભિલાલેણ ગંધપરિણામે દુવિહે,

રસપરિણમે પંચવિહે, ફાસપરિણમે અદૃવિહે । ૨૨. સંઠાણપરિણમે એં ભંતે ! કઇવિહે પણતે ? ગોયમા ! પંચવિહે પણતે, તં જહા— પરિમંડલસંઠાણપરિણમે જાવ આયયસંઠાણપરિણમે । [સુ. ૨૩-૨૮. એગાઇઅણંતપુગ્ગલત્થિકાયપદેસે પડુચ્ચ દવ્વ - દવ્વદેસાઇયા વત્તવ્વયા ] ૨૩. એં ભંતે ! પોગ્ગલત્થિકાયપએસે કિં દવ્વં ૧, દવ્વદેસે ૨, દવ્વાઇં ૩, દવ્વદેસા ૪, ઉદાહુ દવ્વં ચ દવ્વદેસે ય ૫, ઉદાહુ દવ્વં ચ દવ્વદેસા ય ૬, ઉદાહુ દવ્વાઇં ચ દવ્વદેસે ય ૭, ઉદાહુ દવ્વાઇં ચ દવ્વદેસા ય ૮ ? ગોયમા ! સિય દવ્વં, સિય દવ્વદેસે, નો દવ્વાઇં, નો દવ્વદેસા, નો દવ્વં ચ દવ્વદેસે ય, જાવ નો દવ્વાઇં ચ દવ્વદેસા ય । ૨૪. દો ભંતે ! પોગ્ગલત્થિકાયપએસા કિં દવ્વં દવ્વદેસે૦ પુચ્છા તહેવે । ગોયમા ! સિય દવ્વં ?, સિય દવ્વદેસે ૨, સિય દવ્વાઇં ૩, સિય દવ્વદેસા ૪, સિય દવ્વં ચ દવ્વદેસે ય ૫, નો દવ્વં ચ દવ્વદેસા ય ૬, સેસા પડિસેહેયવ્વા । ૨૫. તિણિ ભંતે ! પોગ્ગલત્થિકાયપએસા કિં દવ્વં૦ પુચ્છા । ગોયમા ! સિય દવ્વં ૧, સિય દવ્વદેસે ૨, એવં સત્ત ભંગા ભાણિયવ્વા, જાવ સિય દવ્વાઇં ચ દવ્વદેસે ય; નો દવ્વાઇં ચ દવ્વદેસા ય । ૨૬. ચત્તારિ ભંતે ! પોગ્ગલત્થિકાયપએસા કિં દવ્વં૦ પુચ્છા । ગોયમા ! સિય દવ્વં ૧, સિય દવ્વદેસે ૨, અદૃ વિ ભંગા ભાણિયવ્વા જાવ સિય દવ્વાઇં ચ દવ્વદેસા ય ૮ । ૨૭. જહા ચત્તારિ ભણિયા એવં પંચ છ સત્ત જાવ અસંખિજા । ૨૮. અણંતા ભંતે ! પોગ્ગલત્થિકાયપએસા કિં દવ્વં એવં ચેવ જાવ સિય દવ્વાઇં ચ દવ્વદેસા ય । [ સુ. ૨૯-૩૦. લોગાગાસ - જીવપદેસાણં અસંખિજનપરૂવણા ] ૨૯. કેવતિયા એં ભંતે ! લોયાગાસપએસા પણત્તા ? ગોયમા ! અસંખેજ્જા લોયાગાસપએસા પણત્તા । ૩૦. એગમેગસ્સ એં ભંતે ! જીવસ્સ કેવઇયા જીવપએસા પણત્તા ? ગોયમા ! જાવતિયા લોગાગાસપએસા એગમેગસ્સ એં જીવસ્સ એવતિયા જીવપએસા પણત્તા । [સુ. ૩૧. કમ્મપયડિભેયપરૂવણા] ૩૧. કતિ એં ભંતે ! કમ્મપગડીઓ પણત્તાઓ ? ગોયમા ! અદૃ કમ્મપગડીઓ પણત્તાઓ, તં જહા— નાણાવરળિજં જાવ અંતરાઇયં । [સુ. ૩૨. ચઉવીસિદંડએસુ અદૃકમ્મપયડિપરૂવણા] ૩૨. (૧) નેરઇયાણ ભંતે ! કઇ કમ્મપગડીઓ પણત્તાઓ ? ગોયમા ! અદૃ । (૨) એવં સવ્વજીવાણ અદૃ કમ્મપગડીઓ ઠાવેયવ્વાઓ જાવ વેમાણિયાણ । [સુ. ૩૩-૩૬. ચઉવીસિદંડએસુ અદૃણં કમ્મપગડીણ અણંતઅવિભાગપલિચ્છદપરૂવણા] ૩૩. નાણાવરળિજસ્સ એં ભંતે ! કમ્મસ્સ કેવતિયા અવિભાગપલિચ્છેયા પણત્તા ? ગોયમા ! અણંતા અવિભાગપલિચ્છેદા પણત્તા । ૩૪. નેરઇયાણ ભંતે ! ણાણાવરળિજસ્સ કમ્મસ્સ કેવતિયા અવિભાગપલિચ્છેયા પણત્તા ? ગોયમા ! અણંતા અવિભાગપલિચ્છેદા પણત્તા । ૩૫. એવં સવ્વજીવાણ જાવ વેમાણિયાણ પુચ્છા, ગોયમા ! અણંતા અવિભાગપલિચ્છેદા પણત્તા । ૩૬. એવં જહા ણાણાવરળિજસ્સ અવિભાગપલિચ્છેદા ભણિયા તહા અદૃણ વિ કમ્મપગડીણ ભાણિયવ્વા જાવ વેમાણિયાણ અંતરાઇયસ્સ । [સુ. ૩૭-૪૧. જીવ - ચઉવીસિદંડયજીવપદેસમ્મિ અદૃણં કમ્મપગડીણ અવિભાગપલિચ્છેદાવેઢણપરિવેઢણવત્તવ્વયા] ૩૭. એગમેગસ્સ એં ભંતે ! જીવસ્સ એગમેગે જીવપએસે ણાણાવરળિજસ્સ કમ્મસ્સ કેવઇએહિં અવિભાગપલિચ્છેદેહિં આવેઢિયપરિવેઢિએ સિયા ? ગોયમા ! સિય આવેઢિયપરિવેઢિએ, સિય નો આવેઢિયપરિવેઢિએ । જઇ આવેઢિયપરિવેઢિએ નિયમા અણંતેહિં । ૩૮. એગમેગસ્સ એં ભંતે ! નેરઇયસ્સ એગમેગે જીવપએસે ણાણાવરળિજસ્સ કમ્મસ્સ કેવઇએહિં અવિભાગપલિચ્છેદેહિં આવેઢિયપરિવેઢિટે ? ગોયમા ! નિયમા અણંતેહિં । ૩૯. જહા નેરઇયસ્સ એવં જાવ વેમાણિયસ્સ । નવરં મણૂસસ્સ જહા જીવસ્સ । ૪૦. એગમેગસ્સ એં ભંતે ! જીવસ્સ એગમેગે જીવપએસે દરિસણાવરળિજસ્સ કમ્મસ્સ કેવતિએહિં૦ ? એવં જહેવ નાણાવરળિજસ્સ તહેવ દંડગો ભાણિયવ્વો જાવ વેમાણિયસ્સ । ૪૧. એવં જાવ અંતરાઇયસ્સ ભાણિયબ્વં, નવરં વેયળિજસ્સ આયસ્સ નામસ્સ ગોયસ્સ, એસિં ચઉણ વિ કમ્માણ મણૂસસ્સ જહા નેરઇયસ્સ તહા ભાણિયબ્વં, સેસં તં ચેવ । [સુ. ૪૨-૪૫. નાણાવરળિજસ્સ દંસણાવરળાદીહિં સત્તહિં કમ્મપગડીહિં સહભાવવત્તવ્વયા] ૪૨. જસ્સ એં ભંતે ! નાણાવરળિજં તસ્સ દરિસણાવરળિજં, જસ્સ દંસણાવરળિજં તસ્સ નાણાવરળિજં ? ગોયમા ! જસ્સ એં નાણાવરળિજં તસ્સ દંસણાવરળિજં નિયમા અત્થિ, જસ્સ એં દરિસણાવરળિજં તસ્સ વિ નાણાવરળિજં નિયમા અત્થિ । ૪૩. જસ્સ એં ભંતે ! ણાણાવરળિજં તસ્સ વેયળિજં, જસ્સ વેયળિજં તસ્સ ણાણાવરળિજં સિય અત્થિ, સિય નત્થિ । ૪૪. જસ્સ એં ભંતે ! નાણાવરળિજં તસ્સ મોહળિજં, જસ્સ મોહળિજં તસ્સ નાણાવરળિજં ? ગોયમા ! જસ્સ નાણાવરળિજં તસ્સ મોહળિજં સિય અત્થિ સિય નત્થિ, જસ્સ પુણ

મોહણિજ્ઞં તસ્સ નાણાવરણિજ્ઞં નિયમા અથી । ૪૫. (૧) જસ્સ ણ ભંતે ! નાણાવરણિજ્ઞં તસ્સ આઉયં૦ ? એવં જહા વેયણિજ્ઞે સમં ભણિયં તહા આઉણ વિ સમં ભાણિયબ્બં । (૨) એવં નામેણ વિ, એવં ગોણ વિ સમં । (૩) અંતરાઇએણ વિ જહા દરિસણાવરણિજ્ઞે સમં તહેવ નિયમા પરોપરં ભાણિયબ્બાણિ ૧ । [સુ. ૪૬. દંસણાવરણિજસ્સ વેયણિજાઈહિં છહિં કમ્મપગડીહિં સહભાવવત્તબ્બયા] ૪૬. જસ્સ ણ ભંતે ! દરિસણાવરણિજ્ઞં તસ્સ વેયણિજ્ઞં, જસ્સ વેયણિજ્ઞં તસ્સ દરિસણાવરણિજ્ઞં ? જહા નાણાવરણિજ્ઞં ઉવરિમેહિં સત્તહિં કમ્મેહિં સમં ભણિયં તહા દરિસણાવરણિજ્ઞં પિ ઉવરિમેહિં છહિં કમ્મેહિં સમં ભાણિયબ્બં જાવ અંતરાઇએણ ૨ । [સુ. ૪૭-૫૦ વેયણિજસ્સ મોહણિજાઈહિં પંચહિં કમ્મપગડીહિં સહભાવવત્તબ્બયા] ૪૭. જસ્સ ણ ભંતે ! વેયણિજ્ઞં તસ્સ મોહણિજ્ઞં, જસ્સ મોહણિજ્ઞં તસ્સ વેયણિજ્ઞં ? ગોયમા ! જસ્સ વેયણિજ્ઞં તસ્સ મોહણિજ્ઞં સિય અથી સિય નાથી, જસ્સ પુણ મોહણિજ્ઞં તસ્સ વેયણિજ્ઞં નિયમા અથી । ૪૮. જસ્સ ણ ભંતે ! વેયણિજ્ઞં તસ્સ તસ્સ આઉયં૦ ? એવં એયાણિ પરોપરં નિયમા । ૪૯. જહા આઉણ સમં એવં નામેણ વિ, ગોણ વિ સમં ભાણિયબ્બં । ૫૦. જસ્સ ણ ભંતે ! વેયણિજ્ઞં તસ્સ અંતરાઇયં૦ ? પુચ્છા ! ગોયમા ! જસ્સ વેયણિજ્ઞં તસ્સ અંતરાઇયં સિય અથી સિય નાથી, જસ્સ પુણ અંતરાઇયં તસ્સ વેયણિજ્ઞં નિયમા અથી ૩ । [સુ. ૫૧-૫૨. મોહણિજસ્સ આઉયઆઈહિં ચતુહિં કમ્મપગડીહિં સહભાવવત્તબ્બયા] ૫૧. જસ્સ ણ ભંતે ! મોહણિજ્ઞં તસ્સ આઉયં, જસ્સ આઉયં તસ્સ મોહણિજ્ઞં ? ગોયમા ! જસ્સ મોહણિજ્ઞં તસ્સ આઉયં નિયમા અથી, જસ્સ પુણ આઉયં તસ્સ પુણ મોહણિજ્ઞં સિય અથી સિય નાથી । ૫૨. એવં નામં ગોયં અંતરાઇયં ચ ભાણિયબ્બં ૪ । [સુ. ૫૩-૫૫. આઉયસ્સ નામાઈહિં તીહિં કમ્મપગડીહિં સહભાવવત્તબ્બયા] ૫૩. જસ્સ ણ ભંતે ! આઉયં તસ્સ નામોં ? પુચ્છા ! ગોયમા ! દો વિ પરોપરં નિયમં । ૫૪. એવં ગોત્તેણ વિ સમં ભાણિયબ્બં । ૫૫. જસ્સ ણ ભંતે ! આઉયં તસ્સ અંતરાઇયં૦ ? પુચ્છા ! ગોયમા ! જસ્સ આઉયં તસ્સ અંતરાઇયં સિય અથી સિય નાથી, જસ્સ પુણ અંતરાઇયં તસ્સ આઉયં નિયમા ૫ । [સુ. ૫૬-૫૭. નામસ્સ ગોય-અંતરાઇયકમ્મપગડીહિં સહભાવવત્તબ્બયા] ૫૬. જસ્સ ણ ભંતે ! નામં તસ્સ ગોયં, જસ્સ ણ ગોયં તસ્સ ણ નામં ? ગોયમા ! જસ્સ ણ નામં તસ્સ ણ નિયમા ગોયં, જસ્સ ણ ગોયં તસ્સ ણ નિયમા નામં-ગોયમા ! દો વિ એ પરોપરં નિયમા । ૫૭. જસ્સ ણ ભંતે ! ણ નામં તસ્સ અંતરાઇયં૦ ! પુચ્છા ! ગોયમા ! જસ્સ નામં તસ્સ અંતરાઇયં સિય અથી સિય નાથી, જસ્સ પુણ અંતરાઇયં તસ્સ આઉયં નિયમા ૬ । [સુ. ૫૮. ગોયસ્સ અંતરાઇયપગડીએ સહભાવવત્તબ્બયા] ૫૮. જસ્સ ણ ભંતે ! ગોયં તસ્સ અંતરાઇયં૦ ? પુચ્છા ! ગોયમા ! જસ્સ ણ ગોયં તસ્સ અંતરાઇયં સિય અથી સિય નાથી, જસ્સ પુણ અંતરાઇયં તસ્સ ગોયં નિયમા અથી ૭ । [સુ. ૫૯-૬૧. જીવ-ચતુવીસદંદય -સિદ્ધેસુ પોગળિ -પોગલવત્તબ્બયા] ૫૯. (૧) જીવે ણ ભંતે ! કિં પોગલી, પોગલે ? ગોયમા ! જીવે પોગલી વિ, પોગલે વિ । (૨) સે કેણદ્રેણ ભંતે ! એવં વુચ્છિ ‘જીવે પોગલી વિ પોગલે વિ’ ? ગોયમા ! સે જહાનામણ છત્તેણ છત્તી, દંડેણ દંડી, ઘડેણ ઘડી, પદેણ પડી, કરેણ કરી એવામેવ ગોયમા ! જીવે વિ સોઝિંદિય -ચક્કિખદિય -ઘાણિંદિય -જિભિંદિય -ફાસિંદિયાં પડુચ્છ પોગલી, જીવં પુચ્છ પોગલે, સે તેણદ્રેણ ગોયમા ! એવં વુચ્છિ ‘જીવે પોગલી વિ પોગલે વિ’ । ૬૦. (૧) નેરિએ ણ ભંતે ! કિં પોગલી૦ ? એવં ચેવ । (૨) એવં જાવ વેમાણિએ । નવરં જસ્સ જાઝ ઇંદિયાં તસ્સ તાઝ ભાણિયબ્બાં । ૬૧. (૧) સિદ્ધે ણ ભંતે ! કિં પોગલી, પોગલે ? ગોયમા ! નો પોગલી, પોગલે । (૨) સે કેણદ્રેણ ભંતે ! એવં વુચ્છિ જાવ પોગલે ? ગોયમા ! જીવં પડુચ્છ, સે તેણદ્રેણ ગોયમા ! એવં વુચ્છિ ‘સિદ્ધે નો પોગલી, પોગલે’ । સેવં ભંતે ! સેવં ભંતે ! ત્તિ૦ । **ફક્ફક્ફ અદ્વમસએ દસમો ॥૮.૩૦**

**॥ સમત્તં અદ્વમં સયં ॥૮॥ \*ફક્ફક્ફ નવમં સત્તં ફક્ફક્ફ** [સુ. ૧. નવમસતસ્સ ઉદ્દેસનામપરૂવણા] ૧. જંબુદીવે ૧ જોડિસ ૨ અંતરદીવા ૩૦ અસોચ્ ૩૧ ગંગેય ૩૨ । કુંડગામે ૩૩ પુરિસે ૩૪ નવમમ્મિ સયમ્મિ ચોતીસા ॥૧॥ **★☆☆ પઢમો ઉદ્દેસો ‘જંબુદીવે’ ★☆☆** [સુ. ૨. પઢમુદેસસુવુધાઓ] ૨. તેણ કાલેણ તેણ સમએણ મિહિલા નામં નગરી હોત્થા । વણાઓ । માળિભદે ચેઝાએ । વણાઓ । સામી સમોસઢે । પરિસા નિગયા । ધમ્મો કહિઓ । જાવ ભગવં ગોયમે પજુવાસમાણે એવં વયાસી— [સુ. ૩. જંબુદીવવત્તબ્બયાજાણણત્થં જંબુદીવપણનીસુત્તાવલોયણાનિદેસો] ૩. કહિ ણ ભંતે ! જંબુદીવે દીવે ? કિંસંઠિએ ણ ભંતે ! જંબુદીવે દીવે ? એવં

जंबुदीवपण्णती भाणियव्वा जाव एवामेव सपुव्वावरेणं जंबुदीवे दीवे चोद्दस सलिलासयसहस्सा छप्पन्नं च सहस्सा भवंतीति मकखाया । सेवं भंते ! सेवं भंते ! त्ति०  
**★☆☆। नवमस्स पढ्मो ॥९.१॥** ★☆☆ बितिओ उद्देसो 'जोइस' ★☆☆ [सु. १. बितिउद्देसस्सुवुग्घाओ] १. रायगिहे जाव एवं वयासी— [सु. २-५. जंबुदीव -लवणसमुद्ध -धायइसंड -कालोदसमुद्ध -पुकखरवरदीवाईसु चंदसंखाजाणणत्थं जीवाभिगमसुत्तावलोयणनिद्देसो] २. जंबुदीवे णं भंते ! दीवे केवइया चंदा पभासिंसु वा पभासेंति वा पभासिस्संति वा ? एवं जहा जीवाभिगमे जाव - 'नव य सया पण्णासा तारागणकोडिकोडीण' ॥ सोभं सोभिंसु सोभिंति सोभिस्संति । ३. लवणे णं भंते ! समुद्दे केवतिया चंदा पभासिंसु वा पभासिंति वा पभासिस्संति वा ? एवं जहा जीवाभिगमे जाव ताराओ । ४. धायइसंडे कालोदे पुकखरवरे अब्मिंतरपुकखरछ्वे मणुस्सखेते, एएसु सव्वेसु जहा जीवाभिगमे जाव — 'एग ससी परिवारो तारागणकोडिकोडीण' ॥ ५. पुकखरछ्वे णं भंते ! समुद्दे केवइया चंदा पभासिंसु वा पभासंति वा पभासिस्संति वा ? एवं सव्वेसु दीव -समुद्देसु जोतिसियाणं भाणियव्वं जाव सयंभूरमणे जाव सोभं सोभिंसु वा सोभंति वा सोभिस्संति वा । सेवं भंते ! सेवं भंते ! त्ति० **★☆☆ नवमसए बीओ उद्देसो समत्तो ॥९.२॥** ★☆☆ तइउद्देसाइतीसइमपज्जंता उद्देसा 'अंतरदीवा'★☆☆ [सु. १. तइयाइतीसइमपज्जंतउद्देसामुवुग्घाओ] १. रायगिहे जाव एवं वयासी— [सु. २-३. एगोरुयादिअट्टावीसइअंतरदीववत्तव्वयाजाणणत्थं जीवाभिगमसुत्तावलोयणनिद्देसो] २. कहि णं भंते ! दाहिणिल्लाणं एगोरुयमणुस्साणं एगोरुयदीवे णामं दीवे पन्नते ? गोयमा ! जंबुदीवे दीवे मंदरस्स पव्वयस्स दाहिणेणं एवं जहा जीवाभिगमे जाव सुद्धदंदीवे जाव देवलोगपरिग्हा णं ते मणुया पण्णता समणाउसो ! । ३. एवं अट्टावीसं पि अंतरदीवा सएणं सएणं आयाम-विकखंभेण भाणियव्वा, नवरं दीवे दीवे उद्देसओ । एवं सव्वे वि अट्टावीसं उद्देसगा । सेवं भंते ! सेवं भंते ! त्ति०

**★☆☆ नवमस्स तइयाइआ तीसंता उद्देसा समत्ता । ९.३-३०॥** ★☆☆ एगतीसइमो उद्देसो 'असोच्च' ★☆☆ [सु. १. एगतीसइमुद्देसस्सुवुग्घाओ] १. रायगिहे जाव एवं वयासी— [सु. २-१२. केवलि-केवलिसावगाईहिंतो असोच्चा सुद्धधम्म-बोहि-अणगारिता-बंभचेरवास-संजम-संवर-आभिणिबोहियाइपंचनाणाणं लाभलाभवत्तव्वया] २. (१) असोच्चा णं भंते ! केवलिस्स वा केवलिसावगस्स वा केवलिसावियाए वा केवलिउवासगस्स वा केवलिउवासियाए वा तप्पकिखियस्स वा तप्पकिखियसावगस्स वा तप्पकिखियसावियाए वा तप्पकिखियउवासगस्स वा तप्पकिखियउवासियाए वा केवलिपण्णतं धम्मं लभेजा सवणयाए ? गोयमा ! असोच्चा णं केवलिस्स वा जाव तप्पकिखियउवासियाए वा अत्थेगइए केवलिपण्णतं धम्मं लभेजा सवणयाए, अत्थेगतिए केवलिपण्णतं धम्मं नो लभेजा सवणयाए । (२) से केणद्वेण भंते ! एवं वुच्वइ-असोच्चा णं जाव नो लभेजा सवणयाए ? गोयमा ! जस्स णं नाणावरणिज्ञाणं कम्माणं खओवसमे कडे भवइ से णं असोच्चा केवलिस्स वा जाव तप्पकिखियउवासियाए वा केवलिपण्णतं धम्मं लभेज सवणयाए, जस्स णं नाणावरणिज्ञाणं कम्माणं खओवसमे नो कडे भवइ से णं असोच्चा केवलिस्स वा जाव तप्पकिखियउवासियाए वा केवलिपण्णतं धम्मं नो लभेज सवणयाए, से तेणद्वेण गोयमा ! एवं वुच्वइ-तं चेव जाव नो लभेज सवणयाए । ३ (१) असोच्चा णं भंते ! केवलिस्स वा जाव तप्पकिखियउवासियाए वा केवलं बोहिं बुज्झेज्जा ? गोयमा ! असोच्चा णं केवलिस्स वा जाव अत्थेगतिए केवलं बोहिं बुज्झेज्जा, अत्थेगइए केवलं बोहिं णो बुज्झेज्जा । (२) से केणद्वेण भंते ! जाव नो बुज्झेज्जा ? गोयमा ! जस्स णं दरिसणावरणिज्ञाणं कम्माणं खओवसमे कडे भवइ से णं असोच्चा केवलिस्स वा जाव केवलं बोहिं बुज्झेज्जा, जस्स णं दरिसणावरणिज्ञाणं कम्माणं खओवसमे णो कडे भवइ से णं असोच्चा केवलिस्स वा जाव केवलं बोहिं णो बुज्झेज्जा, से तेणद्वेण जाव णो बुज्झेज्जा । ४. (१) असोच्चा णं भंते ! केवलिस्स वा जाव तप्पकिखियउवासियाए वा केवलं मुँडे भविता अगाराओ अणगारियं पव्वएज्जा ? गोयमा ! असोच्चा णं केवलिस्स वा जाव उवासियाए वा अत्थेगतिए केवलं मुँडे भविता अगाराओ अणगारियं पव्वइज्जा, अत्थेगतिए केवलं मुँडे भविता अगाराओ अणगारियं नो पव्वएज्जा । (२) से केणद्वेण जाव नो पव्वएज्जा ? गोयमा !

जस्स णं धम्मंतराइयाणं खओवसमे कडे भवति से णं असोच्चा केवलिस्स वा जाव केवलं मुंडे भवित्ता अगाराओ अणगारियं पव्वएज्जा, जस्स णं धम्मंतराइयाणं कम्माणं खओवसमे नो कडे भवति से णं असोच्चा केवलिस्स वा जाव मुंडे भवित्ता जाव णो पव्वएज्जा, से तेणद्वेणं गोयमा ! जाव नो पव्वएज्जा । ५. (१) असोच्चा णं भंते ! केवलिस्स वा जाव उवासियाए वा केवलं बंभचेरवासं आवसेज्जा ? गोयमा ! असोच्चा णं केवलिस्स वा जाव उवासियाए वा अथेगतिए केवलं बंभचेरवासं आवसेज्जा, अथेगतिए केवलं बंभचेरवासं नो आवसेज्जा । (२) से केणद्वेणं भंते ! एवं वुच्छइ जाव नो आवसेज्जा ? गोयमा ! जस्स णं चरित्तावरणिज्जाणं कम्माणं खओवसमे कडे भवइ से णं असोच्चा केवलिस्स वा जाव नो आवसेज्जा, से तेणद्वेणं जाव नो आवसेज्जा । ६. (१) असोच्चा णं ! केवलिस्स वा जाव केवलेणं संजमेणं संजमेज्जा ? गोयमा ! असोच्चा णं केवलिस्स जाव उवासियाए वा जाव अथेगतिए केवलेणं संजमेणं संजमेज्जा, अथेगतिए केवलेणं संजमेणं नो संजमेज्जा । (२) से केणद्वेणं जाव नो संजमेज्जा ? गोयमा ! जस्स णं जयणावरणिज्जाणं कम्माणं खओवसमे कडे भवइ से णं असोच्चा केवलिस्स वा जाव नो संजमेज्जा, से तेणद्वेणं गोयमा ! जाव अथेगतिए नो संजमेज्जा । ७. (१) असोच्चा णं भंते ! केवलिस्स वा जाव उवासियाए वा केवलेणं संवरेणं संवरेज्जा गोयमा ! असोच्चा णं केवलिस्स जाव अथेगतिए केवलेणं संवरेणं संवरेज्जा, अथेगतिए केवलेणं जाव नो संवरेज्जा । (२) से केणद्वेणं जाव नो संवरेज्जा ? गोयमा ! जस्स णं अज्ञवसाणावरणिज्जाणं कम्माणं खओवसमे कडे भवइ से णं असोच्चा केवलिस्स वा जाव नो संवरेज्जा, से तेणद्वेणं जाव नो संवरेज्जा । ८. (१) असोच्चा णं भंते ! केवलिस्स जाव केवलं आभिणिबोहियनाणं उप्पाडेज्जा ? गोयमा ! असोच्चा णं केवलिस्स वा जाव उवासियाए वा अथेगतिए केवलं आभिणिबोहियनाणं उप्पाडेज्जा, अथेगइए केवलं आभिणिबोहियनाणं नो उप्पाडेज्जा । (२) से केणद्वेणं जाव नो उप्पाडेज्जा ? गोयमा ! जस्स णं आभिणिबोहियनाणावरणिज्जाणं कम्माणं खओवसमे कडे भवइ से णं असोच्चा केवलिस्स वा जाव केवलं आभिणिबोहियनाणं उप्पाडेज्जा, से तेणद्वेणं जाव नो उप्पाडेज्जा । ९. असोच्चा णं भंते ! केवलि० जाव केवलं सुयनाणं उप्पाडेज्जा ? एवं जहा आभिणिबोहियनाणस्स वत्तव्या भणिया तहा सुयनाणस्स वि भाणियब्बा, नवरं सुयनाणावरणिज्जाणं कम्माणं खओवसमे भाणियब्बे । १०. एवं चेव केवलं ओहिनाणं भाणियब्बं; नवरं ओहिणाणावरणिज्जाणं कम्माणं खओवसमे भाणियब्बे । ११. एवं केवलं मणपञ्जवनाणं उप्पाडेज्जा, नवरं मणपञ्जवणाणावरणिज्जाणं कम्माणं खओवसमे भाणियब्बे । १२. असोच्चा णं भंते ! केवलिस्स वा जाव तप्पकिखयउवासियाए वा केवलनाणं उप्पाडेज्जा ? एवं चेव, नवरं केवलनाणावरणिज्जाणं कम्माणं खए भाणियब्बे, सेसं तं चेव । से तेणद्वेणं गोयमा ! एवं वुच्छइ जाव केवलनाणं उप्पाडेज्जा । [सु. १३. बिइयसुत्ताइबारसमसुत्तपञ्जंतवत्तव्याए समुच्चएणं पर्लवणा] १३. (१) असोच्चा णं भंते ! केवलिस्स वा जाव तप्पकिखयउवासियाए वा केवलिपन्नतं धम्मं लभेजा सवणयाए १ ?, केवलं बोहिं बुज्झेज्जा २ ?, केवलं मुंडे भवित्ता अगाराओ अणगारियं पव्वएज्जा ३ ?, केवलं बंभचेरवासं आवसेज्जा ४ ?, केवलेणं संजमेणं संजमेज्जा ५ ?, केवलेणं संवरेणं संवरेज्जा ६ ?, केवलं आभिणिबोहियनाणं उप्पाडेज्जा ७ ?, जाव केवलं मणपञ्जवनाणं उप्पाडेज्जा १० ?, केवलनाणं उप्पाडेज्जा ११ ?, गोयमा ! असोच्चा णं केवलिस्स वा जाव उवासियाए वा अथेगतिए केवलिपन्नतं धम्मं लभेजा सवणयाए, अथेगतिए केवलिपन्नतं धम्मं नो लभेजा सवणयाए १; अथेगतिए केवलं बोहिं बुज्झेज्जा, अथेगतिए केवलं बोहिं णो बुज्झेज्जा २; अथेगतिए केवलं मुंडे भवित्ता अगाराओ अणगारियं पव्वएज्जा, अथेगतिए जाव नो पव्वएज्जा ३; अथेगतिए केवलं बंभचेरवासं आवसेज्जा, अथेगतिए केवलं बंभचेरवासं नो आवसेज्जा ४; अथेगतिए केवलेणं संजमेणं संजमेज्जा, अथेगतिए केवलेणं संजमेणं नो संजमेज्जा ५; एवं संवरेण वि ६; अथेगतिए केवलं आभिणिबोहियनाणं उप्पाडेज्जा,

અત્થેગતિએ જાવ નો ઉપ્પાડેજ્જા ૭; એવં જાવ મણપજ્વનાણં ૮-૯-૧૦; અત્થેગતિએ કેવલનાણં ઉપ્પાડેજ્જા, અત્થેગતિએ કેવલનાણં નો ઉપ્પાડેજ્જા ૧૧। (૨) સે કેણદ્રેણ ભંતે ! એવં વુચ્છિ અસોચ્ચા ણં તં ચેવ જાવ અત્થેગતિએ કેવલનાણં નો ઉપ્પાડેજ્જા ? ગોયમા ! જસ્સ ણં નાણાવરણિજ્જાણં કમ્માણં ખાઓવસમે નો કડે ભવિઃ ૧, જસ્સ ણં દરિસણાવરણિજ્જાણં કમ્માણં ખાઓવસમે નો કડે ભવિઃ ૨, જસ્સ ણં ધ્મમંતરાઇયાણં કમ્માણં ખાઓવસમે નો કડે ભવિઃ ૩, એવં ચરિત્તાવરણિજ્જાણં ૪, જયણાવરણિજ્જાણં ૫, અજ્જવસાણવરણિજ્જાણં ૬, આભિણિબોહિયનાણાવરણિજ્જાણં ૭, જાવ મણપજ્વનાણાવરણિજ્જાણં કમ્માણં ખાઓવસમે નો કડે ભવિઃ ૮-૯-૧૦, જસ્સ ણં કેવલનાણાવરણિજ્જાણં જાવ ખાએ નો કડે ભવિઃ ૧૧, સે ણં અસોચ્ચા કેવલિસ્સ વા જાવ કેવલિપન્ત્રત્ત ધ્મમં નો લખેજા સવણયાએ, કેવલં બોહિં નો બુજ્ઝેજા જાવ કેવલનાણાવરણિજ્જાણં નો ઉપ્પાડેજ્જા | જસ્સ ણં નાણાવરણિજ્જાણં કમ્માણં ખાઓવસમે કડે ભવતિ ૧, જસ્સ ણં દરિસણાવરણિજ્જાણં કમ્માણં ખાઓવસમે કડે ભવિઃ ૨, જસ્સ ણં ધ્મમંતરાઇયાણં ૩, એવં જાવ જસ્સ ણં કેવલનાણાવરણિજ્જાણં કમ્માણં ખાએ કડે ભવિઃ ૧૧ સે ણં અસોચ્ચા કેવલિસ્સ વા જાવ કેવલિપન્ત્રત્ત ધ્મમં લખેજા સવણયાએ ૧, કેવલં બોહિં બુજ્ઝેજા ૨, જાવ કેવલનાણં ઉપ્પાડેજ્જા ૧૧ | [સુ. ૧૪-૩૧. અસુયકેવલિઆઇવયણે વિભંગનાણાઓ પત્તાઓહિનાણે લેસાનાણ-જોગ-ઉવાગો-સંઘયણ-સંઠાણ-ઉચ્વત્ત-આઉય-વેદ-કસાય-અજ્જવસાણપરૂવણાપુબ્વ કમેણ કેવલનાણણુપ્તિ-સિજ્જણાઇવત્તવ્યા] ૧૪. તસ્સ ણં છઠુંછઠેણ અનિક્ખિતેણ તવોકમ્મેણ ઉહું બાહ્યાઓ પગિજ્જિય પગિજ્જિય સૂરાભિમુહસ્સ આયાવણભૂમીએ આયાવેમાણસ્સ પગતિભદ્યાએ પગઇઉવસંતયાએ પગતિપયણુકોહ-માણ-માયા-લોભયાએ મિતુમદ્વસંપન્નયાએ અલ્લીણતાએ ભદ્વતાએ વિણીતતાએ અણણયા કયાઇ સુભેણ અજ્જવસાણેણ, સુભેણ પરિણામેણ, લેસસાહિં વિસુજ્જમાણીહિં તયાવરણિજ્જાણં કમ્માણં ખાઓવસમેણ ઈહાપોહ-મગ્ગણ-ગવેસણ કરેમાણસ્સ વિબ્ભંગે નામં અન્નાણે સમુપ્પજિઃ, સે ણં તેણ વિભંગનાણેણ સમુપ્પન્નેણ જહન્નેણ અંગુલસ્સ અસંખેજાઇભાગં, ઉક્કોસેણ અસંખેજાઇ જોયણસહસ્સાં જાણાઇ પાસાં, સે ણં તેણ વિભંગનાણેણ સમુપ્પન્નેણ જીવે વિ જાણાઇ, અર્જીવે વિ જાણાઇ, પાસંડત્યે સારંભે સપરિણહે સંકિલિસ્સમાણે વિ જાણાઇ, વિસુજ્જમાણે વિ જાણાઇ, સે ણં પુબ્વામેવ સમ્મતં પડિવજિઃ, સમ્મતં પડિવજિતા સમણધ્મમં રોએતિ, સમણધ્મમં રોએતા ચરિત્તં પડિવજિઃ, ચરિત્તં પડિવજિતા લિંગં પડિવજિઃ, તસ્સ ણં તેહિં મિચ્છત્તપજવેહિં પરિહાયમાણેહિં, સમ્મદ્વસણપજવેહિં પરિવિદ્ધમાણેહિં પરિવિદ્ધમાણેહિં સે વિબ્ભંગે અન્નાણે સમ્મતપરિણહે ખિપ્પામેવ ઓહિ પરાવત્તિઃ ૧૫. સે ણં ભંતે ! કતિસુ લેસ્સાસુ હોજા ? ગોયમા ! તિસુ વિસુદ્ધલેસ્સાસુ હોજા, તં જહા— તેઉલેસ્સાએ પમ્હલેસ્સાએ સુક્કલેસ્સાએ ૧૬. સે ણં ભંતે ! કતિસુ ણાણેસુ હોજા ? ગોયમા ! તિસુ, આભિણિબોહિયનાણ-સુયનાણ-ઓહિનાણેસુ હોજા ૧૭. (૧) સે ણં ભંતે ! કિં સજોગી હોજા, અજોગી હોજા ? ગોયમા ! સજોગી હોજા, નો અજોગી હોજા ૧૮. (૨) જિ સજોગી હોજા કિં મણજોગી હોજા, વિજોગી હોજા, કાયજોગી હોજા ? ગોયમા ! મણજોગી વા હોજા, વિજોગી વા હોજા, કાયજોગી વા હોજા ૧૯. સે ણં ભંતે ! કયરમ્મિ સંઘયણે હોજા ? ગોયમા ! વિશ્રોસભનારાયસંઘયણે હોજા ૨૦. સે ણં ભંતે ! કયરમ્મિ સંઠાણે હોજા ? ગોયમા ! છણહં સંઠાણાણં અન્નયરે સંઠાણે હોજા ૨૧. સે ણં ભંતે ! કયરમ્મિ ઉચ્વતે હોજા ? ગોયમા ! જહન્નેણ સત્ત રયણી, ઉક્કોસેણ પંચધણસત્તિએ હોજા ૨૨. સે ણં ભંતે ! કયરમ્મિ આઉએ હોજા ? ગોયમા ! જહન્નેણ સાતિરેગદ્વાવસાઉએ, ઉક્કોસેણ પુબ્વકોડિઆઉએ હોજા ૨૩. (૧) સે ણં ભંતે ! કિં સવેદએ હોજા, અવેદએ હોજા ? ગોયમા ! સવેદએ હોજા, નો અવેદએ હોજા ૨૪. (૨) જિ સવેદએ હોજા કિં ઇથ્થીવેદએ હોજા, પુરિસવેદએ હોજા, નપુંસગવેદએ હોજા, પુરિસનપુંસગવેદએ હોજા ? ગોયમા ! નો ઇથ્થીવેદએ હોજા, પુરિસવેદએ વા હોજા, નો નપુંસગવેદએ હોજા, પુરિસનપુંસગવેદએ વા હોજા ૨૫. (૧) તસ્સ ણં ભંતે ! કેવતિયા અજ્જવસાણા પણન્તા ? ગોયમા ! અસંખેજા અજ્જવસાણા પણન્તા ૨૬. (૨) તે ણં ભંતે ! કિં પસત્થા અપ્પસત્થા ? ગોયમા ! પસત્થા, નો અપ્પસત્થા ૨૭. સે ણં પસત્થેહિં અજ્જવસાણેહિં વિદ્ધમાણે અણંતેહિં નેરિયભવગ્ગહણેહિંતો અપ્પાણ વિસંજોએઃ, શ્રી આગમગુણમંજૂષા - ૩૪૩

अणंतेहिं तिरिक्खजोणिय जाव विसंजोएइ, अणंतेहिं मणुस्सभवग्गहणेहिंतो अप्पाणं विसंजोएइ, अणंतेहिं देवभवग्गहणेहिंतो अप्पाणं विसंजोएइ, जाओ वि य से इमाओ नेरइय-तिरिक्खजोणियमणुस्स-देवगतिनामाओ उत्तरपयडीओ तासिं च णं उवग्गहिए अणंताणुबंधी कोह-माण-माया-लोभे खवेइ, अणंताणुबंधी कोह-माण-माया-लोभे खवित्ता अपच्कखाणकसाए कोह-माण-माया-लोभे खवेइ, अपच्कखाणकसाए कोह-माण-माया-लोभे खवित्ता पच्कखाणावरणे कोह-माण-माया-लोभे खवेइ, पच्कखाणावरणे कोह-माण-माया-लोभे खवित्ता संजलणे कोह-माण-माया-लोभे खवेइ। संजलणे कोह-माण-माया-लोभे खवित्ता पंचविहं नाणावरणिज्जं नवविहं दरिसणावरणिज्जं पंचविहमंतराइयं तालमथकडं च णं मोहणिज्जं कट्टु कम्मरयविकरणकरं अपुव्वकरणं अणुपविद्वस्स अणंते अणुत्तरे निव्वाघाए निरावरणे कसिणे पडिपुण्णे केवलवरनाण-दंसणे समुप्पज्जति। २७. से णं भंते ! केवलिपण्णतं धम्मं आघवेज्जा वा पण्णवेज्जा वा पर्खवेज्जा वा ? नो इणड्हे समड्हे, णऽन्नत्थ एगणाएण वा एगवागरणेण वा। २८. से णं भंते ! पव्वावेज्जा वा मुंडावेज्जा वा ? णो इणड्हे समड्हे, उवदेसं पुण करेज्जा। २९. से णं भंते ! सिज्जति जाव अंतं करेति ? हंता, सिज्जति जाव अंतं करेति। ३०. से णं भंते ! किं उहुं होज्जा अहो होज्जा, तिरियं होज्जा ? गोयमा ! उहुं वा होज्जा, अहो वा होज्जा, तिरियं वा होज्जा। उहुं होमाणे सद्वावइ-वियडावइ-गंधावइ-मालवंतपरियाएसु वट्वेयहुपव्वएसु होज्जा, साहरणं पडुच्च सोमणसवणे वा पंडगवणे वा होज्जा। अहो होमाणे गङ्गाए वा दरीए वा होज्जा, साहरणं पडुच्च पायाले वा भवणे वा होज्जा। तिरियं होमाणे पण्णरससु कम्मभूमीसु होज्जा, साहरणं पडुच्च अङ्गाइज्जदीव -समुद्रतदेक्कदेसभाए होज्जा। ३१. ते णं भंते ! एगसमएणं केवतिया होज्जा ? गोयमा ! जहन्नेणं एक्को वा दो वा तिन्नि वा, उक्कोसेणं दस। से तेणड्हेणं गोयमा ! एवं वुच्छइ ‘असोच्चा णं केवलिस्स वा जाव अत्थेगतिए केवलिपण्णतं धम्मं लभेज्जा सवणयाए, अत्थेगतिए असोच्चा णं केवलि जाव नोलभेज्जा सवणयाए जाव अत्थेगतिए केवलनाणं उप्पाडेज्जा, अत्थेगतिए केवलनाणं नो उप्पाडेज्जा। [सु. ३२. बितियसुत्ताइतेरसमसुत्तपञ्जंतगय ‘असोच्चा’ पदपर्खवियवत्तव्वयाठाणे ‘सोच्चा’ पदपुव्विया वत्तव्वया] ३२. सोच्चा णं भंते ! केवलिस्स वा जाव तप्पकिखयउवासियाए वा केवलिपण्णतं धम्मं लभेज्जा सवणयाए ? गोयमा ! सोच्चा णं केवलिस्स वा जाव अत्थेगतिए केवलिपण्णतं धम्मं०। एवं जा चेव असोच्चाए वत्तव्वया सा चेव सोच्चाए वि भाणियव्वा, नवरं अभिलावो सोच्चेति। सेसं तं चेव निरक्षेसं जाव ‘जस्स णं मणपञ्जवनाणावरणिज्जाणं कम्माणं खओवसमे कडे भवइ, जस्स णं केवलनाणावरणिज्जाणं कम्माणं खए कडे भवइ से णं सोच्चा केवलिस्स वा जाव उवासियाए वा केवलिपण्णतं धम्मं लभिज्ज सवणयाए, केवलं बोहिं बुज्जेज्जा जाव केवलनाणं उप्पाडेज्जा (सु. १३ (२))। [सु. ३३-४४. सुयकेवलिआइवयणे ओहिनाणिम्मि चोद्दसमाइगतीसिमसुत्तगयवत्तव्वया] ३३. तस्स णं अद्वमंअद्वमेणं अनिकिखतेणं तवोकम्मेणं अप्पाणं भावेमाणस्स पगिभद्दयाए तहेव जाव गवेसणं करेमाणस्स ओहिणाणे समुप्पज्जइ। से णं तेणं ओहिनाणेणं समुप्पन्नेणं जहन्नेणं अंगुलस्स असंखिज्जइभागं, उक्कोसेणं असंखिज्जाइ अलोए लोयप्पमाणमेत्ताइं खंडाइं जाणइ पासइ। ३४. से णं भंते ! कतिसु लेस्सासु होज्जा ? गोयमा ! छसु लेस्सासु होज्जा, तं जहा— कण्हलेसाए जाव सुक्ललेसाए। ३५. से णं भंते ! कतिसु णाणेसु होज्जा ? गोयमा ! तिसु वा चउसु वा होज्जा। तिसु होज्जमाणे आभिणिबोहियनाण-सुयनाण-ओहिनाणेसु होज्जा, चउसु होज्जमाणे आभिणिबोहियनाण-सुयनाण-ओहिनाण-मणपञ्जवनाणेसु होज्जा। ३६. से णं भंते ! किं सजोगी होज्जा, अजोगी होज्जा ? एवं जोगो उवओगो संघयणं संठाणं उच्चतं आउयं च एयाणि सव्वाणि जहा असोच्चाए (सु. १७-२२) तहेव भाणियव्वाणि। ३७. (१) से णं भंते ! किं सवेदए० पुच्छा। गोयमा ! सवेदए वा होज्जा, अवेदए वा होज्जा। (२) जइ अवेदए होज्जा किं उवसंतवेयए होज्जा, खीणवेयण होज्जा ? गोयमा ! नो उवसंतवेदए होज्जा, खीणवेदए होज्जा। (३) जइ सवेदए होज्जा किं इत्थीवेदए होज्जा० पुच्छा। गोयमा ! इत्थीवेदए वा होज्जा, पुरिसवेदए वा होज्जा, पुरिसनपुंसगवेदए वा होज्जा। ३८. (१) से णं भंते ! सकसाई होज्जा ? अकसाई होज्जा ? गोयमा ! सकसाई वा होज्जा, अकसाई वा होज्जा। (२) जइ अकसाई होज्जा किं उवसंतकसाई होज्जा, खीणकसाई होज्जा ? गोयमा ! नो उवसंतकसाई होज्जा, खीणकसाई होज्जा। (३) जइ सकसाई होज्जा से णं भंते ! कतिसु कसाएसु होज्जा ? गोयमा ! चउसु वा, तिसु वा, दोसु वा, एक्कम्मि वा होज्जा। चउसु होज्जमाणे चउसु संजलणकोह-माण-माया-

લોમેસુ હોજા, તિસુ હોજમાણે તિસુ સંજલણમાણ-માયા-લોમેસુ હોજા, દોસુ હોજમાણે દોસુ સંજલણમાયા-લોમેસુ હોજા, એગમ્મિ હોજમાણે એગમ્મિ સંજલણે લોમે હોજા । ૩૯. તસ્સ ણં ભંતે ! કેવતિયા અજ્ઞવસાણા પણ્ણત્તા ? ગોયમા ! અસંખેજા, એવં જહા અસોચ્ચાએ (સુ. ૨૫-૨૬) તહેવ જાવ કેવલવરનાણ-દંસણે સમુપ્પજડ (સુ. ૨૬) । ૪૦. સે ણં ભંતે ! કેવલિપણ્ણત્તાં ધ્રમ્મં આઘવિજ્જા વા, પણ્ણવેજ્જા વા, પરૂવિજ્જા વા ? હંતા, આઘવિજ્જ વા, પણ્ણવેજ વા, પરૂવેજ વા । ૪૧. (૧) સે ણં ભંતે ! પવ્વાવેજ વા મુંડાવેજ વા ? હંતા, ગોયમા ! પવ્વાવેજ વા, મુંડાવેજ વા । (૨) તસ્સ ણં ભંતે ! સિસ્સા વિ પવ્વાવેજ વા, મુંડાવેજ વા ? હંતા, પવ્વાવેજ વા મુંડાવેજ વા । (૩) તસ્સ ણં ભંતે ! પસિસ્સા વિ પવ્વાવેજ વા મુંડાવેજ વા ? હંતા, પવ્વાવેજ વા મુંડાવેજ વા । ૪૨. (૧) સે ણં ભંતે ! સિજ્જંતિ બુજ્જંતિ જાવ અંતં કરેઝ ? હંતા, સિજ્જંઝ જાવ અંતં કરેઝ । (૨) તસ્સ ણં ભંતે ! સિસ્સા વિ સિજ્જંતિ જાવ અંતં કરેંતિ ? હંતા, સિજ્જંતિ જાવ અંતં કરેંતિ । (૩) તસ્સ ણં ભંતે ! પરિસ્સા વિ સિજ્જંતિ જાવ અંતં કરેંતિ ? એવં ચેવ જાવ અંતં કરેંતિ । ૪૩. સે ણં ભંતે ! કિં ઉહું હોજા ? જહેવ અસોચ્ચાએ (સુ. ૩૦) જાવ તદેકદેસભાએ હોજા । ૪૪. તે ણં ભંતે ! એગસમણેણ કેવતિયા હોજા ? ગોયમા ! જહૈનેણ એક્કો વા દો વા તિણિ વા, ઉક્કોસેણ અદૃસયં - ૧૦૮ । સે તેણદ્વેણ ગોયમા ! એવં વુચ્છિ - સોચ્ચા ણં કેવલિસ્સ વા જાવ કેવલિઉવાસિયાએ વા જાવ અથ્યેગતિએ કેવલનાણં ઉપ્પાડેજા, અથ્યેગતિએ કેવલનાણં નો ઉપ્પાડેજા । સેવં ભંતે ! સેવં ભંતે ! તિ જાવ વિહરઝ । ★★☆ નવમસયસ્સ ઝગતીસઝાઓ ઉદ્દેસો ॥૯.૩૯ ॥ બત્તીસઝમો ઉદ્દેસો ‘ગંગેય’★☆☆ [સુ. ૧-૨. બત્તીસઝમુદ્દેસસ્સસુવુગ્ધાઓ] ૧. તેણં કાલેણં તેણં સમણેણ વાણિયગામે નગરે હોત્થા | વણાઓ | દૂતિપલાસે ચેઝાએ | સામી સમોસઢે | પરિસા નિણયા | ધ્રમ્મો કહિઓ | પરિસા પંડિગયા | ૨. તેણં કાલેણં તેણં સમણેણ પાસાવચ્છિજે ગંગેએ નામં અણગારે જેણેવ સમણે ભગવં મહાવીરે તેણેવ ઉવાગચ્છિઝ, તેણેવ ઉવાગચ્છિત્તા સમણસ્સ ભગવાઓ મહાવીરસ્સ અદૂરસામંતે ઠિચ્છા સમણં ભગવં મહાવીરં એવં વયાસી— [સુ. ૩-૫૫. પાસાવચ્છિજંગંગેયઅણગારસ્સ પુચ્છાઓ ભગવાઓ સમાહાણં ચ] [સુ. ૩-૧૩. ચારુવીસદંદંદસુ સંતર - નિરતરોવવાય - ઉબ્બદૂણપરૂવણા] ૩. સંતરં ભંતે ! નેરઝયા ઉવવજંતિ, નિરંતરં નેરઝયા ઉવવજંતિ ? ગંગેયા ! સંતરં પિ નેરઝયા ઉવવજંતિ, નિરંતરં પિ નેરઝયા ઉવવજંતિ । ૪. (૧) સંતરં ભંતે ! અસુરકુમારા ઉવવજંતિ, નિરંતરં અસુરકુમારા ઉવવજંતિ ? ગંગેયા ! સંતરં પિ અસુરકુમારા ઉવવજંતિ, નિરંતરં પિ અસુરકુમારા ઉવવજંતિ । (૨) એવં જાવ થણિયકુમારા । ૫. (૧) સંતરં ભંતે ! પુઢવિકાઇયા ઉવવજંતિ, નિરંતરં પુઢવિકાઇયા ઉવવજંતિ ? ગંગેયા ! નો સંતરં પુઢવિકાઇયા ઉવવજંતિ, નિરંતરં પુઢવિકાઇયા ઉવવજંતિ । (૨) એવં જાવ વણસ્સઝકાઇયા । ૬. વેઝંદિયા જાવ વેમાણિયા, એતે જહા ણેરઝયા । ૭. સંતરં ભંતે ! નેરઝયા ઉબ્બદૂંતિ, નિરંતરં નેરઝયા ઉબ્બદૂંતિ ? ગંગેયા ! સંતરં પિ નેરઝયા ઉબ્બદૂંતિ, નિરંતરં પિ નેરઝયા ઉબ્બદૂંતિ । ૮. એવં જાવ થણિયકુમારા । ૯. (૧) સંતરં ભંતે ! પુઢવિકાઇયા ઉબ્બદૂંતિ૦ ? પુચ્છા | ગંગેયા ! ણો સંતરં પુઢવિકાઇયા ઉબ્બદૂંતિ નિરંતરં પુઢવિકાઇયા ઉબ્બદૂંતિ । (૨) એવં જાવ વણસ્સઝકાઇયા નો સંતરં, નિરંતરં ઉબ્બદૂંતિ । ૧૦. સંતરં ભંતે ! બેઝંદિયા ઉબ્બદૂંતિ, નિરંતરં બેંદિયા ઉબ્બદૂંતિ ? ગંગેયા ! સંતરં પિ બેઝંદિયા ચયંતિ, નિરંતરં પિ બેઝંદિયા ચયંતિ । ૧૧. એવં જાવ વાણમંતરા । ૧૨. સંતરં ભંતે ! જોઝસિયા ચયંતિ૦ ? પુચ્છા | ગંગેયા ! સંતરં પિ જોઝસિયા ચયંતિ, નિરંતરં પિ જોઝસિયા ચયંતિ । ૧૩. એવં જાવ વેમાણિયા વિ । [સુ. ૧૪. પવેસણગસ્સ ભેયચઉક્કં] ૧૪. કઝવિહે ણં ભંતે ! પવેસણએ પણણતે ? ગંગેયા ! ચારુવિહે પવેસણએ પણણતે, તં જહા—નેરઝયપવેસણએ તિરિક્ખબોળિયપવેસણએ મળુસ્સપવેસણએ દેવપવેસણએ । [સુ. ૧૫-૨૯. નેરઝયપવેસણપરૂવણા] [સુ. ૧૫. નેરઝયપવેસણગસ્સ સત્ત ભેયા] ૧૫. નેરઝયપવેસણએ ણં ભંતે ! કઝવિહે પણણતે ? ગંગેયા ! સત્તવિહે પન્નતે, તં જહા— રયણપ્પભાપુઢવિનેરઝયપવેસણએ જાવ અહેસત્તમાપુઢવિનેરઝય પવેસણએ । [સુ. ૧૬-૨૭. નેરઝયપવેસણએ પવિસમાણાણં એગાદિઅસંખેજાણ નેરઝયાણં સત્ત નરયપુઢવિં પડુછ વિન્થરાઓ ભંગપરૂવણા ૧૬. એગે ભંતે ! નેરઝય નેરઝયપવેસણએ ણં પવિસમાણે કિં રયણપ્પભાએ હોજા, સક્રાપ્પભાએ હોજા, જાવ અહેસત્તમાએ હોજા ? ગંગેયા ! રયણપ્પભાએ વા હોજા જાવ અહેસત્તમાએ વા હોજા । ૧૭. દોભંતે ! નેરઝય નેરઝયપવેસણએ ણં પવિસમાણે કિં રયણપ્પભાએ હોજા જાવ અહેસત્તમાએ હોજા ? ગંગેયા ! રયણપ્પભાએ વા હોજા

જાવ અહેસત્તમાએ વા હોજા । ૭। અહવા એગે રયણપ્પભાએ હુજા, એગે સક્રરપ્પભાએ હોજા ૧। અહવા એગે રયણપ્પભાએ, એગે વાલુયપ્પભાએ હોજા ૨। જાવ એગે રયણપ્પભાએ, એગે અહેસત્તમાએ હોજા, ૩-૪-૫-૬। અહવા એગે સક્રરપ્પભાએ એગે વાલુયપ્પભાએ હોજા ૭। જાવ અહવા એગે સક્રરપ્પભાએ, એગે અહેસત્તમાએ હોજા, ૮-૯-૧૦-૧૧। અહવા એગે વાલુયપ્પભાએ, એગે પંકપ્પભાએ હોજા ૧૨। એવં જાવ અહવા એગે વાલુયપ્પભાએ, એગે અહેસત્તમાએ હોજા, ૧૩-૧૪=૧૫। એવં એકેકા પુઢવી છુંદેયવા જાવ અહવા એગે તમાએ, એગે અહેસત્તમાએ હોજા, ૧૬-૧૭-૧૮-૧૯-૨૦-૨૧। ૧૮. તિણિ ભંતે ! નેરઝ્યા નેરઝ્યપવેસણએ નં પવિસમાણા કિં રયણપ્પભાએ હોજા જાવ અહેસત્તમાએ હોજા ? ગંગેયા ! રયણપ્પભાએ વા હોજા જાવ અહેસત્તમાએ વા હોજા । ૭। અહવા એગે રયણપ્પભાએ, દો સક્રરપ્પભાએ હોજા, ૧। જાવ અહવા એગે રયણપ્પભાએ, દો અહેસત્તમાએ હોજા, ૨-૩-૪-૫-૬। અહવા દો રયણપ્પભાએ, એગે સક્રરપ્પભાએ હોજા ૧। જાવ અહવા દો રયણપ્પભાએ, એગે અહેસત્તમાએ હોજા, ૨-૩-૪-૫=૧૭। અહવા એગે સક્રરપ્પભાએ, દો વાલુયપ્પભાએ હોજા ૧। જાવ અહવા એગે સક્રરપ્પભાએ, દો અહેસત્તમાએ હોજા, ૨-૩-૪-૫=૨૨। એવં જહા સક્રરપ્પભાએ વત્તવ્યાભણિયા તહા સબ્વપુઢવીણ ભાણિયવા, જાવ અહવા દો તમાએ, એગે અહેસત્તમાએ હોજા । ૪-૪, ૩-૩, ૨-૨, ૧-૧, =૪૨। અહવા એગે રયણપ્પભાએ, એગે સક્રરપ્પભાએ, એગે વાલુયપ્પભાએ હોજા ૧। અહવા એગે રયણપ્પભાએ, એગે સક્રરપ્પભાએ, એગે પંકપ્પભાએ હોજા ૨। જાવ અહવા એગે રયણપ્પભાએ, એગે સક્રરપ્પભાએ, એગે અહેસત્તમાએ હોજા ૩-૪-૫। અહવા એગે રયણપ્પભાએ, એગે વાલુયપ્પભાએ, એગે પંકપ્પભાએ હોજા ૬। અહવા એગે રયણપ્પભાએ, એગે વાલુયપ્પભાએ, એગે ધૂમપ્પભાએ હોજા ૭। એવં જાવ અહવા એગે રયણપ્પભાએ, એગે વાલુયપ્પભાએ, એગે અહેસત્તમાએ હોજા ૮-૯। અહવા એગે રયણપ્પભાએ, એગે પંકપ્પભાએ, એગે ધૂમપ્પભાએ હોજા ૧૦। જાવ અહવા એગે રયણપ્પભાએ, એગે પંકપ્પભાએ, એગે અહેસત્તમાએ હોજા, ૧૧-૧૨। અહવા એગે રયણપ્પભાએ, એગે ધૂમપ્પભાએ, એગે તમાએ હોજા ૧૩। અહવા એગે રયણપ્પભાએ, એગે ધૂમપ્પભાએ, એગે અહેસત્તમાએ હોજા ૧૪। અહવા એગે રયણપ્પભાએ, એગે તમાએ, એગે અહેસત્તમાએ હોજા ૧૫। અહવા એગે સક્રરપ્પભાએ, એગે વાલુયપ્પભાએ, એગે પંકપ્પભાએ હોજા ૧૬। અહવા એગે સક્રરપ્પભાએ, એગે વાલુયપ્પભાએ, એગે ધૂમપ્પભાએ હોજા ૧૭। જાવ અહવા એગે સક્રરપ્પભાએ, એગે અહેસત્તમાએ હોજા, ૧૮-૧૯। અહવા એગે સક્રરપ્પભાએ, એગે પંકપ્પભાએ, એગે ધૂમપ્પભાએ હોજા ૨૦। જાવ અહવા એગે સક્રરપ્પભાએ, એગે પંકપ્પભાએ, એગે અહેસત્તમાએ હોજા, ૨૧-૨૨। અહવા એગે સક્રરપ્પભાએ, એગે ધૂમપ્પભાએ, એગે તમાએ હોજા ૨૩। અહવા એગે સક્રરપ્પભાએ, એગે ધૂમપ્પભાએ, એગે અહેસત્તમાએ હોજા ૨૪। અહવા એગે સક્રરપ્પભાએ, એગે તમાએ, એગે અહેસત્તમાએ હોજા ૨૫। અહવા એગે વાલુયપ્પભાએ, એગે પંકપ્પભાએ એગે ધૂમપ્પભાએ હોજા ૨૬। અહવા એગે વાલુયપ્પભાએ, એગે પંકપ્પભાએ એગે તમાએ હોજા ૨૭। અહવા એગે વાલુયપ્પભાએ, એગે પંકપ્પભાએ એગે અહેસત્તમાએ હોજા ૨૮। અહવા એગે વાલુયપ્પભાએ, એગે ધૂમપ્પભાએ, એગે તમાએ હોજા ૨૯। અહવા એગે વાલુયપ્પભાએ, એગે ધૂમપ્પભાએ, એગે અહેસત્તમાએ હોજા ૩૦। અહવા એગે વાલુયપ્પભાએ, એગે તમાએ, એગે અહેસત્તમાએ હોજા ૩૧। અહવા એગે પંકપ્પભાએ, એગે ધૂમપ્પભાએ, એગે તમાએ હોજા ૩૨। અહવા એગે પંકપ્પભાએ, એગે ધૂમપ્પભાએ, એગે અહેસત્તમાએ હોજા ૩૩। અહવા એગે પંકપ્પભાએ, એગે તમાએ, એગે અહેસત્તમાએ હોજા ૩૪। અહવા એગે ધૂમપ્પભાએ, એગે તમાએ, એગે અહેસત્તમાએ હોજા ૩૫। ૮૪। ૧૯. ચત્તારિ ભંતે ! નેરઝ્યા નેરઝ્યપવેસણએ નં પવિસમાણા કિં રયણપ્પભાએ હોજા૦ ? પુચ્છા। ગંગેયા ! રયણપ્પભાએ વા હોજા જાવ અહેસત્તમાએ વા હોજા ૭। અહવા એગે રયણપ્પભાએ, તિણિ સક્રરપ્પભાએ હોજા ૧। અહવા એગે રયણપ્પભાએ, તિણિ વાલુયપ્પભાએ હોજા ૨। એવં જાવ અહવા એગે રયણપ્પભાએ, તિણિ અહેસત્તમાએ હોજા ૩-૬। અહવા દો રયણપ્પભાએ, દો સક્રરપ્પભાએ હોજા ૧, એવં જાવ અહવા દો રયણપ્પભાએ, દો અહેસત્તમાએ હોજા ૨-૬=૧૨। અહવા તિણિ રયણપ્પભાએ, એગે સક્રરપ્પભાએ હોજા ૧। એવં જાવ અહવા તિણિ રયણપ્પભાએ, એગે અહેસત્તમાએ હોજા ૨-૬=૧૮। અહવા એગે સક્રરપ્પભાએ, તિણિ વાલુયપ્પભાએ હોજા ૧, એવં જહેવ રયણપ્પભાએ ઉવરિમાહિં સમં ચારિયં તહા રયણપ્પભાએ વિ ઉવરિમાહિં સમં ચારિયવં ૧-૧૫=૩૩। એવં એકેકાએ સમં ચારેયવં જાવ અહવા તિણિ તમાએ, એગે અહેસત્તમાએ હોજા ૧૫-૧૫=૬૩। અહવા એગે





હોજા ૧ | અહવા એગે રયણપ્પભાએ, પંચ વાલુયપ્પભાએ વા હોજા ૨ | જાવ અહવા એગે રયણપ્પભાએ, પંચ અહેસત્તમાએ હોજા ૬ | અહવા દો રયણપ્પભાએ, ચત્તારિ સક્રરપ્પભાએ હોજા ૧-૭ | જાવ અહવા દો રયણપ્પભાએ, ચત્તારિ અહેસત્તમાએ હોજા ૬-૧૨ | અહવા તિણિ રયણપ્પભાએ, તિણિ સક્રરપ્પભાએ ૧-૧૩ | એવં એણં કમેણ જહા પંચણં દુયાસંજોગો તહા છણ વિ ભાણિયવ્વો, નવરં એકો અબ્ધહિઓ સંચારેયવ્વો જાવ અહવા પંચ તમાએ એગે અહેસત્તમાએ હોજા ૧૦૫ | અહવા એગે રયણપ્પભાએ, એગે સક્રરપ્પભાએ, ચત્તારિવાલુયપ્પભાએ હોજા ૧ | અહવા એગે રયણપ્પભાએ, એગે સક્રરપ્પભાએ, ચત્તારિ પંકપ્પભાએ હોજા ૨ | એવં જાવ અહવા એગે રયણપ્પભાએ એગે સક્રરપ્પભાએ ચત્તારિ અહેસત્તમાએ હોજા ૫ | અહવા એગે રયણપ્પભાએ, દો સક્રરપ્પભાએ, તિણિ વાલુયપ્પભાએ હોજા ૬ | એવં એણં કમેણ જહા પંચણં તિયાસંજોગો ભણિઓ તહા છણ વિ ભાણિયવ્વો, નવરં એકો અબ્ધહિઓ ઉચ્ચારેયવ્વો, સેસં તં ચેવ | ૩૫૦ | ચઉક્સંજોગો વિ તહેવ, નવરં એકો અબ્ધહિઓ સંચારેયવ્વો જાવ પચ્છિમો ભંગો -અહવા દો વાલુયપ્પભાએ, એગે પંકપ્પભાએ, એગે ધૂમપ્પભાએ, એગે તમાએ, એગે અહેસત્તમાએ હોજા ૧૦૫ | અહવા એગે રયણપ્પભાએ એગે સક્રરપ્પભાએ જાવ એગે તમાએ હોજા ૧, અહવા એગે રયણપ્પભાએ જાવ એગે ધૂમપ્પભાએ એગે અહેસત્તમાએ હોજા ૨, અહવા એગે રયણપ્પભાએ જાવ એગે પંકપ્પભાએ એગે તમાએ એગે અહેસત્તમાએ હોજા ૩, અહવા એગે રયણપ્પભાએ જાવ એગે વાલુયપ્પભાએ એગે ધૂમપ્પભાએ જાવ એગે અહેસત્તમાએ હોજા ૪, અહવા એગે રયણપ્પભાએ એગે સક્રરપ્પભાએ એગે પંકપ્પભાએ જાવ એગે અહેસત્તમાએ હોજા ૫, અહવા એગે રયણપ્પભાએ એગે વાલુયપ્પભાએ જાવ એગે અહેસત્તમાએ હોજા ૬, અહવા એગે સક્રરપ્પભાએ એગે વાલુયપ્પભાએ જાવ એગે અહેસત્તમાએ હોજા ૭ | ૧૨૮ | ૨૨. સત્ત ભંતે ! નેરઝ્યા નેરઝ્યપવેસણે ણ પવિસમાણો પુચ્છા | ગંગેયા ! રયણપ્પભાએ વા હોજા જાવ અહેસત્તમાએ વા હોજા ૭ | અહવા એગે રયણપ્પભાએ, છ સક્રરપ્પભાએ હોજા | એવં એણં કમેણ જહા છણં દુયાસંજોગો તહા સત્તણ વિ ભાણિયવ્વં નવરં એગો અબ્ધહિઓ સંચારિજ્જિઃ | સેસં તં ચેવ | તિયાસંજોગો, ચઉક્સંજોગો, પંચસંજોગો, છક્સંજોગો ય છણં જહા તહા સત્તણ વિ ભાણિયવ્વો, નવરં એકેકો અબ્ધહિઓ સંચારેયવ્વો જાવ છક્કાગસંજોગો | અહવા દો સક્રરપ્પભાએ એગે વાલુયપ્પભાએ જાવ એગે અહેસત્તમાએ હોજા | અહવા એગે રયણપ્પભાએ એગે સક્રરપ્પભાએ જાવ એગે અહેસત્તમાએ હોજા ૧ | ૧૭૧૬ | ૨૩. અદૃ ભંતે ! નેરઝ્યા નેરઝ્યપવેસણે ણ પવિસમાણો પુચ્છા | ગંગેયા ! રયણપ્પભાએ વા હોજા જાવ અહેસત્તમાએ વા હોજા ૭ | અહવા ૧+૭ એગે રયણપ્પભાએ સત્ત સક્રરપ્પભાએ હોજા ૧ | એવં દુયાસંજોગો જાવ છક્સંજોગો ય જહા સત્તણ ભણિઓ તહા અદૃણ વિ ભાણિયવ્વો, નવરં એકેકો અબ્ધહિઓ સંચારેયવ્વો | સેસં તં ચેવ જાવ છક્સંજોગસ્સ | અહવા ૩+૧+૧+૧+૧+૧+૧ તિણિ સક્રરપ્પભાએ એગે વાલુયપ્પભાએ જાવ એગે અહેસત્તમાએ હોજા, અહવા એગે રયણપ્પભાએ જાવ એગે તમાએ એગે અહેસત્તમાએ હોજા, એવં સંચારેયવ્વં જાવ અહવા દો રયણપ્પભાએ એગે સક્રરપ્પભાએ જાવ એગે અહેસત્તમાએ હોજા | ૩૦૦૩ | ૨૪. નવ ભંતે ! નેરઝ્યા નેરઝ્યપવેસણે ણ પવિસમાણો પુચ્છા | ગંગેયા ! રયણપ્પભાએ વા હોજા જાવ અહેસત્તમાએ વા હોજા ૭ | અહવા ૧-૮ એગે રયણપ્પભાએ અદૃ સક્રરપ્પભાએ હોજા | એવં દુયાસંજોગો જાવ સત્તગસંજોગો ય | જહા અદૃણ ભણિયં તહા નવણ પિ ભાણિયવ્વં, નવરં એકેકો અબ્ધહિઓ સંચારેયવ્વો, સેસં તં ચેવ | પચ્છિમો આલાવગો -અહવા તિણિ રયણપ્પભાએ એગે સક્રરપ્પભાએ એગે વાલુયપ્પભાએ જાવ એગે અહેસત્તમાએ વા હોજા | ૫૦૦૫ | ૨૫. દસ ભંતે ! નેરઝ્યા નેરઝ્યપવેસણે ણ પવિસમાણો પુચ્છા | ગંગેયા ! રયણપ્પભાએ હોજા જાવ અહેસત્તમાએવા વા હોજા ૭ | અહવા ૧+૧ એગે રયણપ્પભાએ, નવ સક્રરપ્પભાએ હોજા એવં દુયાસંજોગો જાવ સત્તસંજોગો ય જહા નવણ, નવરં એકેકો અબ્ધહિઓ સંચારેયવ્વો | સેસં તં ચેવ | અપચ્છિમઆલાવગો-અહવા ૪+૧+૧+૧+૧+૧+૧, ચત્તારિ રયણપ્પભાએ, એગે સક્રરપ્પભાએ જાવ એગે અહેસત્તમાએ હોજા | ૮૦૦૮ | ૨૬. સંખેજા ભંતે ! નેરઝ્યા નેરઝ્યપવેસણે ણ પવિસમાણો પુચ્છા | ગંગેયા ! રયણપ્પભાએ વા હોજા જાવ અહેસત્તમાએ વા હોજા ૭ | અહવા એગે રયણપ્પભાએ, સંખેજા સક્રરપ્પભાએ હોજા, એવં જાવ અહવા એગે રયણપ્પભાએ, સંખેજા અહેસત્તમાએ હોજા | અહવા દો રયણપ્પભાએ, સંખેજા અહેસત્તમાએ હોજા | અહવા તિણિ રયણપ્પભાએ, સંખેજા સક્રરપ્પભાએ હોજા | એવં એણં કમેણ એકેકો સંચારેયવ્વો જાવ અહવા દસ રયણપ્પભાએ, સંખેજા સક્રરપ્પભાએ હોજા, એવં જાવ અહવા દસ રયણપ્પભાએ, સંખેજા અહેસત્તમાએ હોજા | અહવા સંખેજા રયણપ્પભાએ, સંખેજા સક્રરપ્પભાએ

होजा; जाव अहवा संखेजा रयणप्पभाए, संखेजा अहेसत्तमाए होजा। अहवा एगे सक्ररप्पभाए, संखेजा वालुयप्पभाए होजा; एवं जहा रयणप्पभाए उवरिमपुढवीहिं समं चारिया एवं सक्ररप्पभाए वि उवरिमपुढवीहिं समं चारेयवा एवं एकेका पुढवी उवरिमपुढवीहिं समं चारेयवा जाव अहवा संखेजा तमाए, संखेजा अहेसत्तमाए होजा। २३१। अहवा एगे रयणप्पभाए, एगे सक्रर०, संखेजा वालुयप्पभाए होजा। अहवा एगे रयणप्पभाए, एगे सक्ररप्पभाए, संखेजापंकप्पभाए होजा। जाव अहवा एगे रयणप्पभाए, एगे सक्ररप्पभाए, संखेजा अहेसत्तमाए होजा। अहवा एगे रयणप्पभाए, दो सक्ररप्पभाए, संखेजा वालुयप्पभाए होजा। जाव अहवा एगे रयणप्पभाए, दो सक्ररप्पभाए, संखेजा अहेसत्तमाए होजा। अहवा एगे रयणप्पभाए, तिणि सक्ररप्पभाए, संखेजा वालुयप्पभाए होजा। एवं एणं कमेण एकेको संचारेयवो। अहवा एगे रयणप्पभाए, संखेजा सक्ररप्पभाए, संखेजा वालुयप्पभाए होजा; जाव अहवा रयणप्पभाए, संखेजा वालुयप्पभाए, संखेजा अहेसत्तमाए होजा। अहवा दो रयणप्पभाए, संखेजा सक्ररप्पभाए, संखेजा वालुयप्पभाए होजा। जाव अहवा दो रयणप्पभाए, संखेजा सक्ररप्पभाए, संखेजा अहेसत्तमाए होजा। अहवा तिणि रयणप्पभाए, संखेजा सक्ररप्पभाए, संखेजा वालुयप्पभाए होजा। एवं एणं कमेण एकेको रयणप्पभाए संचारेयवो जाय अहवा संखेजा रयणप्पभाए, संखेजा सक्ररप्पभाए, संखेजा वालुयप्पभाए होजा; जाव अहवा संखेजा रयणप्पभाए, संखेजा सक्ररप्पभाए, संखेजा अहेसत्तमाए होजा। अहवा एगे रयणप्पभाए, एगे वालुयप्पभाए, संखेजा पंकप्पभाए होजा; जाव अहवा एगे रयणप्पभाए, एगे वालुयप्पभाए, संखेजा अहेसत्तमाए होजा। अहवा एगे रयणप्पभाए, दो वालुयप्पभाए, संखेजा पंकप्पभाए होजा। एवं एणं कमेण तियासंजोगो चउक्कसंजोगो जाव सत्तगसंजोगो य जहा दसण्हं तहेव भाणियवो। पच्छिमो आलावगो सत्तसंजोगस्स अहवा संखेजा रयणप्पभाए, संखेजा सक्ररप्पभाए, जाव संखेजा अहेसत्तमाए होजा। ३३३७। २७. असंखेजा भंते ! नेरइया नेरइयपवेसणए प० पुच्छा। गंगेया ! रयणप्पभाए वा होजा जाव अहेसत्तमाए वा होजा ७। अहवा एगे रयणप्पभाए, असंखेजा सक्ररप्पभाए होजा। एवं दुयासंजोगो जाव सत्तगसंजोगो य जहा संखिज्जाणं भणिओ तहा असंखेजाण वि भाणियवो, नवरं असंखेजाओ अबभिओ भाणियवो, सेसं तं चेव जाव सत्तगसंजोगस्स पच्छिमो आलावगो - अहवा असंखेजा रयणप्पभाए असंखेजा सक्ररप्पभाए जाव असंखेजा अहेसत्तमाए होजा। [सु. २८. पयारंतरेण नेरइयपवेसणगपर्वणा] २८ उक्कोसा प० भंते ! नेरइया नेरइयपवेसणए प० पुच्छा ? गंगेया ! सब्बे वि ताव रयणप्पभाए होजा ७। अहवा रयणप्पभाए य सक्ररप्पभाए य होजा। अहवा रयणप्पभाए य वालुयप्पभाए य होजा, जाव अहवा रयणप्पभाए य अहेसत्तमाए य होजा। अहवा रयणप्पभाए य सक्ररप्पभाए य वालुयप्पभाए य होजा। एवं जाव अहवा रयणप्पभाए, सक्ररप्पभाए य अहेसत्तमाए य होजा ५। अहवा रयणप्पभाए, वालुयप्पभाए, पंकप्पभाए य होजा; जाव अहवा रयणप्पभाए, वालुयप्पभाए, अहेसत्तमाए य होजा ४। अहवा रयणप्पभाए, पंकप्पभाए य, धूमाए होजा। एवं रयणप्पभं अमुयंतेसु जहा तिणहं तियासंजोगो भणिओ तहा भाणियवं जाव अहवा रयणप्पभाए, तमाए य, अहेसत्तमाए य होजा १५। अहवा रयणप्पभाए, सक्ररप्पभाए, वालुयप्पभाए, पंकप्पभाए य होजा। अहवा रयणप्पभाए, सक्ररप्पभाए, वालुयप्पभाए, धूमप्पभाए य होजा ४। अहवा रयणप्पभाए, सक्ररप्पभाए, पंकप्पभाए, धूमप्पभाए य होजा ४। अहवा रयणप्पभाए, सक्ररप्पभाए, वालुयप्पभाए, धूमप्पभाए य होजा ४। अहवा रयणप्पभाए, सक्ररप्पभाए, वालुयप्पभाए, धूमप्पभाए य होजा १। अहवा रयणप्पभाए जाव पंकप्पभाए, तमाए य होजा २। अहवा रयणप्पभाए जाव पंकप्पभाए, अहेसत्तमाए य होजा ३। अहवा रयणप्पभाए, सक्ररप्पभाए, वालुयप्पभाए, पंकप्पभाए, धूमप्पभाए य होजा १। अहवा रयणप्पभाए जाव पंकप्पभाए, तमाए य होजा ४। एवं रयणप्पभं अमुयंतेसु जहा पंचहं पंचकसंजोगो तहा भाणियवं जाव अहवा रयणप्पभाए, पंकप्पभाए, जाव अहेसत्तमाए होजा १५। अहवा रयणप्पभाए, सक्ररप्पभाए, जाव धूमप्पभाए, तमाए य होजा १। अहवा रयणप्पभाए, जाव धूमप्पभाए, अहेसत्तमाए य होजा २। अहवा रयणप्पभाए, सक्ररप्पभाए, जाव पंकप्पभाए, तमाए अहेसत्तमाए य होजा ३। अहवा रयणप्पभाए, सक्ररप्पभाए, वालुयप्पभाए, धूमप्पभाए, तमाए, अहेसत्तमाए होजा ४। अहवा रयणप्पभाए,

सक्ररप्पभाए, पंकप्पभाए जाव अहेसत्तमाए, य होज्जा ५ । अहवा रयणप्पभाए, वालुयप्पभाए, जाव अहेसत्तमाए होज्जाद् । अहवा रयणप्पभाए य, सक्ररप्पभाए, जाव अहेसत्तमाए होज्जाः । [सु. २९. रयणप्पभादिनेरइयपवेसणगस्स अप्पाबहुयं] २९. एयस्स ण भंते ! रयणप्पभापुढविनेरइयपवेसणगस्स सक्ररप्पभापुढ० जाव अहेसत्तमापुढविनेरइयपवेसणगस्स य कयरे कयरेहिंतो जाव विसेसाहिया वा ? गंगेया ! सब्बत्थोवे अहेसत्तमापुढविनेरइयपवेसणए, तमापुढविनेरइयपवेसणए असंखेज्जुणे, एवं पडिलोमगं जाव रयणप्पभापुढविनेरइयपवेसणए असंखेज्जुणे । [सु. ३०-३४. तिरिक्खजोणियपवेसणगपरूवणा] [स. ३०. तिरिक्खजोणियपवेसणगस्स पंच भेया] ३०. तिरिक्खजोणियपवेसणए ण भंते ! कतिविहे पण्णते ? गंगेया ! पंचविहे पण्णते, तं जहा— एगिंदियतिरिक्खजोणियपवेसणए जाव पंचिंदियतिरिक्खजोणियपवेसणए । [सु. ३१-३२. तिरिक्खजोणियपवेसणए पविसमाणाणं एगादिअसंखेज्जाणं तिरिक्खजोणियाणं एगिंदियाइपंचेदिए पडुच्च भंगपरूवणा] ३१. एगे भंते ! तिरिक्खजोणिए तिरिक्खजोणियपवेसणए ण पविसमाणे किं एगिंदिएसु होज्जा जाव पंचिंदिएसु होज्जा ? गंगेया ! एगिंदिएसु वा होज्जा जाव पंचिंदिएसु वा होज्जा ५ । अहवा एगे एगिंदिएसु होज्जा एगे बेझंदिएसु होज्जा । एवं जहा नेरइयपवेसणए तहा तिरिक्खजोणियपवेसणए वि भाणियव्वे जाव असंखेज्जा । [सु. ३३. पयारंतरेण तिरिक्खजोणियपवेसणगपरूवणा] ३३. उक्कोसा भंते! तिरिक्खजोणिया० पुच्छा । गंगेया ! सब्बे वि ताव एगेंदिएसु वा होज्जा । अहवा एगिंदिएसु वा बेझंदिएसु वा होज्जा । एवं जहा नेरतिया चारिया तहा तिरिक्खजोणिया वि चारेयव्वा । एगिंदिया अमुयंतेसु दुयासंजोगो तियासंजोगो चउक्कसंजोगो पंचसंजोगो उवउजिऊण भाणियव्वो जाव अहवा एगिंदिएसु वा बेझंदिय जाव पंचिंदिएसु वा होज्जा । [सु. ३४. एगिंदियादितिरिक्खजोणियपवेसणगस्स अप्पाबहुयं] ३४. एयस्स ण भंते ! एगिंदियतिरिक्खजोणियपवेसणगस्स जाव पंचिंदियतिरिक्खजोणियपवेसणयस्स य कयरे कयरेहिंतो जाव विसेसाहिए वा ? गंगेया ! सब्बत्थोवे पंचिंदियतिरिक्खजोणियपवेसणए, चउरिंदियतिरिक्खजोणियप० विसेसाहिए, तेझंदिय० विसेसाहिए, बेझंदिय० विसेसाहिए, एगिंदियतिरिक्ख० विसेसाहिए । [सु. ३५-४१. मणुस्सपवेसणगपरूवणा] [सु. ३५. मणुस्सपवेसणगस्स दोभेया] ३५. मणुस्सपवेसणए ण भंते ! कतिविहे पन्नते ? गंगेया ! दुविहे पण्णते, तं जहा— समुच्छिममणुस्सपवेसणए, गब्भवक्कंतियमणुस्सपवेसणए य । [सु. ३६-३९. मणुस्सपवेसणए पविसमाणाणं एगादिअसंखेज्जाणं मणुस्साणं सम्मुच्छिम-गब्भयमणुस्से पडुच्च भंगपरूवणा] ३६. एगे भंते ! मणुस्से मणुस्सपवेसणए ण पविसमाणे कं सम्मुच्छिममणुस्सेसु होज्जा, गब्भवक्कंतियमणुस्सेसु होज्जा ? गंगेया ! सम्मुच्छिममणुस्सेसु वा होज्जा, गब्भवक्कंतियमणुस्सेसु वा होज्जा । ३७. दो भंते ! मणुस्सा० पुच्छा । गंगेया ! सम्मुच्छिममणुस्सेसु वा होज्जा, गब्भवक्कंतियमणुस्सेसु वा होज्जा । अहवा एगे सम्मुच्छिममणुस्सेसु वा होज्जा, एगे गब्भवक्कंतियमणुस्सेसु वा होज्जा । एवं एणं कमेणं जहा नेरइयपवेसणए तहा मणुस्सपवेसणए वि भाणियव्वे जाव दस । ३८. संखेज्जा भंते ! मणुस्सा० पुच्छा । गंगेया ! सम्मुच्छिममणुस्सेसु वा होज्जा गब्भवक्कंतियमणुस्सेसु वा होज्जा । अहवा एगे सम्मुच्छिममणुस्सेसु होज्जा, संखेज्जा गब्भवक्कंतियमणुस्सेसु होज्जा । एवं एकेकं ओसारितेसु जाव अहव संखेज्जा सम्मुच्छिममणुस्सेसु होज्जा, संखेज्जागब्भवक्कंतियमणुस्सेसु होज्जा । ३९. असंखेज्जा भंते ! मणुस्सा० पुच्छा । गंगेया ! सब्बे वि ताव सम्मुच्छिम-मणुस्सेसु होज्जा । अहवा असंखेज्जासम्मुच्छिममणुस्सेसु, एगे गब्भवक्कंतियमणुस्सेसु होज्जा । अहवा असंखेज्जा सम्मुच्छिममणुस्सेसु, दो गब्भवक्कंतियमणुस्सेसु होज्जा । एवं जाव असंखेज्जा सम्मुच्छिममणुस्सेसु होज्जा, संखेज्जा गब्भवक्कंतियमणुस्सेसु होज्जा । [सु. ४०. पयारंतरेण मणुस्सपवेसणगपरूवणा] ४० उक्कोसा भंते ! मणुस्सा० पुच्छा । गंगेया ! सब्बे वि ताव सम्मुच्छिममणुस्सेसु होज्जा । अहवा सम्मुच्छिममणुस्सेसु य गब्भवक्कंतियमणुस्सेसु वा होज्जा । [सु. ४१. सम्मुच्छिम-गब्भवक्कंतियमणुस्सपवेसणगस्स अप्पाबहुयं] ४१. एयस्स ण भंते ! सम्मुच्छिममणुस्सपवेसणगस्स गब्भवक्कंतियमणुस्सपवेसणगस्स य कयरे कयरेहिंतो जाव विसेसाहिए वा ? गंगेया ! सब्बत्थोवे गब्भवक्कंतियमणुस्सपवेसणए, सम्मुच्छिममणुस्सपवेसणए असंखेज्जुणे । [सु. ४२-४६. देवपवेसणगपरूवणा]

[સુ. ૪૨. દેવપવેસણગસ્સ ભેયચઉક્કાં ] ૪૨. દેવપવેસણએ ણ ભંતે ! કતિવિહે પણન્તે ? ગંગેયા ! ચરુબ્બિહે પણન્તે, તં જહા— ભવણવાસિદેવપવેસણએ જાવ વેમાળિયદેવપવેસણએ । [સુ. ૪૩-૪૪. દેવપવેસણએ પવિસમાણાં એગાદિઅસંખેજાણાં દેવાણ ભવણવાસિઆઇદેવે પડુછ્ચ ભંગપરૂવણા] ૪૩. એણે ભંતે ! દેવે દેવપવેસણએ ણ પવિસમાણો કિં ભવણવાસીસુ હોજા વાણમંતર-જોઇસિય-વેમાળિએસુ હોજા ? ગંગેયા ! ભવણવાસીસુ વા હોજા વાણમંતર-જોઇસિય-વેમાળિએસુ વા હોજા । ૪૪. દો ભંતે ! દેવા દેવપવેસણએ૦ પુછ્છા । ગંગેયા ! ભવણવાસીસુ વા હોજા, વાણમંતર-જોઇસિય-વેમાળિએસુ વા હોજા । અહવા એણે ભવણવાસીસુ, એણે વાણમંતરેસુ હોજા । એવં જહા તિરિક્ખજોળિયપવેસણએ તહા દેવપવેસણએ વિ ભાળિયવે જાવ અસંખિજ ત્તિ । [સુ. ૪૫. પયારંતરેણ દેવપવેસગપરૂવણા ૪૫. ઉક્કોસા ભંતે ! પુછ્છા । ગંગેયા ! સવ્બે વિ તાવ જોઇસિએસુ હોજા । અહવા જોઇસિય-ભવણવાસીસુ ય હોજા । અહવા જોઇસિય-વાણમંતરેસુ ય હોજા । અહવા જોઇસિય-વેમાળિએસુ ય હોજા । અહવા જોઇસિએસુ ય ભવણવાસીસુ ય વાણમંતરેસુ ય હોજા । અહવા જોઇસિએસુ ય ભવણવાસીસુ ય વેમાળિએસુ ય હોજા । અહવા જોઇસિએસુ ય વાણમંતરેસુ ય વેમાળિએસુ ય હોજા । અહવા જોઇસિએસુ ય ભવણવાસીસુ ય વાણમંતરેસુ ય વેમાળિએસુ ય હોજા । સુ. ૪૬. ભવણવાસિઆઇદેવપવેસણગસ્સ અપ્પાબહુયં ૪૬. એયસ્સ ણ ભંતે ! ભવણવાસિદેવપવેસણગસ્સ વાણમંતરદેવપવેસણગસ્સ જોઇસિયદેવપવેસણગસ્સ વેમાળિયદેવપવેસણગસ્સ ય કયરે કયરેહિંતો જાવ વિસેસાહિએ વા ? ગંગેયા ! સવ્બત્થોવે વેમાળિયદેવપવેસણએ, ભવણવાસિદેવપવેસણએ અસંખેજગુણે, વાણમંતરદેવપવેસણએ અસંખેજગુણે, જોઇસિયદેવપવેસણએ સંખેજગુણે । [સુ. ૪૭. નેરઝ્ય-તિરિક્ખજોળિય-મણુસ્સ-દેવપવેસણગાણમપ્પાબહુયં] ૪૭. એયસ્સ ણ ભંતે ! નેરઝ્યપવેસણગસ્સ તિરિક્ખ૦ મણુસ્સ૦ દેવપવેસણગસ્સ ય કયરે કયરેહિંતો જાવ વિસેસાહિએ વા ? ગંગેયા ! સવ્બત્થોવે મણુસ્સપવેસણએ, નેરઝ્યપવેસણએ અસંખેજગુણે, દેવપવેસણએ અસંખેજગુણે, તિરિક્ખજોળિયપવેસણએ અસંખેજગુણે । [સુ. ૪૮ ચારીસંદંડએસુ સંતર-નિરંતરોવવાય-ઉબ્બદૃણાપરૂવણા] ૪૮. સંતરં ભંતે ! નેરઝ્યા ઉવવજંતિ ? નિરંતરં નેરઝ્યા ઉવવજંતિ ? સંતરં અસુરકુમારા ઉવવજંતિ ? નિરંતરં અસુરકુમારા જાવ સંતરં વેમાળિયા ઉવવજંતિ ? નિરંતરં વેમાળિયા ઉવવજંતિ ? સંતરં નેરઝ્યા ઉબ્બદૃંતિ ? નિરંતરં નેરતિયા ઉબ્બદૃંતિ ? જાવ સંતરં વાણમંતરા ઉબ્બદૃંતિ ? નિરંતરં વાણમંતરા ઉબ્બદૃંતિ ? સંતરં જોઇસિયા ચયંતિ ? નિરંતરં જોઇસિયા ચયંતિ ? સંતરં વેમાળિયા ચયંતિ ? નિરંતરં વેમાળિયા ચયંતિ ? ગંગેયા ! સંતરં પિ નેરતિયા ઉવવજંતિ, નિરંતરં પિ નેરતિયા ઉવવજંતિ જાવ સંતરં પિ થળિયકુમારા ઉવવજંતિ, નિરંતરં પિ થળિયકુમારા ઉવવજંતિ । નો સંતરં પુઢવિક્ખાઇયા ઉવવજંતિ, નિરંતરં પુઢવિક્ખાઇયા ઉવવજંતિ; એવં જાવ વણસ્સિક્ખાઇયા । સેસા જહા નેરઝ્યા જાવ સંતરં પિ વેમાળિયા ઉવવજંતિ, નિરંતરં પિ વેમાળિયા ઉવવજંતિ । સંતરં પિ નેરઝ્યા ઉબ્બદૃંતિ, નિરંતરં પિ નેરઝ્યા ઉબ્બદૃંતિ; એવં જાવ થળિયકુમારા । નો સંતરં પુઢવિક્ખાઇયા ઉવવજંતિ, નિરંતરં પુઢવિક્ખાઇયા ઉબ્બદૃંતિ; એવં જાવ વણસ્સિક્ખાઇયા । સેસા જહા નેરઝ્યા, નવરં જોઇસિય-વેમાળિયા ચયંતિ અભિલાષો, જાવ સંતરં પિ વેમાળિયા ચયંતિ, નિરંતરં પિ વેમાળિયા ચયંતિ । [સુ. ૪૯-૫૭. પયારંતરેણ ચારીસંદંડએસુ ઉવવાય-ઉબ્બદૃણાપરૂવણા] ૪૯. સાઓ ભંતે ! નેરતિયા ઉવવજંતિ ? અસાઓ ભંતે ! નેરઝ્યા ઉવવજંતિ ? ગંગેયા ! સાઓ નેરઝ્યા ઉવવજંતિ, નો અસાઓ નેરઝ્યા ઉવવજંતિ । એવં જાવ વેમાળિયા । ૫૦. સાઓ ભંતે ! નેરતિયા ઉબ્બદૃંતિ, અસાઓ નેરઝ્યા ઉબ્બદૃંતિ ? ગંગેયા ! સતો નેરઝ્યા ઉબ્બદૃંતિ, નો અસાઓ નેરઝ્યા ઉબ્બદૃંતિ । એવં જાવ વેમાળિયા, નવરં જોઇસિય-વેમાળિએસુ ‘ચયંતિ’ ભાળિયબ્બ । ૫૧. (૧) સાઓ ભંતે ! નેરઝ્યા ઉવવજંતિ, અસાઓ નેરઝ્યા ઉવવજંતિ ? સાઓ અસુરકુમારા ઉબ્બદૃંતિ જાવ સતો વેમાળિયા ઉવવજંતિ, અસતો વેમાળિયા ઉવવજંતિ ? સતો નેરતિયા ઉબ્બદૃંતિ, અસતો નેરઝ્યા ઉબ્બદૃંતિ ? સતો અસુરકુમારા ઉબ્બદૃંતિ જાવ સતો વેમાળિયા ચયંતિ, અસતો વેમાળિયા ચયંતિ ? ગંગેયા ! સતો નેરઝ્યા ઉવવજંતિ, નો અસાઓ નેરઝ્યા ઉવવજંતિ, સાઓ અસુરકુમારા ઉવવજંતિ, નો અસતો અસુરકુમારા ઉવવજંતિ, જાવ સાઓ વેમાળિયા ઉવવજંતિ, નો અસતો વેમાળિયા ઉવવજંતિ । સતો નેરતિયા ઉબ્બદૃંતિ, નો અસતો નેરઝ્યા ઉબ્બદૃંતિ; જાવ સતો વેમાળિયા ચયંતિ, નો અસતો વેમાળિયા૦ । (૨) સે કેણદ્રેણ ભંતે ! એવં કુચ્છિ સતો નેરઝ્યા ઉવવજંતિ, નો અસતો નેરઝ્યા ઉવવજંતિ; જાવ સતો વેમાળિયા ચયંતિ, નો અસાઓ વેમાળિયા ચયંતિ ? સે નૂં ગંગેયા ! પાસેણ અરહયા પુરિસાદાણીએણ સાસએ લોએ બુડે, અણાઈએ અણવયાગે જહા

पंचमे सए (स. ५ उ० ९ सु० १४ २) जाव जे लोक्हइ से लोए, से तेणद्वेण गंगेया ! एवं वुच्छ जाव सतो वेमाणिया चयंति, नो असतो वेमाणिया चयंति । ५२. (१) सयं भंते ! एतेवं जाणह उदाहु असयं ? असोच्चा एतेवं जाणह उदाहु सोच्चा ‘सतो नेरइया उववज्जंति, नो असतो नेरइया उववज्जंति, नो असओ वेमाणिया चयंति, जाव सतो वेमाणिया चयंति, नो असतो वेमाणिया चयंति’ ? गंगेया ! सयं एतेवं जाणामि, नो असयं; असोच्चा एतेवं जाणामि, नो सोच्चा; ‘सतो नेरइया उववज्जंति, नो असओ नेरइया उववज्जंति, जाव सतो वेमाणिया चयंति, नो असतो वेमाणिया चयंति’ । (२) से केणद्वेण भंते ! एवं वुच्छ तं चेव जाव नो असतो वेमाणिया चयंति ? गंगेया ! केवलीणं पुरथिमेण मियं पि जाणइ, अमियं पि जाणइ, दाहिणेणं एवं जहा सद्बुद्देसए (स० ५ उ० ४ सु० ४ २) जाव निवुडे नाणे केवलिस्स, से तेणद्वेण गंगेया ! एवं वुच्छ तं चेव जाव नो असतो वेमाणिया चयंति । ५३. (१) सयं भंते ! नेरइया नेरइएसु उववज्जंति ? असयं नेरइया नेरइएसु उववज्जंति ? गंगेया ! सयं नेरइया नेरइएसु उववज्जंति, नो असयं नेरइया नेरइएसु उववज्जंति । (२) से केणद्वेण भंते ! एय वुच्छ जाव उववज्जंति ? गंगेया ! कम्मोदएणं कम्मगुरुयत्ताए कम्मभारियत्ताए कम्मगुरुसंभारियत्ताए, असुभाणं कम्माणं उदएणं, असुभाणं कम्माणं विवागेणं, असुभाणं कम्माणं फलविवागेणं सयं नेरइया नेरइएसु उववज्जंति, नो असयं नेरइया नेरइएसु उववज्जंति, से तेणद्वेण गंगेया ! जाव उववज्जंति । ५४. (१) सयं भंते ! असुरकुमारा०पुच्छा । गंगेया ! सयं असुरकुमारा जाव उववज्जंति, नो असयं असुरकुमारा जाव उववज्जंति । (२) से केणद्वुणं तं चेव जाव उववज्जंति ? गंगेया ! कम्मोदएणं कम्मविगतीए कम्मविसोहीए कम्मविसुद्धीए, सुभाणं कम्माणं उदएणं, सुभाणं कम्माणं विवागेणं, सुभाणं कम्माणं फलविवागेणं सयं असुरकुमारा असुरकुमारत्ताए उववज्जंति, नो असयं असुरकुमारा असुरकुमारत्ताए उववज्जंति । से तेणद्वेण जाव उववज्जंति । एवं जाव थणियकुमारा । ५५. (१) सयं भंते ! पुढविकाइया० पुच्छा । गंगेया ! सयं पुढविकाइया जाव उववज्जंति, नो असयं पुढविकाइया जाव उववज्जंति । (२) से केणद्वेण भंते ! एवं वुच्छ जाव उववज्जंति ? गंगेया ! कम्मोदएणं कम्मगुरुयत्ताए कम्मभारियत्ताए कम्मगुरुसंभारियत्ताए, सुभासुभाणं कम्माणं उदएणं, सुभासुभाणं कम्माणं विवागेणं, सुभासुभाणं कम्माणं फलविवागेणं सयं पुढविकाइया जाव उववज्जंति, नो असयं पुढविकाइया जाव उववज्जंति । से तेणद्वेण जाव उववज्जंति । ५६. एवं जाव मणुस्सा । ५७. वाणमंतर-जोइसिय-वेमाणिया जहा असुरकुमारा । से तेणद्वेण गंगेया ! एवं वुच्छ-सयं वेमाणिया जाव उववज्जंति, नो असयं जाव उववज्जंति । [सु. ५८. भगवओ सब्बण्णुते गंगेयाणगारस्स पच्चभिण्णा] ५८. तप्पभिइं च णं से गंगेया ! अणगारे समणं भगवं महावीरं पच्चभिजाणइ सब्बण्णू सब्बदरिसी । [सु. ५९. गंगेयाणगारस्स पंचजामध्मपडिवज्जाणं निवाणं च] ५९. तए णं से गंगेये अणगारे समणं भगवं महावीरं तिकखुत्तो आयाहिणपयाहिणं करेइ, करेत्ता वंदइ नमंसइ, वंदित्ता नर्मसित्ता एवं वयासी-इच्छामि णं भंते ! तुब्बं अंतियं चाउज्जामाओ धम्माओ पंचमहव्वइयं एवं जहा कालासवेसियपुत्तो (स० १ उ० ९ सु० २३-२४) तहेव भाणियव्वं जाव सब्बदुक्खप्पहीणे । सेवं भंते ! सेवं भंते ! तिं० |★★★ गंगेयो समत्तो ॥ ९.३२

॥ ★★★ तेत्तीसइमो उद्देसो ‘कुंडग्गामे’ ★★★ [सु. १-२०. उसभदत्तमाहण-देवाणंदामाहणीअहियारो] १. तेणं कालेणं तेणं समएणं माहणकुंडग्गामे नयरे होत्था । वण्णओ । बहुसालए चेतिए । वण्णओ । २. तथं णं माहणकुंडग्गामे नयरे उसभदत्ते नामं माहणे परिवसतिअहु दित्ते वित्ते जाव अपरिभूए । रिउवेद-जजुवेद-सामवेद-अथवणवेद जहा खंदओ (स० २ उ० १ सु० १२) जाव अन्नेसु य बहुसु बंभण्णएसु नएसु सुपरिनिहिए समणोवासए अभिग्यजीवाजीवे उवलब्धपुण्ण-पावे जाव अप्पाणं भावेमाणे विहरति । ३. तस्स णं उसभदत्तमाहणस्स देवाणंदा नामं माहणी होत्था, सुकुमालपाणिपाया जाव पियदंसणा सुरूवा समणोवासिया अभिग्यजीवाजीवा उवलब्धपुण्ण-पावा जाव विहरइ । [सु. ४-१२. माहणकुंडग्गामसमोसदस्स भगवओ वंदणत्थं उसभदत्तदेवाणंदाणं विभूईए गमणं] ४. तेणं कालेणं तेणं समएणं सामी समोसदे । परिसा जाव पञ्जुवासति । ५. तए णं उसभदत्ते माहणे इमीसे कहाए लब्धहु देवाणुप्पिए ! समणे भगवं महावीरे आदिगरे जाव सब्बण्णू सब्बदरिसी आगासगएणं चक्रेण तेणेव उवागच्छति, उवागच्छता देवाणंदं माहणिं एवं वयासी-एवं खलु देवाणुप्पिए ! समणे भगवं महावीरे आदिगरे जाव सब्बण्णू सब्बदरिसी आगासगएणं चक्रेण

જાવ સુહંસુહેણ વિહરમાણે જાવ બહુસાલએ ચેદીએ અહાપડિરૂવં જાવ વિહરતિ । તં મહાફલં ખલુ દેવાણુપ્પિએ ! તહાર્ખવાણં અરહંતાણં ભગવંતાણં નામ-ગોયસ્સ વિસવણયાએ કિમંગ પુણ અભિગમણ-વંદણ-નમંસણ-પડિપુછ્છણ-પજુવાસણયાએ ? એસ્સ વિ આરિયસ્સ ધમ્મિયસ્સ સુવયણસ્સ સવણયાએ કિમંગ પુણ વિઉલસ્સ અદૃસ્સ ગહણયાએ ? તં ગચ્છામો ણ દેવાણુપ્પિએ ! સમણ ભગવં મહાવીરં વંદામો નમંસામો જાવ પજુવાસામો । એયં ણ ઇહભવે ય પરભવે ય હિયએ સુહાએ ખમાએ નિસ્સેસાએ આણુગામિયત્તાએ ભવિસ્સઙ્ । ૬. તએ ણ સા દેવાણંદા માહણી ઉસભદત્તેણ માહણેણ એવં વુત્તા સમાણી હૃદ્દજાવ હિયા કરયલ જાવ કદ્દુ ઉસભદત્તસ્સ માહણસ્સ એયમદું વિણાણં પડિસુણેઝ । ૭. તએ ણ સે ઉસભદત્તે માહણે કોડુંબિયપુરિસે સદ્વાવેઝ, કોડુંબિયપુરિસે સદ્વાવેત્તા એવં વયાસિ-ખિપ્પામેવ ભો ! દેવાણુપ્પિયા ! લહુકરણજુત્ત - જોઇયસમખુર - વાલિધાણસમલિહિયસિંગએહિં જંબૂણયામયકલાવજુત્તપદ્ધિવિસિદ્ધએહિં રયામયઘંટસુત્તરજ્ઞયવરકંચણનથપગહોગહિયએહિં નીલુપ્પલકયામેલએહિં પવરગોણજુવાણએહિં નાણામણિરયણઘંટિયાજાલપરિગયં સુજાયજુગજોત્તરજ્ઞયજુગપસથસુવિરચિતનિમ્મિયં પવરલક્ખણોવવેયં [ગ્રન્થાગ્રમ ૬૦૦૦] ધમ્મિયં જાણપ્પવરં જુત્તામેવ ઉવદૃવેહ, ઉવદુવિત્તા મમ એયમાણત્તિયં પચ્ચપ્પિણહ । ૮. તએ ણ તે કોડુંબિયપુરિસા ઉસભદત્તેણ માહણેણ એવં વુત્તા સમાણા હૃદ્દ જાવ હિયા કરયલ૦ એવં વયાસી-સારી ! ‘તહ’ તાણાએ વિણાણં વયણ જાવ પડિસુણેતા ખિપ્પામેવ લહુકરણજુત્ત૦ જાવ ધમ્મિયં જાણપ્પવરં જુત્તામેવ ઉવદુવેતે જાવ તમાણત્તિયં પચ્ચપ્પિણંતિ । ૯. તએ ણ સે ઉસભદત્તે માહણે એહાએ જાવ અપ્પમહઘાભરણાલંકિયસરીરે સાઓ ગિહાઓ પડિનિકખમતિ, સાઓ ગિહાઓ પડિનિકખમતિ જેણેવ બાહિરિયા ઉવદ્વાણસાલા, જેણેવ ધમ્મિએ જાણપ્પવરે તેણેવ ઉવાગચ્છિઝ, તેણેવ ઉવાગચ્છિત્તા ધમ્મિયં જાણપ્પવરં દુરૂઢે । ૧૦. તએ ણ સા દેવાણંદા માહણી હૃદ્દ જાવ અપ્પમહઘાભરણાલંકિયસરીરા બહૂહિં ખુજાહિં ચિલાઇયાહિં જાવ અંતેઉરાઓ નિગચ્છતિ; અંતેઉરાઓ નિગચ્છિત્તા જેણેવ બાહિરિયા ઉવદ્વાણસાલા, જેણેવ ધમ્મિએ જાણપ્પવરે તેણેવ ઉવાગચ્છિઝ, તેણેવ ઉવાગચ્છિત્તા જાવ ધમ્મિયં જાણપ્પવરં દુરૂઢા । ૧૧. તએ ણ સે ઉસભદત્તે માહણે દેવાણંદાએ માહણીએ સદ્ધિં ધમ્મિયં જાણપ્પવરં દુરૂઢે સમાણે ણિયગપરિયાલસંપરિવુડે માહણકુંદગામં નગરં મજ્જંમજ્જેણ નિગચ્છિઝ, નિગચ્છિત્તા જેણેવ બહુસાલએ ચેદીએ તેણેવ ઉવાગચ્છિઝ, તેણેવ ઉવાગચ્છિત્તા છત્તાદીએ તિથકરાતિસએ પાસઙ્, ૨ ધમ્મિયં જાણપ્પવરં ઠવેઝ, ઠવેત્તા ધમ્મિયાઓ જાણપ્પવરાઓપચોરુહિઝ, ૨ સમણ ભગવં મહાવીરં પંચવિહેણં અભિગમેણ અભિગચ્છતિ, તં જહા-સચિત્તાણં દવ્વાણ વિઓસરણયાએ એવં જહા બિઝ્યસએ (સ૦ ૨ ઉ૦ ૫ સુ૦ ૧૪) જાવ તિવિહાએ પજુવાસણાએ પજુવાસઙ્ । ૧૨. તએ ણ સા દેવાણંદા માહણી ધમ્મિયાઓ જાણપ્પવરાઓ પચોરુહિઝ૦, પચોરુહિતા બહુયાહિં ખુજાહિં જાવ મહતરગવંદપરિકિખતા સમણ ભગવં મહાવીરં પંચવિહેણ અભિગમેણ અભિગચ્છિઝ, તં જહા-સચિત્તાણં દવ્વાણ વિઓસરણયાએ ૧ અચિત્તાણં દવ્વાણ અવિમોયણયાએ ૨ વિણયોણયાએ ગાયલદ્વીએ ૩ ચક્કખુફાસે અંજલિપગહેણ ૪ મણસ્સ એગતીભાવકરણેણ ૫ । જેણેવ સમણે ભગવં મહાવીરે તેણેવ ઉવાગચ્છિઝ, તેણેવ ઉવાગચ્છિત્તા સમણ ભગવં મહાવીરં તિક્કખુત્તો આયાહિણં પયાહિણં કરેઝ, કરેતા વંદિન નમંસઙ્, વંદિતા નમંસિતા ઉસભદત્ત માહણે પુરઝો કદ્દુ ઠિયા ચેવ સપરિવારા સુસ્સુસમાણી ણમંસમાણી અભિમુહા વિણાણં પંજલિઉડા પજુવાસઙ્ । [સુ. ૧૩-૧૪. ભગવંતદંસણાગયપણહયદેવાણંદાસંબંધિયગોયમપુછ્છાએ ભગવાઓ સમાહાણં] ૧૩. તએ ણ સા દેવાણંદા માહણી આગયપણહયા પષ્ફુયલોયણા સંવરિયવલયબાહા કંચુયપરિકિખતિયા ધારાહયકલંબગં પિવ સમૂસસિયરોમકૂવા સમણ ભગવં મહાવીરં અણિમિસાએ દિદ્દીએ દેહમાણી દેહમાણી ચિદ્દુતિ । ૧૪. ‘ભંતે !’ ત્તિ ભગવં ગોયમે સમણ ભગવં મહાવીરં વંદતિ નમંસતિ, વંદિતા નમંસિતા એવં વયાસી-કિં ણ ભંતે ! એસા દેવાણંદા માહણી આગયપણહયા તં ચેવ જાવ રોમકૂવા દેવાણુપ્પિયં અણિમિસાએ દિદ્દીએ દેહમાણી દેહમાણી ચિદ્દુડુ ? ‘ગોયમા !’ દિ સમણે ભગવં મહાવીરે ભગવં ગોયમં એવં વયાસી-એવં ખલુ ગોયમા ! દેવાણંદા માહણી મમ અમ્મગા, અહં ણ દેવાણંદાએ માહણીએ અત્તએ । તેણં એસા દેવાણંદા માહણી તેણં પુવ્પુત્તસિણેહાણુરાગેણ આગયપણહયા જાવ સમૂસસિયરોમકૂવા મમ અણિમિસાએ દિદ્દીએ દેહમાણી દેહમાણી ચિદ્દુડુ । [સુ. ૧૫-૨૦. ઉસભદત્ત-દેવાણંદાણં પબ્વજાગહણં નિબ્વાણં ચ] ૧૫. તએ ણ સમણે ભગવં મહાવીરે ઉસભદત્તસ્સ માહણસ્સ દેવાણંદાએ ય માહણીએ તીસે ય મહતિમહાલિયાએ ઇસિપરિસાએ જાવ પરિસા પડિગયા । ૧૬. તએ ણ સે ઉસભદત્તે માહણે સમણસ્સ ભગવાઓ મહાવીરસ્સ અંતિય ધમ્મં સોચ્ચા નિસમ્મ હૃદ્દતુદ્દે ઉદ્વાએ ઉદ્વેઝ, ઉદ્વાએ ઉદ્વેત્તા

समणं भगवं महावीरं तिकखुतो आया० जाव नमंसिता एवं वयासी-‘एवमेयं भंते ! तहमेयं भंते !’ जहा खंदओ (स० २ उ० १ सु० ३४) जाव ‘से जहेयं तुब्मे वदह’ ति कहु उत्तरपुरत्थिमं दिसीभागं अवक्षमइ, उत्तरपुरत्थिमं दिसीभागं अवक्षमिता सयमेव आभरण-मल्लालंकारं ओमुयइ, सयमेव आभरण-मल्लालंकारं ओमुइता सयमेव पंचमुट्ठियं लोयं करेति, सयमेव पंचमुट्ठियं लोयं करिता जेणेव समणे भगवं महावीरे तेणेव उवागच्छइ, उवागच्छिता समणं भगवं महावीरं तिकखुतो आयाहिणं पयाहिणं जाव नमंसिता एवं वयासी-आलिते णं भंते ! लोए, पलिते णं भंते ! लोए, एवं जहा खंदओ (स० २ उ० १ सु० ३४) तहेव पव्वइओ जाव सामाइयमाइयाइं इक्कारस अंगाइं अहिज्जइ जाव बहूहिं चउत्थ-छट्ट-डह्म-दसम जाव विचित्तेहिं तवोकम्मेहिं अप्पाणं भावेमाणे बहूइं वासाइं सामण्णपरियायं पाउणइ, पाउणिता मासियाए संलेहणाए अत्ताणं झूसेति, मासियाए संलेहणाए अत्ताणं झूसिता सद्हिं भत्ताइं अणसणाए छेदेति, सद्हिं भत्ताइं अणसणाए छेदेता जस्सद्हाए कीरति नगभावो जाव तमट्ट आराहेइ, २ जाव सब्बदुक्खप्पहीणे । १७. तए णं सा देवाणंदा माहणी समणस्स भगवओ महावीरस्स अंतियं धम्मं सोच्चा निसम्म हट्टतुद्हाइ० समणं भगवं महावीरं तिकखुतो आयाहिणपयाहिणं जाव नमंसिता एवं वयासी-एवमेयं भंते !, तहमेयं भंते !, एवं जहा उसभदत्तो (सु० १६) तहेव जाव धम्ममाइक्खियं । १८. तए णं समणे भगवं महावीरे देवाणंद माहणिं सयमेव पव्वावेति, सयमेव मुंडावेति, सयमेव अज्जचंदणाए अज्जाए सीसिणिताए दलयइ । १९. तए णं सा अज्जचंदणा अज्जा देवाणंद माहणिं सयमेव पव्वावेति, सयमेव मुंडावेति, सयमेव सेहावेति, एवं जहेव उसभदत्तो तहेव अज्जचंदणाए अज्जाए इमं एयारूवं धम्मियं उवदेसं सम्मं संपडिवज्जइ-तमाणाए तहा गच्छइ जाव संजमेणं संजमति । २०. तए णं सा देवाणंदा अज्जा अज्जचंदणाए अज्जाए अंतियं सामाइयमाइयाइं एक्कारस अंगाइं अहिज्जइ । सेसं तं चेव जाव सब्बदुक्खप्पहीणा । [सु. २१-११२. जमालिअहियारो] २१. तस्स णं माहणकुंडग्गामस्स नगरस्स पच्चत्थिमेणं, एथ्य णं खत्तियकुंडग्गामे नामं नगरे होत्था । वण्णओ । [सु. २२. जमालिस्स भोगोवभोगाइविभववण्णणं] २२. तत्थ णं खत्तियकुंडग्गामे नयरे जमाली नामं खत्तियकुमारे परिवसति, अहु दित्ते जाव अपरिभूए उप्पिं पासायवरगए फुट्टमाणेहिं मुइंगमत्थएहिं बत्तीसतिबछेहिं नाडएहिं वरतरुणीसंपउत्तेहिं उवनच्चिज्जमाणे उवनच्चिज्जमाणे उवगिज्जमाणे उवगिज्जमाणे उवलालिज्जमाणे उवलालिज्जमाणे पाउस-वासारत्त-सदर-हेमंत-वसंत-गिम्हपज्जंते छप्पि उऊ जहाविभवेणं माणेमाणे माणेमाणे कालं गालेमाणे इट्टे सद्व-फरिस-रस-रूव-गंधे पंचविहे माणुस्सए कामभोगे पच्चणुभवमाणे विहरइ । [सु. २३-२८. भगवंतागमणसवणाणंतरं जमालिस्स खत्तियकुंडग्गामाओ माहणकुंडग्गामे भगवओ समीवमागमणं] २३. तए णं खत्तियकुंडग्गामे नगरे सिंघाडग-तिय-चउक्क-चच्चर जाव बहुजणसद्वे इ वा जहा उववाइए जाव एवं पण्णवेइ, एवं परूवेइ-एवं खलु देवाणुप्पिया ! समणे भगवं महावीरे आइगरे जाव सब्बण्णू सब्बदरिसी माहणकुंडग्गामस्स नगरस्स बहिया बहुसालए चेइए अहापडिरूवं जाव विहरइ । तं महप्पलं खलु देवाणुप्पिया ! तहारूवाणं अरहंताणं भगवंताणं जहा उववाइए जाव एगाभिमुहे खत्तियकुंडग्गामं नगरं मज्जिंमज्जोणं निगच्छंति, निगच्छिता जेणेव माहणकुंडग्गामे नगरे जेणेव बहुसालए चेइए एवं जहा उववाइए जाव तिविहाए पज्जुवासणाए पज्जुवासंति । २४. तए णं तस्स जमालिस्स खत्तियकुमारस्स तं महया जणसद्वं वा जाव जणसन्निवायं वा सुणमाणस्स वा पासमाणस्स वा अयमेयारूवे अज्जत्थिए जाव समुप्पज्जित्था-किं णं अज खत्तियकुंडग्गामे नगरे इंदमहे इ वा, खंदमहे इ वा, मुगुंदमहे इ वा, नागमहे इ वा, जक्खमहे इ वा, भूयमहे इ वा, कूवमहे इ वा, तडागमहे इ वा, नझमहे इ वा दहमहे इ वा, पव्वयमहे इ वा, रुक्खमहे इ वा, चेइयमहे इ वा, थूभमहे इ वा, जं णं एए बहवे उग्गा भोगा राइन्ना इक्खागा णाया कोरव्वा खत्तिया खत्तियपुत्ता भडा भडपुत्ता सेणावइ २ पसत्थारो २ लेच्छई २ माहणा २ इब्बा २ जहा उववाइए जाव सत्थवाहप्पभिइओ एह्या कयबलिकम्मा जहा उववाइए जाव निगच्छंति ? एवं संपहेइ, एवं संपेहिता कंचुइज्जपुरिसं सद्वावेति, कंचुइज्जपुरिसं सद्वावेता एवं वयासी-किं णं देवाणुप्पिया ! अज्ज खत्तियकुंडग्गामे नगरे इंदमहे इ वा जाव निगच्छंति ? २५. तए णं से कंचुइज्जपुरिसे जमालिणा खत्तियकुमारेणं एवं वुत्ते समाणे हट्टतुद्ह० समणस्स भगवओ महावीरस्स आगमणगहियविणिच्छए करयल० जमालिं खत्तियकुमारं जएणं विजएणं वद्वावेइ, वद्वावेता एवं वयासी-‘णो खलु देवाणुप्पिया ! अज्ज खत्तियकुंडग्गामे नयरे इंदमहे इ जाव निगच्छंति । एवं खलु देवाणुप्पिया ! अज्ज समणे

भगवं महावीरे आइगरे जाव सब्बण्णू सब्बदरिसी माहणकुंडग्गामस्स नगरस्स बहिया बहुसालए चेइए अहापडिरुवं उग्गहं जाव विहरति, तए णं एए बहवे उग्गा भोगा जाव अप्पेगइया वंदणवत्तियं जाव निगच्छंति' । २६. तए णं से जमाली खत्तियकुमारे कंचुइज्जपुरिसस्स अंतिए एयमटुं सोच्चा निसम्म हट्टुटुट० कोडुंबियपुरिसे सद्वावेइ, कोडुंबियपुरिसे सद्वावइत्ता एवं वयासी-खिप्पामेव भो देवाणुप्पिया ! चाउघंटं आसरहं जुत्तामेव उवटुवेह, उवटुवेत्ता मम एयमाणत्तियं पच्चप्पिणह । २७. तए णं ते कोडुंबियपुरिसा जमालिणा खत्तियकुमारेणं एवं वुत्ता समाणा जाव पच्चप्पिणंति । २८. तए णं से जमाली खत्तियकुमारे जेणेव मज्जणधरे तेणेव उवागच्छइ, तेणेव उवागच्छित्ता ण्हाए कयबलिकम्मे जहा उववाइए परिसावण्णओ तहा भाणियव्वं जाव चंदणोकिखत्तग्गायसरीरे सब्बालंकारविभूसिए मज्जणधराओ पडिनिकखमइ, मज्जणधराओ पडिनिकखमित्ता जेणेव बाहिरिया उवट्टाणसाला जेणेव चाउघंटे आसरहे तेणेव उवागच्छइ, तेणेव उवागच्छित्ता चाउघंटं आसरहं दुरुहेइ, चाउघंटं आसरहं दुरुहित्ता सकोरंटमल्लदामेणं छत्तेणं धरिज्जमाणेणं मह्या भडचडकरपहकरवंदपरिकिखत्ते खत्तियकुंडग्गामं नगरं मज्जंमज्जेणं निगच्छइ, निगच्छित्ता जेणेव माहणकुंडग्गामे नगरे जेणेव बहुसालए चेइए तेणेव उवागच्छइ, तेणेव उवागच्छित्ता तुरए निगिष्ठेइ, तुरए निगिष्ठित्ता रहं ठवेइ, रहं ठवित्ता रहाओ पच्चोरुहति, रहाओ पच्चोरुहित्ता पुफ्फ-तंबोलाउहमादीयं वाहणाओ य विसज्जेइ, वाहणाओ विसज्जित्ता एगसाडियं उत्तरासंगं करेइ, एगसाडियं उत्तरासंगं करेत्ता आयंते चोकखे परमसुइब्भूए अंजलिमउलियहत्थे जेणेव समणे भगवं महावीरे तेणेव उवागच्छइ, तेणेव उवागच्छित्ता समणं भगवं महावीरं तिकखुत्तो आयाहिणपयाहिणं करेइ, तिकखुत्तो आयाहिणपयाहिणं करेत्ता जाव तिविहाए पञ्जुवासणाए पञ्जुवासेइ । [सु. २९-३३. भगवंतदेसणासवणाणंतरं अम्मा-पिईं पुरओ जमालिस्स पव्वज्जागहणसंकप्पकहणं] २९. तए णं समणे भगवं महावीरे जमालिस्स खत्तियकुमारस्स तीसे य महतिमहालियाए इसिं० जाव धम्मकहा जाव पुरिसा पडिग्या । ३०. तए णं से जमाली खत्तियकुमारे समणस्स भगवओ महावीरस्स अंतिए धम्मं सोच्चा निसम्म हट्ट जाव उट्टाए उट्टेइ, उट्टाए उट्टेत्ता समणं भगवं महावीरं तिकखुत्तो जाव नमंसित्ता एवं वयासी-सद्वहामि णं भंते ! निगंथं पावयणं, पत्तियामि णं भंते ! निगंथं पावयणं, रोएमि णं भंते ! निगंथं पावयणं, अब्भुट्टेमि णं भंते ! निगंथं पावयणं, एवमेयं भंते ! तहमेयं भंते ! अवितहमेयं भंते ! असंदिद्धमेयं भंते ! जाव से जहेवं तुब्मे वदह, जं नवरं देवाणुप्पिया ! अम्मा-पियरो आपुच्छामि, तए णं अहं देवाणुप्पियाणं अंतियं मुंडे भवित्ता अगाराओ अणगारियं पव्वयामि । अहासुहं देवाणुप्पिया ! मा पडिबंधं । ३१. तए णं से जमाली खत्तियकुमारे समणेणं भगवया महावीरेणं एवं वुत्ते समाणे हट्टुटुट० समणं भगवं महावीरं तिकखुत्तो जाव नमंसित्ता तमेव चाउघंटं आसरहं दुरुहेइ दुरुहित्ता समणस्स भगवओ महावीरस्स अंतियाओ बहुसालाओ चेइयाओ पडिनिकखमइ, पडिनिकखमित्ता सकोरंट जाव धरिज्जमाणेणं मह्या भडचडगर० जाव परिकिखत्ते जेणेव खत्तियकुंडग्गामे नयरे तेणेव उवागच्छइ, तेणेव उवागच्छित्ता खत्तियकुंडग्गामं नगरं मज्जंमज्जेणं जेणेव सए गिहे जेणेव बाहिरिया उवट्टाणसाला तेणेव उवागच्छइ, तेणेव उवागच्छित्ता तुरए निगिष्ठित्ता रहं ठवेइ, रहं ठवेत्ता रहाओ पच्चोरुहेइ, रहाओ पच्चोरुहित्ता जेणेव अभिमंतरिया उवट्टाणसाला, जेणेव अम्मा-पियरो तेणेव उवागच्छइ, तेणेव उवागच्छित्ता अम्मापियरो जएणं विजएणं वद्वावेइ, वद्वावेत्ता एवं वयासी-एवं खलु अम्म ! ताओ ! मए समणस्स भगवओ महावीरस्स अंतियं धम्मे निसंते, से वि य मे धम्मे इच्छिए, पडिच्छिए, अभिरुइए । ३२. तए णं तं जमालिं खत्तियकुमारं अम्मा-पियरो एवं वयासी-धन्ने सि णं तुमं जाया !, कयत्थे सि णं तुमं जाया, कयपुण्णे सि णं तुमं जाया !, कयलकखणे सि णं तुमं जाया !, जं णं तुमे समणस्स भगवओ महावीरस्स अंतियं धम्मे निसंते, से वि य ते धम्मे इच्छिए पडिच्छिए अभिरुइए । ३३. तए णं से जमाली खत्तियकुमारे अम्मा-पियरो दोच्चं पि एवं वयासी-एवं खलु मए अम्म ! ताओ ! समणस्स भगवओ महावीरस्स अंतिए धम्मे निसंते जाव अभिरुइए । तए णं अहं अम्म ! ताओ ! संसारभउव्विग्गे, भीए जम्मण-मरणेणं, तं इच्छामि णं अम्म ! ताओ ! तुब्मेहिं अब्भणुण्णाए समाणे समणस्स भगवओ महावीरस्स अंतियं मुंडे भवित्ता अगाराओ अणगारियं पव्ववइत्तए । [सु. ३४. पुत्तपव्वज्जागहणवयणसवणाणंतरं जमालिमायाए मुच्छानिवडणं] ३४. तए णं सा जमालिस्स खत्तियकुमारस्स माता तं अणिटुं अकंतं अप्पियं अमणुण्णं अमणामं

અસુયપુર્વ ગિરં સોચા નિસમ્મ સેયાગયરોમકુવપગલંતવિલીણગત્તા સોગભરપવેવિયંગમંગી નિત્તેયા દીણવિમણવયણ કરયલમલિય વ્બ કમલમાલા તકખણઓલુગુદુબ્બલસરીરલાયન્નસુચનિચ્છાયા ગયસિરીયા પસિદિલભૂસણપડંતરુણિયસંચુણિયધવલવલયપબહુઉતરિજ્જા મુચ્છાવસણદૃચેતગુરુઈ સુકુમાલવિકિણકેસહત્થા પરસુણિયત્ત વ્બ ચંપગલતા નિવ્વત્તમહે વ્બ ઇંદલદ્વી વિમુક્ષસંધિબંધણા કોદ્વિમતલંસિ ‘ધસ’ત્તિ સવ્વંગેહિં સન્નિવડિયા । [સુ. ૩૫-૪૪. પવ્વજિઉકામસ્સ જમાલિસ્સ પવ્વજાગહણનિવારએહિં અમ્મા-પિર્ઝિહિં સહ સંલાવો] ૩૫. તએ ણ સા જમાલિસ્સ ખત્તિયકુમારસ્સ માયા સસંભમોયત્તિયાએ તુરિયં કંચણભિંગારમુહવિણિગ્યસીયલજલવિમલ-ધારાપસિચ્ચમાણનિવ્વવિયગાયલદ્વી ઉક્કેવગતાલિયંટવીયણગજણિયવાએણ સફુસિએણ અંતેઉપરિજણેણ આસાસિયા સમાણી રોયમાણી કંદમાણી સોયમાણી વિલવમાણી જમાલિં ખત્તિયકુમારં એવં વ્યાસી—તુમં સિ ણ જાય ! અમ્હં એગે પુતે ઇદ્વે કંતે પિએ મણુણે મણામે થેજે વેસાસિએ સમ્મએ બહુમએ અણુમએ ભંડકરંડગસમાણે રયણે રયણબ્ભૌ જીવિઊસવિયે હિયનંદિજણે ઉંબરપુપ્ફ પિવ દુલ્લભે સવણયાએ કિમંગ પુણ પાસણયાએ ? તં નો ખલુ જાયા ! અમ્હે ઇચ્છામો તુબ્ભં ખણમવિ વિપ્પાઓગં, તં અચ્છાહિ તાવ જાયા ! જાવ તાવ અમ્હે જીવામો; તાો પચ્છા અમ્હેહિં કાલગએહિં સમાણેહિં પરિણયવયે વહ્નિય કુલવંસતંતુકજમ્મિ નિરવયક્કે સમણસ્સ ભગવાઓ મહાવીરસ્સ અંતિયં મુંડે ભવિત્તા અગારાઓ અણગારિયં પવ્વઝિહિસિ । ૩૬. તએ ણ સે જમાલી ખત્તિયકુમારે અમ્મા-પિર્યરો એવં વ્યાસી—તહા વિ ણ તં અમ્મ ! તાઓ ! જં ણ તુબ્ભે મમ એવં વદહ ‘તુમં સિ ણ જાય ! અમ્હં એગે પુતે ઇદ્વે કંતે તં ચેવ જાવ પવ્વઝિહિસિ’, એવં ખલુ અમ્મ ! તાઓ ! માણુસ્સએ ભવે અણેગજાઇ-જરા-મરણ-રોગ-સારીર-માણસપકામદુક્કુખવેયણ-વસણ સતોવદ્વાભિભૂએ અધુવે અણિતિએ અસાસએ સંદ્રભમારાગસરિસે જલબુબુદ્ધસમાણે કુસળજલબિંદુસન્નિભે સુવિણગદંસણોવમે વિજુલયાચંચલે અણિચ્ચે સડણ-પડણ -વિદ્ધંસણધમ્મે પુબ્બિં વા પચ્છા વા અવસ્સવિપ્પજહિયવ્બે ભવિસ્સઇ, સે કેસ ણ જાણિ અમ્મ ! તાઓ ! કે પુબ્બિં ગમણયાએ ? કે પચ્છા ગમણયાએ ? તં ઇચ્છામિ ણ અમ્મં ! તાઓ ! તુબ્ભેહિં અબભણુણાએ સમાણે સમણસ્સ ભગવાઓ મહાવીરસ્સ જાવ પવ્વઝત્તએ । ૩૭. તએ ણ તં જમાલિં ખત્તિયકુમારં અમ્મા-પિર્યરો એવં વ્યાસી — ઇમં ચ તે જાયા ! સરીરાં પવિસિદ્ધરૂબં લક્કણ -વંજણ -ગુણોવવેયં ઉત્તમબલ-વીરિયસત્તજુત્ત વિણાણવિયક્કુણ સસોહણગુણસમુસ્સિયં અભિજાયમહકુખમં વિવિહવાહિરોગરહિયં નિરુવહયઉદ્તલદૃપંચિંદિયપડું, પઢમજોવ્વણત્થં અણેગઉત્તમગુણેહિં જુત્તં, તં અણુહોહિ તાવ જાવ જાયા ! નિયગસરીરરૂબસોહણગોવ્વણગુણે, તાો પચ્છા અણુભૂયનિયગસરીરરૂબસોભગગોવ્વણગુણે અમ્હેહિં કાલગએહિં સમાણેહિં પરિણયવયે વહ્નિય કુલવંસતંતુકજમ્મિ નિરવયક્કે સમણસ્સ ભગવાઓ મહાવીરસ્સ અંતિયં મુંડે ભવિત્તા અગારાઓ અણગારિયં પવ્વઝિહિસિ । ૩૮. તએ ણ સે જમાલી ખત્તિયકુમારે અમ્મા-પિર્યરો એવં વ્યાસી—તહા વિ ણ તં અમ્મ ! તાઓ ! જં ણ તુબ્ભે મમ એવં વદહ ‘ઇમં ચ ણ તે જાયા ! સરીરાં૦ તં ચેવ જાવ પવ્વઝિહિસિ’ એવં ખલુ અમ્મ ! તાઓ ! માણુસ્સાં સરીરં દુક્કુખાયણ વિવિહવાહિસયસન્નિકેતં અદ્વિયકદૃદ્વિયં છિરા-એહારુજાલાઓણદ્વસંપિણદ્વં મદ્દિયભંડં વ દુબ્બલં અસુઇસંકિલિદું અણિદુવિયસવ્વકાલસંઠપ્પયં જરાકુણિમ -જજરધરં વ સડણ-પડણ વિદ્ધંસણધમ્મં પુબ્બિં વા પચ્છા વા અવસ્સવિપ્પજહિયવ્બ ભવિસ્સઇ, સે કેસ ણ જાણતિ અમ્મ ! તાઓ ! કે પુબ્બિં૦ ? તં ચેવ જાવ પવ્વઝત્તએ । ૩૯. તએ ણ તં જમાલિં ખત્તિયકુમારં અમ્મા-પિર્યરો એવં વ્યાસી -ઇમાઓ ય તે જાયા ! વિપુલકુલબાલિયાઓ કલાકુસલસવ્વકાલલાલિયસુહોચિયાઓ મદ્વગુણજુત્તનિઉણવિણાઓવયારપંડિયવિયક્કુણાઓ મંજુલમિયમુંરભણિયવિહસિયવિપ્પેકિખયગતિવિલાસચિદ્વિયવિસારદાઓ અવિકલકુલસીલસાલિણીઓ વિસુદ્ધકુલવંસસંતાણતંતુવદ્વણપગબ્ભવયભાવિણીઓ મણાણકુલહિયઇચ્છિયાઓ અદ્વ તુજ્ઞ ગુણવલ્લભાઓ ઉત્તમાઓ નિચ્ચ ભાવાણુરત્તસવ્વંગસુંદરીઓ ભારિયાઓ, તં ભુંજાહિ તાવ જાયા ! એતાહિં સદ્વિં વિત્તલે માણુસ્સએ કામભોગે, તાો પચ્છા ભુતભોગી વિસયવિયવોચ્છિન્નકોઉહલ્લે અમ્હેહિં કાલગએહિં જાવ પવ્વઝિહિસિ । ૪૦. તએ ણ સે જમાલી ખત્તિયકુમારે અમ્મા-પિર્યરો એવં વ્યાસી—તહા વિ ણ તં અમ્મ ! તાઓ ! જં ણ તુબ્ભે મમ એવં વયહ ‘ઇમાઓ તે જાયા ! વિપુલકુલ૦ જાવ પવ્વઝિહિસિ’ એવં ખલુ અમ્મ ! તાઓ ! માણુસ્સા કામભોગ ઉચ્ચાર પાસવણ-ખેલ-સિંઘાણગવંતપિત્ત-પૂય-સુક્ર-સોણિયસમુભવા અમણુણદુરૂબમુત્ત-પૂઝપુરીસપુણા મયગંધુસસાસઅસુભનિસ્સાસા ઉવ્વેયણા બીભચ્છા

अप्पकालिया लहुसगा कलमलाहिवासदुक्खबहुजणसाहारणा परिकिलेस - किच्छदुक्खसज्ज्ञा अबुहजणसेविया सदा साहुगरहणिज्ञा अणंतसंसारवद्धणा कडुयफलविवागा चुडलि व्व अमुच्चमाण दुक्खाणुबंधिणो सिद्धिगमणविघा, से केस णं जाणति अम्म ! ताओ ! के पुव्विं गमणयाए ? के पच्छा गमणयाए ? तं इच्छामि णं अम्म ! ताओ ! जाव पव्वइत्तए । ४१. तए णं तं जमालिं खत्तियकुमारं अम्मा-पियरो एवं वयासी इमे य ते जाया ! अज्यय-पज्यय-पितुपज्ययागए सुबहुहिरण्णे य सुवण्णे य कंसे य दूसे य विउलघणकणग० जाव संतसारसावएज्जे अलाहि जाव आसत्तमाओ कुलवंसाओ पकामं दातुं, पकामं भोतुं, पकामं परिभाएउं, तं अणुहोहि ताव जाया ! विउले माणुस्सए इहिंसक्कारसमुदए, तओ पच्छा अणुहूयकल्लाणे वहिय कुलवंसतंतु जाव पव्वइहिसि । ४२. तए णं से जमाली खत्तियकुमारे अम्मा-पियरो एवं वयासी— तहा वि णं तं अम्म ! ताओ ! जं णं तुब्बे ममं एवं वदह—‘इमे य ते जाया ! अज्गग -पज्जग० जाव पव्वइहिसि’ एवं खलु अम्म ! ताओ ! हिरण्णे य सुवण्णे य जाव सावएज्जे अग्गिसाहिए चोरसाहिए रायसाहिए मच्चुसाहिए दाइयसाहिए अग्गिसामन्ने जाव दाइयसामन्ने अधुवे अणितिए असासए पुव्विं वा पच्छा वा अवस्सविपजहियव्वे भविस्सइ, से केस णं जाणइ० तं चेव जाव पव्वइत्तए । ४३. तए णं तं जमालिं खत्तियकुमारं अम्म-ताओ जाहे नो संचाएंति विसयाणुलोमाहिं बहूहिं आघवणाहि य पण्णवणाहि य सन्नवणाहि य विण्णवणाहि य आघवित्तए वा पण्णवित्तए वा सन्नवित्तए वा विण्णवित्तए वा ताहे विसयपडिकूलाहिं संजमभयुव्वेवणकरीहिं पण्णवणाहिं पण्णवेमाणा एवं वयासी— एवं खलु जाया ! निझंथे पावयणे सच्चे अणुत्तरे केवले जहा आवस्सए जाव सव्वदुक्खाणमंतं करेंति, अहीव एगंतदिट्टीए, खुरो इव एगंतधाराए, लोहमया जवा चावेयव्वा, वालुयाकवले इव निरस्साए, गंगा वा महानदी पडिसोयगमणयाए, महासमुद्रे वा भुजाहिं दुत्तरे, तिकखं कमियव्वं, गरुयं लंबेयव्वं, असिधारगं वत्तं चरियव्वं, नो खलु कप्पइ जाया ! समणाणं निझंथाणं आहाकम्मिए इ वा, उद्देसिए इ वा, मिस्सजाए इ वा, अज्जोयरए इ वा, पूङ्गइ वा, कीए इ वा, पामिच्चे इ वा, अच्छेज्जे इ वा, अणिसट्टे इ वा, अभिहडे इ वा, कंतारभत्ते इ वा, दुष्मिक्खभत्ते इ वा, गिलाणभत्ते इ वा, वद्दलियाभत्ते इ वा, पाहुणगभत्ते इ वा, सेज्जायर पिंडे इ वा, रायपिंडे इ वा, मूलभोयणे इ वा, कंदभोयणे इ वा, फलभोयणे इ वा, बीयभोयणे इ वा, हरियभोयणे इ वा, भुत्तए वा पायए वा । तुमं सि च णं जाया ! सुहसमुयिते णो चेव णं दुहसमुयिते, नालं सीयं, नालं उण्हं, नालं खुहा, नालं पिवासा, नालं चोरा, नालं वाला, नालं दंसा, नालं मसगा, नालं वाइय-पित्तिय-सेंभिय-सन्निवाइए विविहे रोगायके परीसहोवसग्गे उदिणे अहियासेत्तए । तं नो खलु जाया ! अम्हे इच्छामो तुज्ज्ञं खणमवि विप्पयोगं, तं अच्छाहि ताव जाया ! जाव ताव अम्हे जीवामो, तओ पच्छा अम्हेहिं जाव पव्वइहिसि । ४४. तए णं से जमाली खत्तियकुमारे अम्मा -पियरो एवं वयासी - तहा वि णं तं अम्म ! ताओ जं णं तुब्बे ममं एवं वदह— एवं खलु जाया ! निझंथे पावयणे सच्चे अणुत्तरे केवले तं चेव जाव पव्वइहिसि । एवं खलु अम्म ! ताओ ! निझंथे पावयणे कीवाणं कायराणं कापुरिसाणं इहलोगपडिबद्धाणं परलोगपरम्मुहाणं विसयतिसियाणं दुरणुचरे, पागयजणस्स, धीरस्स निच्छियरस्स ववसियरस्स नो खलु एथं किंचि वि दुक्रं करणयाए, तं इच्छामि णं अम्म ! ताओ ! तुब्बेहिं अब्भणुण्णाए समाणे समणस्स भगवओ महावीरस्स जाव पव्वइत्तए । [४५. जमालिपव्वजागहणे अम्मा-पिईणमणुमर्ती] ४५. तए णं तं जमालिं खत्तियकुमारं अम्मा -पियरो जाहे नो संचाएंति विसयाणुलोमाहि य विसयपडिकूलाहि य बहूहिं य आघवणाहि य पण्णवणाहि य सन्नवणाहि य विण्णवणाहि य आघवेत्तए वा जाव विण्णवेत्तए वा ताहे अकामाइं चेव जमालिस्स खत्तियकुमारस्स निक्खमणं अणुमन्नित्था । [सु. ४६-४२. विसिद्धुविभूव्वणणापुव्वं जमालिपव्वजागहणविसइयं वित्थरओ वण्णणं जमालिस्स पव्वजागहणं च] ४६. तए णं तस्स जमालिस्स खत्तियकुमारस्स पिया कोडुंपियपुरिसे सद्वावेइ, सद्वेत्ता एवं वयासी— खिप्पामेव भो देवाणुप्पिया ! खत्तियकुमारस्स नगरं सबिंतरबाहिरियं आसियसम्मज्जिओवलित्तं जहा उववाइए जाव पच्चपिणंति । ४७. तए णं से जमालिस्स खत्तियकुमारस्स पिया दोच्चं पि कोडुंपियपुरिसे सद्वावेइ, सद्वेत्ता एवं वयासी— खिप्पामेव भो देवाणुप्पिया ! जमालिस्स खत्तियकुमारस्स महत्थं महरिहं विपुलं पिक्खमणाभिसेयं उवद्ववेह । ४८. तए णं ते कोडुंबियपुरिसा तहेव जाव पच्चपिणंति । ४९. तए णं तं जमालिं खत्तियकुमारं अम्मा-पियरो सीहासणवरंसि पुरत्थाभिमुहं निसीयावेत्ति, निसीयावेत्ति अद्वसएणं

સોવણિયાણ કલસાણ એવ જહા રાયપ્રસેણિજે જાવ અદૃસએણ ભોમિજાણ કલસાણ સવિદ્ધીએ જાવ રવેણ મહયા મહયા નિકુમણાભિસેગેણ અભિસિંચિઝ, નિકુમણાભિસેગેણ અભિસિંચિત્તા કરયલ જાવ જએણ વદ્ધાવેંતિ, જએણ વિજએણ વદ્ધાવેતા એવ વયાસી— ભણ જાયા ! કિં દેખો ? કિં પયચ્છામો ? કિણ વા તે અદ્વો ? ૫૦. તએ ણ સે જમાલી ખત્તિયકુમારે અમ્મા -પિયરો એવ વયાસી— ઇચ્છામિ ણ અમ્મ ! તાઓ ! કુત્તિયાવણાઓ રયહરણ ચ પડિગાં ચ આણિં કાસવગં ચ સદ્વાવિં | ૫૧. તએ ણ સે જમાલિસ્સ ખત્તિયકુમારસ્સ પિયા કોડુંબિયપુરિસે સદ્વાવેઝ, સદ્વાવેતા એવ વયાસી— ખિપ્પામેવ ભો દેવાણુપ્પિયા ! સિરિધરાઓ તિણિ સયસહસ્સાં ગહાય સયસહસ્સેણ સયસહસ્સેણ કુત્તિયાવણાઓ રયહરણ ચ પડિગાં ચ આણેહ, સયસહસ્સેણ ચ કાસવગં સદ્વાવેહ | ૫૨. તએ ણ તે કોડુંબિયપુરિસા જમાલિસ્સ ખત્તિયકુમારસ્સ પિઉણ એવ વુત્તા સમાણા હૃદૃતુદ્વા કરયલ જાવ પડિસુણિતા ખિપ્પામેવ સિરિધરાઓ તિણિ સયસહસ્સાં તહેવ જાવ કાસવગં સદ્વાવેંતિ | ૫૩. તએ ણ સે કાસવએ જમાલિસ્સ ખત્તિયકુમારસ્સ પિઉણો કોડુંબિયપુરિસેહિં સદ્વાવિંતે સમાણે હૃદે તુદે ણહાએ કયબલિકમ્મે જાવ સરીરે જેણેવ જમાલિસ્સ ખત્તિયકુમારસ્સ પિયા તેણેવ ઉવાગચ્છિઝ, તેણેવ ઉવાગચ્છિતા કરયલ૦ જમાલિસ્સ ખત્તિયકુમારસ્સ પિયરં જએણ વિજએણ વદ્ધાવેઝ, જએણ વિજએણ વદ્ધાવિતા એવ વયાસી— સંદિસંતુ ણ દેવાણુપ્પિયા ! જં મએ કરણિજં | ૫૪. તએ ણ સે જમાલિસ્સ ખત્તિયકુમારસ્સ પિયા તં કાસવગં એવ વયાસી— તુમં ણ દેવાણુપ્પિયા ! જમાલિસ્સ ખત્તિયકુમારસ્સ પરેણ જતેણ ચઉરંગુલવજે નિકુમણપાઉઝે અંગકેસે કપ્પેહિ | ૫૫. તએ ણ સે કાસવએ જમાલિસ્સ ખત્તિયકુમારસ્સ પિઉણ એવ વુત્તે સમાણે હૃદૃતુદ્વે કરયલ જાવ એવ સામી ! તહત્તાણાએ વિણએણ વયણ પડિસુણેઝ, પડિસુણિતા સુરભિણા ગંધોદએણ હત્થ -પાદે પક્કાલેઝ, સુરભિણા ગંધોદએણ હત્થ-પાદે પક્કાલિતા સુદ્વાએ અદૃપડલાએ પોતીએ મુહં બંધિઝ, મુહં બંધિતા જમાલિસ્સ ખત્તિયકુમારસ્સ પરેણ જતેણ ચઉરંગુલવજે નિકુમણપાઉઝે અંગકેસે કપ્પેઝ | ૫૬. તએ ણ સા જમાલિસ્સ ખત્તિયકુમારસ્સ માયા હંસલક્કણેણ પડસાડએણ અંગકેસે પડિચ્છિઝ, અંગકેસે પડિચ્છિતા સુરભિણા ગંધોદએણ પક્કાલેઝ, સુરભિણા ગંધોદએણ પક્કાલેતા અંગેહિં વરેહિં ગંધેહિં મલ્લેહિં અચેતિ, અચ્ચિતા સુદ્વાવત્થેણ બંધેઝ, સુદ્વાવત્થેણ બંધિતા રયણકરંડગંસિ પક્કિખવતિ, પક્કિખવિતા હાર-વારિધાર-સિંદુવાર-છિન્નમુત્તાવલિપ્પગાસાં સુયવિયોગદૂસહાં અંસૂઝ વિણિમ્મુયમાણી વિણિમ્મુયમાણી એવ વયાસી— એસ ણ અમ્હં જમાલિસ્સ ખત્તિયકુમારસ્સ બહ્લૂસુ તિહીસુ ય પવ્વણીસુ ય ઉસ્સવેસુ ય જણેસુ ય છેણેસુ ય અપચ્છિમે દરિસણે ભવિસ્સતિ ઇતિ કદુ ઓસીસગમૂલે ઠવેતિ | ૫૭. તએ ણ તસ્સ જમાલિસ્સ ખત્તિયકુમારસ્સ અમ્મા-પિયરો દુચ્ચં પિ ઉત્તરાવક્કમણ સીહાસણ રયાવેંતિ, દુચ્ચં પિ ઉત્તરાવક્કમણ સીહાસણ રયાવિતા જમાલિં ખત્તિયકુમાર સેયાપીતએહિં કલસેહિં ણહાણેંતિ, સે૦ ૨ પમ્હસુકુમાલાએ સુરભીએ ગંધકાસાં ગાયાં લૂહેંતિ, સુરભીએ ગંધકાસાં ગાયાં લૂહેતા સરસેણ ગોસીસચંદળેણ ગાયાં અણુલિંપંતિ, ગાયાં અણુલિંપિતા નાસાનિસ્સાસવાયવોજ્ઝં ચક્કખુહરં વણણફરિસજુંત હ્યલાલાપેલવાતિરેણ ધ્વલં કણગ્ખચિયંતકમ્મં મહરિહં હંસલક્કણં પડસાડગં પરિહિંતિ, પરિહિતા હારં પિણદ્વેંતિ, ૨ અદ્વહારં પિણદ્વેંતિ, અ૦ પિણદ્વિતા એવ જહા સૂરિયાભસ્સ અલંકારો તહેવ જાવ ચિત્તં રયણસંકદુક્કં મઉં પિણદ્વંતિ, કિં બહુણા ? ગંથિમ-વેઢિમ-પુરિમ-સંધાતિમેણ ચઉવ્વિહેણ મલ્લેણ કપ્પરુક્કખગં પિવં અલંકિયવિભૂસિયં કરેંતિ | ૫૮. તએ ણ સે જમાલિસ્સ ખત્તિયકુમારસ્સ પિયા કોડુંબિયપુરિસે સદ્વાવેઝ, સદ્વાવેતા એવ વયાસી-ખિપ્પામેવ ભો દેવાણુપ્પિયા ! અણેગ્ખંભસયસન્નિવિં લીલદ્વિયસાલભંજિયાં જહા રાયપ્રસેણિજે વિમાણવણાઓ જાવ મણિરયંટિયાજાલપરિખિતં પુરિસસહસ્સવાહણીય સીયં ઉવદૂવેહ, ઉવદૂવેતા મમ એયમાણિતિય પચ્ચપ્પિણહ | ૫૯. તએ ણ તે કોડુંબિયપુરિસા જાવ પચ્ચપ્પિણંતિ | ૬૦. તએ ણ સે જમાલી ખત્તિયકુમારે કેસાલંકારેણ વત્થાલંકારેણ મલ્લાલંકારેણ આભરણાલંકારેણ ચઉવ્વિહેણ અલંકારેણ અલંકિરણ સમાણે પડિપુણાલંકારે સીહાસણાઓ અબ્ભુદેતિ, સીહાસણાઓ અબ્ભુદેતા સીયં અણુપ્પદાહિણીકરેમાણે સીયં દુર્ઘણી, દુર્ઘણી સીહાસણવરંસિ પુરત્થાભિમુહે સન્નિસણે | ૬૧. તએ ણ તસ્સ જમાલિસ્સ ખત્તિયકુમારસ્સ માયા ણહાયા કયબલિકમ્મા જાવ સરીરા હંસલક્કણં પડસાડગં ગહાય સીયં અણુપ્પદાહિણીકરેમાણી સીયં દુર્ઘણી, સીયં દુર્ઘણી જમાલિસ્સ ખત્તિયકુમારસ્સ દાહિણે પાસે ભદ્રાસણવરંસિ સન્નિસણા | ૬૨. તએ ણ તસ્સ જમાલિસ્સ ખત્તિયકુમારસ્સ અમ્મધાઈ ણહાયા જાવ સરીરા રયહરણ ચ પડિગાં ચ

ગહાય સીયં અણુપ્પદાહિણીકરેમાણી સીયં દુરૂહુઇ, સીયં દુરૂહિત્તા જમાલિસ્સ ખત્તિયકુમારસ્સ વામે પાસે ભદ્રાસણવરંસિ સન્નિસણણા । ૬૩. તએ ણં તસ્સ જમાલિસ્સ ખત્તિયકુમારસ્સ પિદ્બો એગા વરતરુણી સિંગારાગારચારુવેસા સંગય-ગય જાવ રૂવજોવ્વણવિલાસકલિયા સુંદરથણ૦ હિમ-રયત-કુમુદ-કુંદેંદુપ્પગાસં સકોરેંટમલ્લદામં ધવલં આયવત્તં ગહાય સલીલં ઓધરેમાણી ઓધરેમાણી ચિદૃતિ । ૬૪. તએ ણં તસ્સ જમાલિસ્સ ઉભયોપાસિં દુવે વરતરુણીઓ સિંગારાગારચારુ જાવ કલિયાઓ નાણામળિ-કણગ-રયણ-વિમલમહરિહતવળિજુજલવિચિત્તદંડાઓ ચિલ્લિયાઓ સંખંક-કુંદેંદુ દગરયઅમયમહિયફેણપુંજસન્નિકાસાઓ ચામરાઓ ગહાય સલીલં વીયમાણીઓ વીયમાણીઓ ચિદૃતિ । ૬૫. તએ ણં તસ્સ જમાલિસ્સ ખત્તિયકુમારસ્સ ઉત્તરપુરસ્થિમેણં એગા વરતરુણી સિંગારાગાર જાવ કલિયા સેયં રયતામયં વિમલસલિલપુણં મત્તગયમહામુહાકિતિસમાણં ભિંગારં ગહાય ચિદૃતિ । ૬૬. તએ ણં તસ્સ જમાલિસ્સ ખત્તિયકુમારસ્સ દાહિણપુરિથમેણં એગા વરતરુણી સિંગારાગાર જાવ કલિયા ચિત્તં કણગંડં તાલયંટં ગહાય ચિદૃતિ । ૬૭. તએ ણં તસ્સ જમાલિસ્સ ખત્તિયકુમારસ્સ પિયા કોડુંબિયપુરિસે સદ્ધાવેઝ, કોડુંબિયપુરિસે સદ્ધાવેતા એવં વ્યાસી— ખિપ્પામેવ ભો દેવાણુપ્પિયા ! સરિસયં સરિત્તયં સરિવ્વયં સરિસલાવણ્ણ -રૂવ-જોવ્વણગુણોવવેણં એગાભરણવસણગહિયનિજોયં કોડુંબિયવરતરુણસહસ્સં સદ્ધાવેહ । ૬૮. તએ ણં તે કોડુંબિયપુરિસા જાવ પડિસુણેતા ખિપ્પામેવ સરિસયં સરિત્તયં જાવ સદ્ધાવેંતિ । ૬૯. તએ ણં તે કોડુંબિયપુરિસા (?તરુણા) જમાલિસ્સ ખત્તિયકુમારસ્સ પિઉણો કોડુંબિયપુરિસેહિં સદ્ધાવિયા સમાણા હવૃતુદ્વ૦ એહાયા કયબલિકમ્મા કયકોઉયમંગલપાયચ્છિત્તા એગાભરણ-વસણગહિયનિજોયા જેણેવ જમાલિસ્સ ખત્તિયકુમારસ્સ પિયા તેણેવ ઉવાગચ્છંતિ, તેણેવ ઉવાગચ્છિત્તા કરયળ જાવ વદ્ધવેતા એવં વ્યાસી— સંદિસંતુ ણ દેવાણુપ્પિયા ! જં અમ્હેહિં કરણિજ્જં । ૭૦. તએ ણં સે જમાલિસ્સ ખત્તિયકુમારસ્સ સીયં પરિવહણ । ૭૧. તએ ણં તે કોડુંબિયપુરિસા(?તરુણા) જમાલિસ્સ ખત્તિયકુમારસ્સ જાવ પડિસુણેતા એહાયા જાવ ગહિયનિજોગા જમાલિસ્સ ખત્તિયકુમારસ્સ સીયં પરિવહણ । ૭૨. તએ ણં તસ્સ જમાલિસ્સ ખત્તિયકુમારસ્સ પુરિસસહસ્સવાહિણં સીયં દુરૂઢસ્સ સમાણસ્સ તપ્પદમયાએ ઇમે અદૃદૃમંગલગા પુરાઓ અહાણપુબ્વીએ સંપદ્ધિયા, તં— સોત્થિય સિરિવચ્છ જાવ દપ્પણા । તદણંતરં ચ ણં પુણણકલસભિંગારં જહા ઉવવાઇએ જાવ ગગણતલમણુલિહંતી પુરાઓ અહાણપુબ્વીએ સંપદ્ધિયા । એવં જહા ઉવવાઇએ તહેવ ભાણિયવ્વં જાવ આલોયં ચ કરેમાણા ‘જય જય’ સદં ચ પઉંજમાણા પુરાઓ અહાણપુબ્વીએ સંપદ્ધિયા । ૭૩. તએ ણં સે જમાલિસ્સ ખત્તિયકુમારસ્સ પિયા એહાએ કતબલિકમ્મે જાવ વિભૂસિએ હત્થિખંધવરગાએ સકોરેંટમલ્લદામેણં છત્તેણં ધરિજમાણેણં સેયવરચામરાહિં ઉદ્ધુવ્વમાણીહિં હ્યા-ગય-રહ-પવરજોહકલિયાએ ચાઉરંગિણીએ સેણાએ સંપરિવુડે મહયા ભડ -ચડગર જાવ પરિકિખતે જમાલિસ્સ ખત્તિયકુમારસ્સ પિદ્બો પિદ્બો અણુગચ્છિ । ૭૪. તએ ણં તસ્સ જમાલિસ્સ ખત્તિયકુમારસ્સ પુરાઓ મહંઆસા આસવરા, ઉભાઓ પાસિં ણાગા ણાગવરા, પિદ્બો રહા રહસંગેલ્લી । ૭૫. તએ ણં સે જમાલી ખત્તિયકુમારે અબ્બુગયભિંગારે પગહિયતાલિયંટે ઊસવિયસેતછતે પવીઇતસેતચામરવાલવીયણીએ સાંબિદ્ધીએ જાવ ણાદિતરવેણ ખત્તિયકુંડગ્ગામં નગરં મજ્જંમંજ્જેણેણ જેણેવ માહણકુંડગ્ગામે નયરે જેણેવ બહુસાલએ ચેદ્દે જેણેવ સમાણે ભગવં મહાવીરે તેણેવ પહારેત્થ ગમણાએ । ૭૬. તએ ણં તસ્સ જમાલિસ્સ ખત્તિયકુમારસ્સ ખત્તિયકુંડગ્ગામં નગરં મજ્જંમંજ્જેણેણ નિગચ્છમાણસ્સ સિંઘાડગ-તિગ-ચાઉક જાવ પહેસુ બહવે અત્થત્વિયા જહા ઉવવાઇએ જાવ આભિનંદંતા ય અભિત્થુંંતા ય એવં વ્યાસી— જય જય ણંદા ! ધમ્મેણ, જય જય ણંદા ! તવેણ, જય જયણંદા ! ભદ્દં તે, અભગેહિં ણાણ-દંસણ-ચરિત્તમુત્તમેહિં અજિયાંં જિણાહિ ઇંદિયાંં, જિયં ચ પાલેહિ સમણધમ્મં, જિયવિગ્નો વિ ય વસાહિ તં દેવ ! સિદ્ધિમજ્જે, ણિહણાહિ ય રાગ-દોસમલ્લે તવેણ ધિતિધણિયબદ્ધકચ્છે, મદ્ધાહિ અદૃકમ્મસત્તુ ઝાણેણ ઉત્તમેણ સુક્રેણ, અપ્પમત્તો હરાહિ આરાહણપડાગં ચ ધીર ! તિલોક્રંગમજ્જે, પાવ ય વિતિમિરમણુત્તરં કેવલં ચ ણાણં, ગચ્છ ય મોક્રં પરં પદં જિણવરોવદિદ્દેણ સિદ્ધિમગ્ગેણ અકુડિલેણ, હંતા પરીસહચમું, અભિભવિય ગામકંટકોવસગા ણં, ધમ્મે તે અવિઘમત્થુ । ત્તિ કદુ

अभिनंदनं ता य अभिशुणति य । ७७. तए णं से जमाली खत्तियकुमारे नयणमालासहस्रेहिं पिच्छिज्जमाणे पिच्छिज्जमाणे एवं जहा उववाइए कूणिओ जाव णिगच्छति, निगच्छिता जेणेव माहणकुंडग्गामे नगरे जेणेव बहुसालए चेझए तेणेव उवागच्छइ, तेणेव उवागच्छिता छत्तादीए तिथगरातिसए पासइ, पासिता पुरिससहस्रवाहिणि सीयं ठवेइ, ठविता पुरिससहस्रवाहिणीओ सीयाओ पच्चोरुहइ । ७८. तए णं तं जमालिं खत्तियकुमारं अम्मा-पियरो पुरओ काउं जेणेव समणे भगवं महावीरे तेणेव उवागच्छइ; तेणेव उवागच्छिता, समणं भगवं महावीरं तिकखुत्तो जाव नमंसिता एवं वदासी— एवं खलु भंते ! जमाली खत्तियकुमारे अम्हं एगे पुत्ते इट्टे कंते जाव किमंग पुण पासणयाए ? से जहानामए उप्पले इ वा पउमे इ वा जाव सहस्रपत्ते इ वा पैके जाए जले संवुहे णोवलिप्पति पंकरएणं णोवलिप्पइ जलरएणं एवामेव जमाली वि खत्तियकुमारे कामेहिं जाए भोगेहिं संवुहे णोवलिप्पइ कामरएणं णोवलिप्पइ भोगरएणं णोवलिप्पइ मित्त-णाइ-नियग-सयण-संबंधि-परिजणेणं, एस णं देवाणुप्पिया ! संसारभउव्विग्गे, भीए जम्मण-मरणेणं देवाणुप्पियाणं अंतिए मुंडे भविता अगाराओ अणगारियं पव्वयइ, तं एयं णं देवाणुप्पियाणं अम्हे सीसभिकखं दलयामो, पडिच्छंतु णं देवाणुप्पिया सीसभिकखं । ७९. तए णं समणे भगवं महावीरे तं जमालिं खत्तियकुमारं एवं वयासी— अहासुहं देवाणुप्पिया ! मा पडिबंधं । ८०. तए णं से जमाली खत्तियकुमारे समणेणं भगवया महावीरेणं एवं वुते समणे हहुतुहे समणं भगवं महावीरं तिकखुत्तो जाव नमंसिता उत्तरपुराथिमं दिसीभाणं अवक्कमइ, अवक्कमित्ता सयमेव आभरण-मल्लालंकार ओमुयइ । ८१. तते णं से जमालिस्स खत्तियकुमारस्स माया हंसलकखणेणं पडसाडएणं आभरण-मल्लालंकारं पडिच्छति, पडिच्छिता हार-वारि जाव विणिम्मुयमाणी विणिम्मुयमाणी जमालिं खत्तियकुमारं एवं वयासी— ‘घडियव्वं जाया !, जडियव्वं जाया !, परक्कमियव्वं जाया !, अस्सिं च णं अड्हे णो पमायेतव्वं’ ति कहु जमालिस्स खत्तियकुमारस्स अम्मा-पियरो समणं भगवं महावीरं वंदति णमंसंति, वंदिता णमंसिता, जामेव दिसं पाउब्भूया तामेव दिसं पडिगया । ८२. तए णं से जमाली खत्तियकुमारे सयमेव पंचमुद्धियं लोयं करेति, करिता जेणेव समणे भगवं महावीरे तेणेव उवागच्छइ, तेणेव उवागच्छिता एवं जहा उसभदत्तो (सु. १६) तहेव पव्वइओ, नवरं पंचहिं पुरिससएहिं सद्धिं तहेव सव्वं जाव सामाइयमाइयाइं एक्कारस अंगाइं अहिजइ, सामाइयमाइयाइं एक्कारस अंगाइं अहिजेता बहूहिं चउत्थ-छहु-ऽहुम जाव मासद्धमासखमणेहिं विचित्तेहिं तवोकम्मेहिं अप्पाणं भावेमाणे विहरइ । [सु. ८३-८७. भगवंताणुमइउवेहगस्स जमालिस्स जणवयविहरण] ८३. तए णं से जमाली अणगारे अन्नया कयाई जेणेव समणे भगवं महावीरे तेणेव उवागच्छइ, तेणेव उवागच्छिता समणं भगवं महावीरं वंदति नमंसति, वंदिता नमंसिता एवं वयासी— इच्छामि णं भंते ! तुब्भेहिं अब्भणुण्णाए समाणे पंचहिं अणगारसएहिं सद्धिं बहिया जणवयविहारं विहरित्तए । ८४. तए णं से समणे भगवं महावीरे जमालिस्स अणगारस्स एयमद्धं णो आढाइ, णो परिजाणाइ, तुसिणीए संचिद्धइ । ८५. तए णं से जमाली अणगारे समणं भगवं महावीरं दोच्चं पि तच्चं पि एवं वयासी— इच्छामि णं भंते ! तुब्भेहिं अब्भणुण्णाए समाणे पंचहिं अणगारसएहिं सद्धिं जाव विहरित्तए । ८६. तए णं समणे भगवं महावीरे जमालिस्स अणगारस्स दोच्चं पि तच्चं पि एयमद्धं णो आढाइ जाव तुसिणीए संचिद्धइ । ८७. तए णं से जमालि अणगारे समणं भगवं महावीरं वंदइ णमंसइ वंदिता णमंसिता समणस्स भगवओ महावीरस्स अंतियाओ बहुसालाओ चेझयाओ पडिनिकखमइ, पडिनिकखमित्ता पंचहिं अणगारसएहिं सद्धिं बहिया जणवयविहारं विहरइ । [सु. ८८-९१. जमालिस्स सावत्थीए भगवओ य चंपाए विहरण] ८८. तेणं कालेणं तेणं समएणं सावत्थी नामं णयरी होत्था । वण्णओ । कोट्टए चेझए । वण्णओ । जाव वणसंडस्स । ८९. तेणं कालेणं तेणं समएणं चंपा नाम नयरी होत्था । वण्णओ । पुण्णभद्वे चेझए । वण्णओ । जाव पुढविसिलावहुओ । ९०. तए णं से जमाली अणगारे अन्नया कयाइ पंचहिं अणगारसएहिं सद्धिं संपरिवुडे पुव्वाणुपुव्विं चरमाणे गामाणुगामं दूज्जमाणे जेणेव सावत्थी नयरी जेणेव कोट्टए चेझए तेणेव उवागच्छइ, तेणेव उवागच्छिता अहापडिरुवं उग्गहं उग्गिणहति, अहापडिरुवं उग्गहं उग्गिणहिता संजमेणं तवसा अप्पाणं भावेमाणे विहरइ । ९१. तए णं समणे भगवं महावीरे अन्नया कयाइ पुव्वाणुपुव्विं चरमाणे जाव सुहंसुहेणं विहरमाणे जेणेव चंपा नगरी जेणेव पुण्णभद्वे चेझए तेणेव उवागच्छइ; तेणेव उवागच्छिता अहापडिरुवं उग्गहं उग्गिणहति, अहापडिरुवं उग्गहं उग्गिणहिता संजमेणं तवसा अप्पाणं भावेमाणे विहरइ । [सु. ९२. जमालिसरीरे

રોગાયંકુપ્તી] ૧૨. તએ ણં તસ્સ જમાલિસ્સ અણગારસ્સ તેહિં અરસેહિ ય વિરસેહિ ય અંતેહિ ય પંતેહિ ય લૂહેહિ ય તુચ્છેહિ ય કાલાઇકંતેહિ ય પમાણાઇકંતેહિ ય સીતએહિ ય પાણ -ભોયણેહિં અન્નયા કયાઇ સરીરગંસિ વિઉલે રોગાતંકે પાઉભૂએ ઉજલે તિઉલે પગાઢે કક્ષસે કડુએ ચંડે દુક્ખે દુગે તિવે દુરહિયાસે, પિત્તજરપરિગતસરીરે દાહવક્ષંતિએ યાવિ વિહરઇ। [સુ. ૧૩-૧૭. ઉપ્પન્નરોગાયંકસ્સ જમાલિસ્સ સંથારગકરણપણહૃત્તરગય - ‘કડેમાણકડ’વિસઝયા વિપરિણામણા] ૧૩. તએ ણં સે જમાલી અણગારે વેયણાએ અભિભૂએ સમાણે સમણે ણિગંથે સદ્વાવેઇ, સદ્વાવેત્તા એવં વયાસી-તુબ્બે ણં દેવાણુપ્પિયા ! મમ સેજ્જાસંથારગં સંથરેહ | ૧૪. તએ ણં તે સમણા ણિગંથા જમાલિસ્સ અણગારસ્સ એયમદું વિણએણ પડિસુણેતિ, પડિસુણેતા જમાલિસ્સ અણગારસ્સ સેજ્જાસંથારગં સંથરેતિ | ૧૫. તએ ણં સે જમાલી અણગારે બલિયતરં વેદણાએ અભિભૂએ સમાણે દોચ્ચ પિ સમણે ણિગંથે સદ્વાવેઇ, સદ્વાવિત્તા દોચ્ચ પિ એવં વયાસી-મમં ણં દેવાણુપ્પિયા ! સેજ્જાસંથારએ કિં કડે ? કજઇ ? તએ ણં તે સમણા ણિગંથા જમાલિં અણગારં એવં વયાસી-ણો ખલુ દેવાણુપ્પિયાણ સેજ્જાસંથારએ કડે, કજતિ। [સુ. ૧૬-૧૭. ‘ચલમાણ-ચલિય’ આઇભગવંતવયણવિરુદ્ધાએ જમાલિકયાએ પરૂબણાએ કેસિંચિ જમાલિસિસાણમસદ્વહણા ભગવંતસમીવગમણં ચ] ૧૬. તએ ણં તસ્સ જમાલિસ્સ અણગારસ્સ અયમેયારૂવે અજ્ઞાત્તિએ જાવ સમુપ્પજિત્થા-જં ણં સમણે ભગવં મહાવીરે એવં આઇક્ખવઇ જાવ એવં પરૂવેઇ-‘એવં ખલુ ચલમાણે ચલિએ, ઉદીરિજ્જમાણે ઉદીરિએ જાવ નિજરિજ્જમાણે ણિજિણે’ તં ણં મિચ્છા, ઇમં ચ ણં પચ્ચક્ખમેવ દીસઙ્ગ સેજ્જાસંથારએ કજમાણે અકડે, સંથરિજ્જમાણે અસંથરિએ, જમ્હા ણં સેજ્જાસંથારએ કજમાણે અકડે સંથરિજ્જમાણે અસંથરિએ તમ્હા ચલમાણે વિ અચલિએ જાવ નિજરિજ્જમાણે વિ અણિજિણે | એવં સંપેહેઇ; એવં સંપેહેત્તા સમણે ણિગંથે સદ્વાવેઇ; સમણે ણિગંથે સદ્વાવેત્તા એવં વયાસી-જં ણં દેવાણુપ્પિયા ! સમણે ભગવં મહાવીરે એવં આઇક્ખવઇ જાવ પરૂવેઇ-એવં ખલુ ચલમાણે ચલિએ તં ચેવ સબ્વં જાવ ણિજરિજ્જમાણે અણિજિણે | ૧૭. તએ ણં તસ્સ જમાલિસ્સ અણગારસ્સ એવં આઇક્ખમાણસ્સ જાવ પરૂવેમાણસ્સ અત્થેગઝયા સમણા ણિગંથા એયમદું સદ્વહંતિ પત્તિયંતિ રોયંતિ | અત્થેગઝયા સમણા ણિગંથા એયમદું ણો સદ્વહંતિ ણો પત્તિયંતિ ણો રોયંતિ | તત્થ ણં જે તે સમણા ણિગંથા જમાલિસ્સ અણગારસ્સ એયમદું સદ્વહંતિ પત્તિયંતિ રોયંતિ તે ણં જમાલિં ચેવ અણગારં ઉવસંપજિત્તાણ વિહરંતિ | તત્થ ણં જે તે સમણા ણિગંથા જમાલિસ્સ અણગારસ્સ એયમદું ણો સદ્વહંતિ ણો પત્તિયંતિ ણો રોયંતિ તે ણં જમાલિસ્સ અણગારસ્સ અંતિયાઓ કોદ્દ્યાઓ ચેઝયાઓ પડિનિક્ખમંતિ, પડિનિક્ખમિતા પુબ્વાણુપુબ્વિં ચરમાણ ગામાણુગામં દૂઝ્જમાણ જેણેવ ચંપાનયરી જેણેવ પુણભદે ચેઝએ જેણેવ સમણે ભગવં મહાવીરે તેણેવ ઉવાગચ્છંતિ, ઉવાગચ્છિત્તા સમણં ભગવં મહાવીરં તિક્ખુત્તો આયાહિણં પયાહિણં કરેંતિ, કરિત્તા વંદંતિ ણમંસંતિ, ૨ સમણં ભગવં મહાવીરં ઉવસંપજિત્તાણ વિહરંતિ | [સુ. ૧૮. ચંપાએ ભગવંતસમીવાગયસ્સ જમાલિસ્સ અપ્પાણમુદ્વિસ્સ કેવલિત્પપરૂબણં] ૧૮. તએ ણં સે જમાલી અણગારે અન્નયા કયાઇ તાઓ રોગાયંકાઓ વિપ્પમુક્ષે હુદ્દે જાએ અરોએ બલિયસરીરે સાવત્થીઓ નયરીઓ કોદ્દ્યાઓ ચેઝયાઓ પડિનિક્ખમઝ, પડિનિક્ખમિતા પુબ્વાણુપુબ્વિં ચરમાણ ગામાણુગામં દૂઝ્જમાણ જેણેવ ચંપા નયરી જેણેવ પુણભદે ચેઝએ જેણેવ સમણે ભગવં મહાવીરે તેણેવ ઉવાગચ્છંડ, ઉવાગચ્છિત્તા સમણસ્સ ભગવાઓ મહાવીરસ્સ અદૂરસામંતે ઠિચ્ચા સમણં ભગવં મહાવીરં એવં વયાસી-જહા ણં દેવાણુપ્પિયાણ બહવે અંતેવાસી સમણા ણિગંથા છુટમત્થા ભવેત્તા છુટમત્થાવક્ખમણેણ અવક્ષંતા, ણો ખલુ અહં તહા છુટમત્થે ભવિત્તા છુટમત્થાવક્ખમણેણ અવક્ષંતે, અહં ણં ઉપ્પન્નાણં-દંસણધરે અરહા જિણે કેવલી ભવિત્તા કેવલિઅવક્ખમણેણ અવક્ષંતે તો ણં ઇમાઇં દો વાગરણાઇ વાગરેહિ, ‘સાસએ લોએ જમાલી ! અસાસએ લોએ જમાલી ! ? સાસએ જીવે જમાલી ! ?’ ૧૦૦. તએ ણં સે જમાલી અણગારે ભગવાઓ ગોયમેણ એવં વુત્તે સમણે સંકિએ કંખિએ જાવ કલુસસમાવન્ને જાએ યાવિ હોત્થા, ણો સંચાએતિ ભગવાઓ ગોયમસ્સ કિંચિ વિ પમોક્ખમાઇક્ખિત્તએ, તુસિણીએ સંચિદ્દુઇ | ૧૦૧. ‘જમાલી’તિ સમણે ભગવં મહાવીરે જમાલિં અણગારં એવં વયાસી-અથિ ણં જમાલી ! મમં બહવે

અંતેવાસી સમણા નિર્ગંથા છુતમત્થા જે એં પભૂ એં વાગરણ વાગરિત્તએ જહા એં અહં, નો ચેવ એં એયપ્પગારં ભાસં ભાસિત્તએ જહા એં તુભં | સાસએ લોએ જમાલી ! જં એં કયાવિ ણાસિ ણ, કયાવિ ણ ભગતિ ણ, ન કદાવિ ણ ભવિસ્સઙ્ગ; ભુવિં ચ, ભવઙ્ગ ય, ભવિસ્સઙ્ગ ય, ધુવે ણિતિએ સાસએ અક્ખએ અવદ્વિએ ણિચે | અસાસએ લોએ જમાલી ! જાઓ ઓસપ્પણી ભવિત્તા ઉસ્સપ્પણી ભવઙ્ગ, ઉસ્સપ્પણી ભવિત્તા ઓસપ્પણી ભવઙ્ગ | સાસએ જીવે જમાલી ! જં એં ન કયાન્ ણાસિ જાવ ણિચે | અસાસએ જીવે જમાલી ! જં એં નેરઝે ભવિત્તા તિરિક્ખજોણિએ ભવઙ્ગ, તિરિક્ખજોણિએ ભવિત્તા મણુસ્સે ભવઙ્ગ, મણુસ્સે ભવિત્તા દેવે ભવઙ્ગ | ૧૦૨. તએ એં સે જમાલી અણગારે સમણસ્સ ભગવાં મહાવીરસ્સ એવમાઝક્ખમાણસ્સ જાવ એવં પરૂવેમાણસ્સ એયમંડું ણો સદ્ધહં ણો પત્તિયહં ણો રોએઝ, એયમંડું અસદ્ધમાણે અપત્તિયમાણે અરોએમાણે દોચ્ચં પિ સમણસ્સ ભગવાં મહાવીરસ્સ અંતિયાઓ આયાએ અવક્ખમઝ, દોચ્ચં પિ આયાએ અવક્ખમિત્તા બહૂહં અસબ્ભાવુભાવણાહિં મિચ્છત્તાભિણવેસેહિ ય અપ્પાણ ચ પરં ચ તદુભયં ચ વુગાહેમાણે વુપ્પાએમાણે બહૂહં વાસાં સામણ્ણપરિયાં પાઉણહં, પાઉણત્તા અદ્ભુતાસિયાએ સંલેહણાએ અત્તાણ ઝૂસેઝ, ૫૦ ઝૂસેત્તા તીસં ભત્તાં અણસણાએ છેદેતિ, છેદેતા તસ્સ ઠાણસ્સ અણાલોઝ્યપડિક્ંતે કાલમાસે કાલં કિચ્ચા લંતએ કપ્પે તેરસસાગરોવમઠીએસુ દેવકિબ્બિસિએસુ દેવેસુ દેવકિબ્બિસિયત્તાએ ઉવવન્ને | [સુ. ૧૦૩. ગોયમપણહુત્તરે ભગવંતકયં જમાલિગઝપરૂવણં] ૧૦૩. તએ એં સે ભગવં ગોયમે જમાલિં અણગારં કાલગયં જાણત્તા જેણેવ સમણે ભગવં મહાવીરે તેણેવ ઉવાગચ્છહં, ઉવાગચ્છત્તા સમણં ભગવં મહાવીરં વંદતિ નમંસતિ, વંદત્તા નમંસિત્તા એવં વયાસી-એવં ખલુ દેવાણપ્પિયાં અંતેવાસી કુસિસ્સે જમાલી ણામં અણગારે, સે એં ભંતે ! જમાલી અણગારે કાલમાસે કાલં કિચ્ચા કહિં ગાએ ? કહિં ઉવવન્ને ? ગોયમા દિ સમણે ભગવં મહાવીરે ભગવં ગોયમં એવં વયાસી-એવં ખલુ ગોયમા ! મમ અંતેવાસી કુસિસ્સે જમાલી નામં અણગારે સે તદા મમ એવં આઝક્ખમાણસ્સ ૪ એયમંડું ણો સદ્ધહં ણો પત્તિયહં ણો રોએઝ, એયમંડું અસદ્ધમાણે અપત્તિયમાણે અરોએમેણે દોચ્ચં પિ મમ અંતિયાઓ આયાએ અવક્ખમઝ, અવક્ખમિત્તા બહૂહં અસબ્ભાવુભાવણાહિં તં ચેવ જાવ દેવ કિબ્બિસિયત્તાએ ઉવવન્ને | [સુ. ૧૦૪-૯. દેવકિબ્બિસિયાં ભેય-ઠાણ-ઉવવાયહેઉ-અણંતરગઝપરૂવણા] ૧૦૪. કતિવિહા એં ભંતે ! દેવકિબ્બિસિયા પણત્તા ? ગોયમા ! તિવિહા દેવકિબ્બિસિયા પણત્તા, તં જહા— તિપલિઓવમદ્વિર્યા, તિસાગરોવમદ્વિર્યા, તેરસસાગરોવમદ્વિર્યા | ૧૦૫. કહિં એં ભંતે ! તિપલિઓવમદ્વિતીયા દેવકિબ્બિસિયા પરિવસંતિ ? ગોયમા ! ઊષ્ણે જોઝિસિયાં, હિંદું સોહ્મીસાણેસુ કપ્પેસુ, એથ્ય એં તિપલિઓવમદ્વિર્યા દેવકિબ્બિસિયા પરિવસંતિ | ૧૦૬. કહિં એં ભંતે ! તિસાગરોવમદ્વિર્યા દેવકિબ્બિસિયા પરિવસંતિ ? ગોયમા ! ઊષ્ણે સોહ્મીસાણાં કપ્પાણ, હિંદું સણુંકુમાર - માહિંદેસુ કપ્પેસુ, એથ્યે એં તિસાગરોવમદ્વિર્યા દેવકિબ્બિસિયા પરિવસંતિ | ૧૦૭. કહિં એં ભંતે ! તેરસસાગરોવમદ્વિર્યા દેવકિબ્બિસિયા દેવા પરિવસંતિ ? ગોયમા ! ઊષ્ણે બંભલોગસ્સ કપ્પસ્સ, હિંદું લંતએ કપ્પે, એથ્ય એં તેરસસાગરોવમદ્વિર્યા દેવકિબ્બિસિયા દેવા પરિવસંતિ | ૧૦૮. દેવકિબ્બિસિયા એં ભંતે ! કેસુ કમ્માદાણેસુ દેવકિબ્બિસિયત્તાએ ઉવવત્તારો ભવંતિ ? ગોયમા ! જે ઝેમે જીવા આયરિયપડિણીયા ઉવજ્ઞાયપડિણીયા કુલપડિણીયા ગણપડિણીયા, સંઘપડિણીયા, આયરિય - ઉવજ્ઞાયાણં અયસકરા અવણકરા અકિત્તિકરા બહૂહં અસબ્ભાવણાહિં મિચ્છત્તાભિનિવેસેહિ ય અપ્પાણ ચ પરં ચ ઉભયં ચ વુગાહેમાણા વુપ્પાએમાણા બહૂહં વાસાં સામણ્ણપરિયાં પાઉણત્તિ, પાઉણત્તા તસ્સ ઠાણસ્સ અણાલોઝ્યપડિક્ંતા કાલમાસે કાલં કિચ્ચા અન્નયરેસુ દેવકિબ્બિસિએસુ દેવકિબ્બિસિયત્તાએ ઉવવત્તારો ભવંતિ; તં જહા— તિપલિઓવમદ્વિતીએસુ વા તિસાગરોવમદ્વિતીએસુ વા તેરસસાગરોવમદ્વિતીએસુ વા | ૧૦૯. દેવકિબ્બિસિયા એં ભંતે ! તાઓ દેવલોગાઓ આઉક્ખએણ ભવક્ખએણ ઠિઝક્ખએણ અણંતરં ચયં ચિઝત્તા કહિં ગચ્છંતિ ? કહિં ઉવવજંતિ ? ગોયમા ! જાવ ચત્તારિ પંચ નેરઝે -તિરિક્ખજોણિય -મણુસ્સ -દેવભવગ્ઝહણાં સંસાર અણુપરિયદ્વિત્તા તાઓ પચ્છા સિજ્જંતિ બુજ્જંતિ જાવ અંતં કરેંતિ | અત્યેગઝયા અણાદીયં અણવદગ્ઝં દીહમદ્વં ચાઉરંતસંસારકંતારં અણુપરિયદ્વંતિ | [સુ. ૧૧૦-૧૧. જમાલિસ્સ દેવકિબ્બિસિઓવવાયહેઉપરૂવણા] ૧૧૦. જમાલી એં

ભંતે ! અણગારે અરસાહારે વિરસાહારે અંતાહારે પંતાહારે લૂહાહારે તુચ્છાહારે અરસજીવી વિરસજીવી જાવ તુચ્છજીવી ઉવસંતજીવી પસંતજીવી વિવિત્તજીવી ? હંતા, ગોયમા ! જમાલી ણં અરગારે અરસાહારે વિરસાહારે જાવ વિવિત્તજીવિ ? હંતા, ગોયમા ! જમાલી ણં અરગારે અરસાહારે વિરસાહારે જાવ વિવિત્તજીવી | ૧૧૧. જતિ ણં ભંતે ! જમાલી અણગારે અરસાહારે વિરસાહારે જાવ વિવિત્તજીવી કમ્બા ણં ભંતે ! જમાલી અણગારે કાલમાસે કાલ કિચ્ચા લંતએ કપ્પે તેરસસાગરોવમદ્વિતીએસુ દેવકિબ્બિતસએસુ દેવકિબ્બિસિયત્તાએ ઉવવન્ને ? ગોયમા ! જમાલી ણં અણગારે આયરિયપડિણીએ ઉવજ્ઞાયપડિણીએ આયરિય - ઉવજ્ઞાયાણં અયસકારએ જાવ વુગાહેમાણે વુપ્પાએમાણે બહૂં વાસાં સામળણપરિયાં પાઉણ્ણતા અબ્દ્રમાસિએ સંલેહણાએ તીસય ભત્તાં અણસમાએ ઉદેતિ, તીસં ભત્તાં અણસણાએ ઉદેતા તસ્સ ઠાણસ્સ અણાલોઇયપડિંકંતે કાલમાસે કાલ કિચ્ચા લંતએ કપ્પે જાવ ઉવવન્ને | [સુ. ૧૧૨. જમાલિજીવસ્સ પરંપરેણ સિજ્જણાપરૂવણ] ૧૧૨. જમાલી ણં ભંતે ! દેવ તાઓ દેવલોયાઓ આઉક્ખણાં જાવ કહિં ઉવવજ્ઞાહિતિ ? ગોયમા ! જાવ પંચ તિક્રિખજોળિય - મળુસ્સ - દેવભવગ્ગહણાં સંસાર અણુપરિયદ્વિતા તતો પંચા સિજ્જણાહિતિ જાવ અંતં કાહિતિ | સેવં ભંતે ! સેવં ભંતે ! ત્તિ૦ || ☆☆☆ જમાલી સમત્તો ||૧૩૩|| ☆☆☆ ચઉત્તીસઝ્મો ઉદ્દેસો ‘પુરિસે’☆☆☆ [સુ. ૧. ચોત્તિસઝ્મુદ્રેસસ્સુવુઘાઓ] ૧. તેણં કાલેણં તેણં સમએણં રાયગિહે જાવ એવં વદાસી— [સુ. ૨-૬. પુરિસ-આસ-હાથિઆં-અન્નયરતસપાણ-ઇસિહણમાણે પુરિસે તદણણજીવહણણપરૂવણ] ૨. (૧) પુરિસે ણં ભંતે ! પુરિસં અણમાણે કિં પુરિસં હણતિ, નોપુરિસં હણતિ ? ગોયમા ! પુરિસં પિ હણતિ, નોપુરિસે વિ હણતિ | (૨) સે કેણદ્રેણં ભંતે ! એવં વુચ્છિ ‘પુરિસં પિ હણિ, નોપુરિસે વિ હણિ’ ? ગોતમા ! તસ્સ ણં એવં ભવિષ— ‘એવં ખલુ અહં એં પુરિસં હણામિ’ સે ણં એં પુરિસં અણમાણે અણેગે જીવે હણિ | સે તેણદ્રેણં ગોયમા ! એવં વુચ્છિ ‘પુરિસં પિ હણિ નો પુરિસે વિ હણિ’ | ૩. (૧) પુરિસે ણં ભંતે ! આસં અણમાણે કિં આસં હણિ, નોઆસે વિ અણિ ? ગોયમા ! આસં પિ હણિ, નોઆસે વિ હણિ | (૨) સે કેણદ્રેણં ? અદ્વો તહેવ | ૪. એવં હાથ્યિં સીહં વગં જાવ ચિલ્લલગં | ૫. (૧) પુરિસે ણં ભંતે ! અન્નયરં તસપાણ હણમાણે કિં અન્નયરં તસપાણ હણિ, નોઅન્નયરે તસે પાણે હણિ ? ગોયમા ! અન્નયરં પિ તસપાણ હણિ, નોઅન્નયરે વિ તસે પાણે હણિ | (૨) સે કેણદ્રેણં ભંતે ! એવં વુચ્છિ ‘એવં ખલુ અહં એં અન્નયરં તસં પાણ હણામિ, સે ણં એં અન્નયરં તસં પાણ હણમાણે અણેગે જીવે હણિ | સે તેણદ્રેણં ગોયમા | તં ચેવ | એએ સબ્વે વિ એક્કગમા | ૬. (૧) પુરિસે ણં ભંતે ! ઇસિં હણમાણે કિં ઇસિં હણિ, નોઇસિં હણિ ? ગોયમા ! ઇસિં પિ હણિ નોઇસિં પિ હણિ | (૨) સે કેણદ્રેણં ભંતે ! એવં વુચ્છિ જાવ નોઇસિં પિ હણિ ? ગોયમા ! તસ્સ ણં એવં ભવિષ— એવં ખલુ અહં એં ઇસિં હણામિ, સે ણં એં ઇસિં હણમાણે અણંતે જીવે હણિ સે તેણદ્રેણં નિક્રખેવાઓ | [સુ. ૭-૮. હણમાણસ્સ પુરિસસ્સ વેરફાસણાવત્તબ્યા] ૭. (૧) પુરિસે ણં ભંતે ! પુરિસં હણમાણે કિં પુરિસવેરેણ પુછે, નોપુરિસવેરેણ પુછે ? ગોયમા ! નિયમા તાવ પુરિસવેરેણ પુછે ૧, અહવા પુરિસવેરેણ ય ણોપુરિસવેરેણ ય પુછે ૨, અહવા પૂરિસવેરેણ ય નોપુરિસવેરેહિ ય પુછે ૩ | (૨) એવં આસં, એવં જાવ ચિલ્લલગં જાવ અહવા ચિલ્લલગવેરેણ ય ણોચિલ્લલગવેરેહિ ય પુછે | ૮. પુરિસે ણં ભંતે ! ઇસિં હણમાણે કિં ઇસિવેરેણ પુછે, નોઇસિવેરેણ પુછે ? ગોયગા ! નિયમા તાવ ઇસિવેરેણ પુછે ૧, અહવા ઇસિવેરેણ ય ણોઇસિવેરેણ ય પુછે ૨, અહવા ઇસિવેરેણ ય નોઇસિવેરેહિ ય પુછે ૩ | [સુ. ૯-૧૫. પુઢવિકાઇયાઈણ પંચણહં ઉચ્છાસાઝપરૂવણ] ૯. પુઢવિકાઇયે ણં ભંતે ! પુઢવિકાયં ચેવ આણમતિ વા પાણમતિ ઊસસતિ વા નીસસતિ વા ? હંતા, ગોયમા ! પુઢવિકાઇએ પુઢવિકાઇયં ચેવ આણમતિ વા જાવ નીસસતિ વા | ૧૦. પુઢવિકાઇએ ણં ભંતે ! આઉક્કાઇયં આણમતિ વા જાવ નીસસતિ વા ? હંતા, ગોયમા ! પુઢવિકાઇઝએ આઉક્કાઇયં આણમતિ વા જાવ નીસસતિ વા | ૧૧. એવં તેઉક્કાઇયં વાઉક્કાઇયં | એવં વણસ્સઝ્કાઇયં | ૧૨. આઉક્કાઇએ ણં ભંતે ! પુઢવિકાઇયં આણમતિ વા પાણમતિ વા૦ ? એવં ચેવ | ૧૩. આઉક્કાઇએ ણં ભંતે ! આઉક્કાઇયં ચેવ આણમતિ વા૦ ? એવં ચેવ | ૧૪. એવં તેઉ-વાઉ-વણસ્સઝ્કાઇયં | ૧૫. તેઉક્કાઇએ ણં ભંતે ! પુઢવિકાઇયં આણમતિ વા ? એવં જાવ વણસ્સઝ્કાઇએ ણં ભંતે ! વણસ્સઝ્કાઇયં ચેવ આણમતિ વા૦ ? તહેવ | [સુ. ૧૬-૨૨. ઉચ્છસંતાઈસુ પુઢવિકાઇયાઈસુ પંચસુ

કિરિયાપરૂવણા] ૧૬. પુઢવિકાઇએ નં ભંતે ! પુઢવિકાઇયં ચેવ આણમમાણે વા પાણમમાણે વા ઊસસમાણે વા નીસસમાણે વા કઇકિરિએ ? ગોયમા ! સિય તિકિરિએ, સિય ચઉકિરિએ, સિય પંચકિરિએ | ૧૭. પુઢવિકાઇએ નં ભંતે ! આઉકાઇયં આણમમાણે વાૠ ? એવં ચેવ | ૧૮. એવં જાવ વણસ્સિકાઇયં | ૧૯. એવં આઉકાઇએણ વિ સવે વિ ભાણિયવા | ૨૦. એવં તેઉકાઇએણ વિ | ૨૧. એવં વાઉકાઇએણ વિ | ૨૨. વણસ્સિકાઇએ નં ભંતે ! વણસ્સિકાઇયં ચેવ આણમમાણે વાૠ ? પુચ્છા | ગોયમા ! સિય તિકિરિએ, સિય ચઉકિરિએ, સિય પંચકિરિએ | [સુ. ૨૩-૨૫. રૂક્ખમૂલ-કંદ-બીયાળિ પચાલેમાણે પવાડેમાણે ય વાઉકાએ કિરિયાપરૂવણા] ૨૩. વાઉકાઇએ નં ભંતે ! રૂક્ખસ્સ મૂલં પચાલેમાણે વા પવાડેમાણે વા કતિકિરિએ ? ગોયમા ! સિય તિકિરિએ, સિય ચઉકિરિએ, સિય પંચકિરિએ | ૨૪. એવં કંદં | ૨૫. એવં જાવ બીયં પચાલેમાણે વાૠ પુચ્છા | ગોયમા ! સિય તિકિરિએ, સિય ચઉકિરિએ, સિય પંચકિરિએ | સેવં ભંતે ! સેવં ભંતે ! ત્તિ૦ | **☆☆☆** || ચઉતીસિહ્મો ઉદ્દેસો સમતો ||૧૯.૩૪ || નવમં સત્તં સમત્તં ||૧૯|| **ફક્તુફક્તુ** દસમં સયં **ફક્તુફક્તુ** [સુ. ૧. દસમસયસ્સ ચોતીસુદેસનામસંગહગાહા] ૧. દિસ ૧ સંવુદઅણગારે ૨ આઇદીઠી ૩ સામહાંથી ૪ દેવિ ૫ સભા ૬ | ઉત્તર અંતરદીવા ૭-૩૪ દસમમ્મિ સયમ્મિ ચોતીસા ||૧૯|| **☆☆☆ પદ્મો ઉદ્દેસાઓ 'દિસ'** **☆☆☆** [સુ. ૨. પદ્મમુદેસસ્સસુવુંઘાઓ] ૨. રાયિંહે જાવ એવં વદાસી— [સુ. ૩-૫. દિસાણં સર્ખવ] ૩. કિમિયં ભંતે ! પાઈણ તિ પવુચ્ચતિ ? ગોયમા ! જીવા ચેવ અજીવા ચેવ | ૪. કિમિયં ભંતે ! પડીણા તિ પવુચ્ચતિ ? ગોયમા ! એવં ચેવ ૫. એવં દાહિણા, એવં ઉદીણા, એવં ઉદ્ધા, એવં અહા વિ | [સુ. ૬. દિસાણં દસ ભૈયા] ૬. કતિ ણ ભંતે ! દિસાઓ પણન્તાઓ ? ગોયમા ! દસ દિસાઓ પણન્તાઓ, તં જહા— પુરત્થિમા ૧ પુરત્થિમદાહિણા ૨ દાહિણા ૩ દાહિણપચ્છત્થિમા ૪ પચ્છત્થિમા ૫ પચ્છત્થિમુત્તરા ૬ ઉત્તરા ૭ ઉત્તરપુરત્થિમા ૮ ઉદ્ધા ૯ અહા ૧૦ | [સુ. ૭. દસણહં દિસાણં નામંતરદસગં] ૭. એયાસિ ણ ભંતે ! દસણહં દિસાણં કતિ ણામધેજા પણન્તા ? ગોયમા ! દસ નામધેજા પણન્તા, તં જહા— ઇંડઝ્ઝેયી ૧-૨ જમ્મા ય ૩ નેરતી ૪ વારુણી ૫ ય વાયવ્બા ૬ | સોમા ૭ ઈસાણી યા ૮ વિમલા ય ૯ તમા ય ૧૦ બોથવ્બા ||૨૧|| [સુ. ૮-૧૭. જીવાજીવેહિં જીવાજીવદેસ-પદેસેહિ ય દસસુ દિસાસુ વત્તવ્યા] ૮. ઇંદા ણ ભંતે ! દિસા કિં જીવા, જીવદેસા, જીવપદેસા, અજીવા, અજીવદેસા, અજીવપએસા ? ગોયમા ! જીવા વિ, તં ચેવ જાવ અજીવપએસા વિ | જે જીવા તે નિયમં એગિંદિયા, બેઝિંદિયા જાવ પંચિંદિયા, અણિંદિયા | જે જીવદેસા તે નિયમં એગિંદિયદેસા જાવ અણિંદિયદેસા | જે જીવપએસા તે નિયમં એગિંદિયપએસા જાવ અણિંદિયપએસા | જે અજીવા, તે દુવિહા પણન્તા, તં જહા— રૂવિઅજીવા ય, અરૂવિઅજીવા ય | જે રૂવિઅજીવા તે ચઉવિહા પણન્તા, તં જહા— ખંધા ૧ ખંધદેસા ૨ ખંધપએસા ૩ પરમાણુપોગળા ૪ | જે અરૂવિઅજીવા તે સત્તવિહા પણન્તા, તં જહા— નો ધ્રમત્થિકાયે, ધ્રમત્થિકાયસ્સ દેસે ૧ ધ્રમત્થિકાયસ્સ પદેસા ૨; નો અધ્રમત્થિકાયે, અધ્રમત્થિકાયસ્સ દેસે ૩ અધ્રમત્થિકાયસ્સ પદેસા ૪; નો આગાસત્થિકાયે, આગાસત્થિકાયસ્સ દેસે ૫ આગાસત્થિકાયસ્સ પદેસા ૬ અદ્વાસમયે ૭ | ૯. અઝ્ઝેયી ણ ભંતે ! દિસા કિં જીવા, જીવદેસા, જીવપદેસાૠ પુચ્છા | ગોયમા ! ણો જીવા, જીવદેસા વિ, જીવપદેસા વિ, અજીવ વિ, અજીવદેસા વિ, અજીવપદેસા વિ | જે જીવદેસા તે નિયમં એગિંદિયદેસા | અહવા એગિંદિયદેસા ય બેઝિંદિયસ્સ દેસે ૧, અહવા એગિંદિયદેસા ય બેઝિંદિયસ્સ દેસા ૨, અહવા એગિંદિયદેસા ય બેઝિંદિયાણ ય દેસા ૩ | અહવા એગિંદિયદેસા ય તેઝિંદિયસ્સ દેસે, એવં ચેવ તિયભંગો ભાણિયવો | એવં જાવ અણિંદિયાણ તિયભંગો | જે જીવપદેસા તે નિયમા એગિંદિયપદેસા | અહવા એગિંદિયપદેસા ય બેઝિંદિયસ્સ પદેસા, અહવા એગિંદિયપદેસા ય બેઝિંદિયાણ ય પએસા | એવં આદિલ્લવિરહિઓ જાવ અણિંદિયાણ | જે અજીવા તે દુવિહા પણન્તા, તં જહા- રૂવિઅજીવા ય અરૂવિઅજીવા ય | જે રૂવિઅજીવા તે ચઉવિહા પણન્તા, તં જહા— ખંધા જાવ પરમાણુપોગળા ૪ | જે અરૂવિઅજીવા તે સત્તવિધા પણન્તા, તં જહા— નો ધ્રમત્થિકાયે, ધ્રમત્થિકાયસ્સ દેસે ૧ ધ્રમત્થિકાયસ્સ પદેસા ૨; એવં અધ્રમત્થિકાયસ્સ વિ ૩-૪; એવં આગાસત્થિકાયસ્સ વિ જાવ આગાસત્થિકાયસ્સ